



g(47.925)

4-22

25 OCT 2011

already

AB 2A

15635

Հայոց Արքական Կրթական
Համալսարան

ԳՐԻԳՈՐ ՎԵՆՅԵԲԵՆ

9(47.925)

Կ-225

ՀԱՅՈՑ ՊԱՏՄՈՒԹԻՒՆ

ԾԽԱԿԱՆ ԴՊՐՈՑՆԵՐԻ ՀԱՄԱՐ

500
500
500
500
500

✓

ԵՐՐՈՐԴ ՏՊԱԴՐՈՒԹԻՒՆ

ՊԱՏԿԵՐԱՀԱՐԻ

Հրատարակութիւն տիկին Մ. ՎԱՆՅԵԱՆԻ



Թ. Ի. Ֆ. Լ. Ի. Ս.
Ելեքտր. ապարան «ԷՊՕԽԱ» Գանովսկայա փող. № 3.
1909



Նուէր Թիֆլիզի Առևտրական և Մանթաշեի վաճառային դպրոցների իմ աշակերտներին:

Դուք, սիրելի աշակերտներ, որ սովորում էք Եղիպատոսի, Բաբելոնի, Ասորեստանի, Մարաստանի, Հրէաների, Պարսից և այլ բազմաթիւ ազգերի պատմութիւնները, շատ անգամ դիմել էք ինձ հարցերով.—վարժապետ, ի՞նչու չենք սովորում հայոց պատմութիւն, Երբ պիտի սովորենք մեր սեփական պատմութիւնը:—

Ակամայ լոռւթիւնից յետոյ, այս գիրքն է ահա, որ պիտի պատասխանէ ձեր հարցերին, ուր համառօտ ու կարճ, պիտի գտնէք Զեր Նախնեաց գործերի պատմութիւնը:

ՀԱՅԵՐԻ ԾԱԳՈՒԹԸ

ՈՒՍՈՒՑԻՉՆԵՐԻՆ

Նիւթն աւելի կենդանի և բնական դարձնելու լաւագոյն միջոցը կ'լինէր, դիմել բուն պատմական աղբիւրներին և երբեմն ամենահարցասիրական հատուածները կարդալ դասատանը ականատեսների գեղեցիկ պատմածներից։ Այդ հնարաւոր չէ, որովհետև մեր պատմիչներից մի քանիսը միայն թարգմանուած են աշխարհաբար, մեծ մասը գրաբար և անմատչելի են։ Այդ պակասը լրացնելու համար խորհուրդ ենք տալիս դիմելու մեր «Հայ-Հեղինակներ» գրքին, ուր զետեղուած են մեր լաւագոյն հեղինակների գրչին պատկանող պատմական յօդուածներ։ Այս գրքում, ծանուցումների մէջ ցոյց են տրուած համապատասխան տեղերը, որոնք կարող են կարդացուել յիշեալ գրքից։

Գիրքս կազմելիս, բացի բուն աղբիւրներից, օգտուել և հետեւել եմ մեծ մասամբ Պալասանեանին։

Մարդկութիւնը բաժանւում է երեք մեծ ցեղերի. սպիտակ, դեղին, սև ու կարմիր-պղնձագոյն։ Կենսակրթութեան (կուլտուրա) մէջ առաջ են գնացել և մեծ դեր են կատարել առաջին երկուսը։ Սև ցեղը ոչ բարձր կուլտուրայի է հասել, ոչ էլ պատմութիւն ունի։ Պատմութիւն ունեցող ազգերը պատկանում են գեղին կամ սպիտակ ցեղին։ Դեղին ցեղի մէջ ամենից կուլտուրական ազգերն են Զինացիք և Ճապոնացիք։ Շատ հին և պատկառելի է Զինաստանի կուլտուրան, միայն նա սահմանափակուած ինքնիր մէջ մեծ տարածութիւն չգտաւ և ազգեցութիւն չունեցաւ մարդկութեան մնացեալ մասերի վրայ։ Դրա հակառակ լայն ծաւալ ստացաւ և այսօր ձգտում է գրեթէ աիրապետելու ամբողջ աշխարհին սպիտակ ցեղի ստեղծած կուլտուրան։

Սպիտակ ցեղը բաժանւում է երկու մեծ ընտանիքների. Սեմիաներ և Արիներ կամ Հնդկուպացիներ։ Սեմիաներն ապրում էին Միջագետքում, Սիրիայում, Արաբիայում, Փիւնիկէում և Պալեստինում։ Այդ երկիրներումն էլ աճեց ու ծաղկեց նրանց կուլտուրան (կենսակրթութիւնը)։

Շուտով կուլտուրայի ղեկը Սեմիաներից անցնում է արիական ցեղի անդամներին կամ Հնդկուպացիներին։ Այդ ցեղը որպէս իր մարմնի գեղեցկութեամբ, նոյնպէս իր մտաւոր բարձր ընդունակութիւններով առաջին տեղն է բռնում մարդկութեան մէջ։

Այդ ցեղն է, որ ստեղծագործել է մարդկային ամենաբարձր կուլտուրան և գիտութեան ու արուեստի մէջ գրեթէ չունի իր մրցակիցը։ Այդ ցեղի բնավայրն է Եւրոպան, Փոքը և Միջին Ասիան մինչև Հնդկաստան։ Այսօր,

սակայն, զբեթէ ամբողջ աշխարհը գտնուում է այդ ցեղի ձեռքին:

Այդ ցեղին էին պատկանում ճնումը յոյները, հոռամայեցիք. նոյն այդ ցեղի մի մի ընտանիք են կազմում այսօրուայ ամենակենսակիրթ ազգերը՝ անդիմացիք. Փրանսիացիք, գերմանացիք, իտալացիք, լեհերը, ռուսները, պարսիկները և չնդկաստանում արիական ծագում ունեցող որոշ ցեղեր:

Այդ ցեղին են պատկանում նաև հայերը, որոնք հէնց օտարազգի զիտնականների և ճամբորդների վկայութեամբ ամենալնդունակ ազգերից մինն են համարւում. առաջինն էին որ ընդունեցին քրիստոնէութիւն, և հազարաւոր տարիներ շարունակ կոռւեցան վարենի ու բարբարոս ցեղերի հետ, պահպանելու համար իրանց լեզուն, հայրենիքը և կրօնը. Հայերը երովական լաւագոյն գաղափարների ընդունողն ու տարածողն են Ասիայում:—

Հայաստանը, ուր ապրում են հայերը, գտնուում է Ասիայի, Եւրոպայի և Աֆրիկայի մէջ տեղը և այդ երեք մայր ցամաքները կապող անցքն է: Հնուց հետէ նաև մի կամուրջ է եղել, միակ ճանապարհը, որի վրայով անցել կույտական ազգեր. Ասիայից Եւրոպա կամ Աֆրիկա և ընդհակառակը: Բոլոր մեծ արշաւներն ու պատերազմները այս երեք մայր ցամաքների մէջ, ինչպէս օրինակ ազգերի մեծ գաղթը, Պարսիկների արշաւները, Հոռմի կույտական Պարթևների հետ, Արաբաց յարձակութիւնները պարսից կամ յունաց վրայ, Խաչակրաց արշաւնըները, Սելջուկների կամ Օսմանցոց շարժումները, ուստի ձգտումը դէպի հարաւ կամ արևելք, կատարուել է Հայաստանի վրայով: Ապրելով այսպիսի երկրում, հայ ազգը մի հանգիստ օր չէ ունեցել իր ընդունակութիւնները գործադրելու կամ զարգացնելու. այնու ամենայնիւ ամեր երկումն էլ կատարուել են քաջութեան և արիութեան մեծ գործեր», ինչպէս գեղեցիկ ասել է մեր պատմահայր Խորենացին, որոնք արժանի են ամեն մի կրթուած հայի ուշադրութեանը: Մեր ազգը դեռ հինգե-

րորդ դարուց մշակել ու զարգացել է մի գեղեցիկ և հարուստ լեզու, մի հարուստ և հիանալի գրականութեան հետ: Ճարտարապետութեան մէջ ստեղծել է Սնի քաղաքի նման մի հրաշակերտ, որի աւերակների մնացորդն անզամ, հէնց այսօր ամեն մի եւրոպացու և ամեն մի ճամբորդի հիացքն ու զարմանքն է շարժում: Հինգհարիւրամեայ խաւարից և մտաւոր ու քաղաքական անկումից յետոյ այդ աղջը այսօր նորից զարթելով ստեղծել է երկու լեզու. արևմտեան և արևելեան հայերէն և նորից ուզում է ուսումնասիրել մի կողմից իր անցեալ փառքի նսեմ մնացորդները, միւս կողմից ընդունելով եւրոպական կուլտուրա, տարածել այն հարեւան ազգերի մէջ: Այս ազգի պատմութիւնն է ահա, որ մենք պիտի սովորենք այս փոքրիկ գրքոյկից:

Սիրենք և սովորենք, մեր ազգի պատմութիւնը, սիրելի մանուկներ:...

ԱՅԱՀԻՆ ՑՐՉԵՆ

ՀԱՅ-ԱԶԳԻ ԾԱԳՈՒՄՆ ՀՍՏ ԱԻԱՆԴՈՒԹԵԱՆ

Ինչպէս ամեն ազգի, այնպէս էլ մեր հին պատմութիւնը զարդարուած է գեղեցիկ աւանդութիւններով, որտեղ երբեմն իրական ու ճշմարիտ հերոսները երկան են գալիս որպէս դիւցազն և ուր ճշմարտութիւնը խառն է լինում աւանդական առասպելների հետ: Հայկը մի ճշմարիտ ազգային հերոս էր, մի քաջ նետածիդ որսորդ: Հետևելով Աստուածաշունչին, մեր նախնիք մի գեղեցիկ պատմութիւն են յօրինել, ուր Հայկը դուրս է գալիս որպէս հակառակորդ Բէլի: Ահա այդ աւանդական պատմութիւնը Հայկի և Բէլի մասին ըստ Խորենացու:

Բաբելոնի աշտարակաշինութիւնից յետոյ Բէլ կամ Նեբրովթ անունով մի հսկայ սկսաւ բոնանալ ժողովրդի վրայ: Հայկ անունով մի քաջ որսորդ չուզեց հնազանդիլ նրան և առնելով իր որդիքն ու թոռները, թուով 300 հոգի, հեռացաւ Բաբելոնից դէպի հիւսիս: Նա ընակութիւն

հաստատեց Արարատեան երկրի մի լեռնադաշտի վրայ. շինեց մի գիւղ և անունը դրեց Հայկաշէն. իսկ գաւառը կոչուեցաւ Հարք: Այդ երկրի հին բնակիչներն էլ միանաւով Հայկի որդոց, հնագանդեցան նրան:

Այս բանը գուր չեկաւ Բէլին: Նա պատգամ ուղարկեց Հայկին ասելով. «Գնացիր բնակուեցար ցուրտ սառնամանիքի մէջ. լաւ կանես, որ քո սառն հպարտութիւնը մեզմես և գաս, հնագանդելով ինձ, հանգիսա ապրես իմ տէրութեան մէջ, ուր էլ կամենաս»:



ՀԱՅԿԻ ՆԱՀԱՊԵՏ.

Հայկի խիստ պատասխանելով յետ դարձրեց Բէլի պատգամաւորներին: Բէլը զայրացաւ և ահագին բանակով եկաւ Հայկի վրայ՝ պատերազմելու: Հայկը լսելով Բէլի գալուստը, հաւաքեց իր ցեղից բոլոր ուազմիկներին և Վանայ ծովի մօտ մի դաշտավայրում հանդիպեց թշնամուն: Բէլը մի խումբ քաջերով առաջ էր ընկած. Հայկը

յարձակուեցաւ նրա վրայ: Երկու կողմից էլ բազմաթիւ հսկաներ ու քաջեր ընկան, բայց երկու կողմն էլ մնացին անպարտ: Բէլը մտածեց յետ փախչել և միանալ գիխաւոր բանակին, բայց Հայկը նրան ժամանակ շտուաւ, նրա զօրաւոր նետը ցցուեց Բէլի կրծքին և բռնաւոր հսկան գետին տապալուեց: Բէլի անտէր մնացած զօրքը ցիր ու ցան եղաւ: Հայկը տարաւ յաղթութիւնը:

Պատերազմի տեղը Հայկը մի դաստակերտ շինեց և անուանեց Հայք: Բէլի ընկած տեղը կոչուեցաւ Գերեզմանք: Հայկը իր ժամանակի հսկաների մէջ ամենաքաջն էլ և նշանաւոր. նա հաստաբազուկ էր, գեղեցիկ, զանգուր մազերով՝ խաժ աչքերով, գեղապատշաճ և անձնեայ: Նրա անունով է, որ մենք կոչում ենք Հայ, իսկ մեր երկիրը Հայաստան:—

ՀԱՅԿԻ ՅԱԶՈՐԴԻՆԵՐԸ ՄԻՒԶԵԻ ԱՐԱՄ.

Հայկի յաջորդն էր Արմենակ: Սա իր Մանաւաղ ու Խոռ եղբայրներին թողնելով Հարք գաւառում, ինքը գնաց գէպի հիւսիս և բնակութիւն հաստատեց մի բարձր լեռան մօտ, որ Արմենակի անունով կոչուեց Արագած, իսկ գաւառը Արագածոտն:

Մանաւաղի որդի Բազը բնակուեց աղի ծովի արեմատահիւսային կողմերը, որի անունով էլ ծովը կոչուեց Բղնունեաց ծով (այժմ Վանայ):

Արմենակին յաջորդեց Արամայիս, որ Արարատեան դաշտում, Դեհոն (Երասխ) գետի ափին մի քաղաք շինեց. դա հիմնողի անունով՝ կոչուեցաւ Արմաւիր և վերջը Հայկավեանց մայրաքաղաքը դարձաւ: Նա մի որդի ունէր, անունը Շարայ. դա սաստիկ շատկեր ու բազմածին էր, գրա համար ստացաւ մի արգաւանդ դաշտ, որ Շարայի անունով կոչուեց Շիրակ:—Դրա շատակերութիւնն առակ էր դարձել ժողովրդի մէջ, որ ասում էին ամեն մի որկրամոլի. «Թէ քոնը Շարայի որկորն է, մերը Շիրակի ամբարքը չեն»:

Արամայիսին յաջորդեց Ամասիա, որի անունով էլ կոչուեցաւ Հայաստանի ամենամեծ լեռը—Մասիս։ Նա ունեցաւ երեք որդի. Գեղամ, ժիր Փառովի և կայտառ Ցուլակ.—դրանց համար նա շինեց երկու աւան, մինը Փառովատ, միւսը Ցուլակերտ։

Մի քանի ժամանակից յետոյ Գեղամը թողնելով իր որդի Հարմային Արմաւիր՝ ինքը գնում է արևելահիւսիս մի ծովակի մօտ։ Այդտեղ նա հիմնում է մի աւան, որ կոչում է Գեղարքունի, ծովս էլ Գեղամայ ծով (այժմ Սևան)։ Այս երկները մինչև Արաքս գետը Գեղամը տալիս է իբրև ժառանգութիւն իր Սիսակ որդուն։

Այսպէս Հայկի որդին ու թոռները հետզհետէ քաղ-
մանալով ցրուեցին ու տիրեցին ամբողջ Հայաստանին։

Կազմուեցան փոքրիկ ցեղեր իրանց նահապետներով։
Սակայն միութիւն և կապ չկար նրանց մէջ և թշնամի-
ները նրանց դիւրութեամբ նեղում էին։ Այդ միութիւնն
ու կապ հաստատողն եղաւ քաջն Արամ։

Ա. Բ. Մ Ն Ա Հ Ա Պ Ե Տ

Արամը վերին աստիճանի քաջ և հայրենասէր մարդ նա լաւ էր համարում մեռնել՝ քան տեսնել այն նե-
էր. նա լաւ էր համարում մեռնել՝ քան տեսնել այն նե-
տեսները, որ օտարները տալիս էին հայերին։ Նա
միացնում է հայ ցեղապետներին, 50000 քաջ ու ընտիր
զօրք հաւաքում և նրանց զլուխն անցնելով, յարձակուում
է նիւքար Մադէսի վրայ, որ նեղացնում էր Հայաստանի
արևելեան կողմը։

Անսպասելի յարձակումով՝ զեռ արեր չծագած, Ա-
րամը կոտորում է նիւքարի զօրքը և նրան էլ գերի առ-
նելով, բերում է Արմաւիր։

(Այնտեղ աշտարակի ծայրին մեխում են նրան ճակա-
տից ի տեսիլ անցորդների։)

Նինուէի թագաւոր նինուը թէպէտ մտածում էր իր
նախահօր—Շէլի վրէժն առնել Արամից, բայց տեսնելով
նրա քաջ պատերազմները, մարգարտեայ վարսակալ ուղար-

կեց նրան ընծայ և իր երկրորդը կարգեց Արամին։
Մադէսի երկիրներին տիրելուց յետոյ, Արամը զէնքն
ուղեց հարաւ, ասորի Բարշամի դէմ, որ Հայաստանի
հարաւը կատարեալ անապատ էր դարձրել։

Արամը նրան էլ յաղթելով զօրքը ցրուեց մինչև Կոր-
դուաց լեռները և Բարշամի երկիրը հարկատու արաւ,
Բարշամն էլ պատերազմի մէջ մեռաւ։ Սա այն Բարշամն
էր, որին քաջութեան համար ասորիներն իբրև աստուած-
էին պաշտում։—Արևելեան և հարաւային կողմերը թշնա-
մուց ապահովելով, Արամ իր ուշքը դարձրեց դէպի արե-
մուտք։

Պոնտոսի (Սև ծով) և Միջերկրականի մէջ գտնուած
երկրի վրայ այդ ժամանակ իշխում էր Պայապիս Քաղեայ
անունով մէկը, որ զօրք հաւաքեց Արամի դէմ դուրս գա-
լու։ Մեր Արամը 40,000 հետևակ և 2,000 հեծելազօրքով
յարձակուեց Պայապիսի վրայ, ջարդեց նրան և փախցրեց
մինչև Միջերկրականի կղզիներից մէկը։

Պայապիսի երկիրներին տիրեց Արամ և բնակիչներին
հրամայեց, որ հայերէն սովորեն ու խօսեն. ինքը դառնա-
լով Հայաստան, այնտեղ թողեց Մշակ անունով մէկին
10,000 զօրքով։ Մշակն այնտեղ մի աւան հիմնեց իր ա-
նունով, որ տեղացիք անուանում էին Մաժաք և վերջը
կոչուեցաւ կեսարիա։ (Այս երկներից էր, որ կազմուե-
ցաւ Առաջին, երկրորդ, երրորդ և Զորրորդ Հայք գաւառ-
ները, որ միասին կոչուեցան Փոքր—Հայք։)

Արամի նշանակութիւնը շատ մեծ է մեր պատմու-
թեան մէջ. նա էր որ բոլոր հայ ցեղերին միացրեց և
դարձրեց մի ազգ. թշնամիներին վանելով՝ նա հիմք դրեց
մի մեծ և լնդարձակ տէրութեան, ամեն տեղ բնակիչնե-
րով լցրեց և հայ անունը պատկառելի դարձրեց ամենի
առաջ։ Նրա անունը այնքան ազգու և հոչակաւոր էր, որ
օտար ազգերը մեզ և մեր երկիրը ճանաչում և կոչում
են նրա անունով ԱՐՄԵՆ, ԷՐՄԵՆԻ, (Արամեան) և մեր
երկիրն էլ ԱՐՄԵՆԻԱ. —

Ա. Բ Ա Գ Ե Ղ Ե Ց Ի Կ

Արամին յաջորդեց նրա որդին՝ Գեղեցիկ Արան։
Նիսոսի մահից յետոյ Ասորեստանի թագն անցաւ
նրա կնոջ, Շամիրամին։ Սա լսելով Արայի գեղեցկութեան
մասին, ուզեց ամուսնանալ նրա հետ։ Մարդիկ ուղարկեց
ընծաներով և խնդրեց, որ Արան գնայ Նինուէ, դառնայ
Ասորոց թագաւոր և կամ, եթէ կամենում է, նորից յետ
դառնայ Հայաստան։—Արա գեղեցիկը չհամաձայնեց, որով-
հետեւ ամուսնացած էր Նուարդ իշխանուհու հետ։ Շամի-
րամը բարկանալով զօրք հաւաքեց, եկաւ Հայաստան և
գէնքի ուժով կամենում էր տիրել Հայաստանին և Արային,
Պատերազմելիս նա հրամայեց իր զօրքին, որ խնայեն Ա-
րային և ողջ-առողջ գերի բռնեն։ Պատերազմի մէջ քաջ
Արան սպանուեց։ Շամիրամը որոնել տուաւ նրա դիակը
և դրեց իր պալատի վերնատանը, որ աստուածները կեն-
դանացնեն նրան։ Հայերը մի տեսակ աստուածներ ունեին,
Յարլէղ անունով. պատերազմում ընկած հերոսներին նը-
րանք լիզելով առողջացնում էին։

Հայերն իրանց իշխանի մահուան վրէժը հանելու հա-
մար նորից ապստամբեցան և պատերազմի դուրս եկան։
Շամիրամն իր մարդկանցից մէկին հազցնելով Արայի շո-
րերը, ցոյց տուաւ հայերին և հանգստացրեց, ասելով, որ
աստուածները լիզեցին նրա վէրքերը և առողջացրին նը-
րան։ Այն ինչ Արայի մարմինը հոտել էր արդէն և Շա-
միրամը ստիպուած էր մի փոս փորել տալ և թաղել^{*)}։
Շամիրամը տեսնելով Հայաստանի հիանալի օդը, ա-

*) Այս Արայի մասին եղած աւանդութիւնը պատմում է և
Պլատոն յոյն փիլիսոփան, այն տարբերութեամբ, որ վիրաւոր
մնալուց յետոյ, Պլատոնի ասելով՝ Արան առողջանում է։ Արդեօք
այդ առողջացած Արան այն անձը չէր, որ կեղծիքով Արայի շո-
րերն էր հագել, հայերին խարելու համար։
Արայի մասին տես. Բազմավէպ 1897 թ. Նոյեմբեր Բասմա-
ջեանի յօդուածը։

նուշ և սառն աղբիւրները, գեղեցիկ, ձիւնապատ լեռները,
կապոյտ ու սիրուն լճերը, որոշեց ամառները անցկացնել
Հայաստանում։ Դրա համար Ասորեստանից բերաւ բազմա-
թիւ արհեստաւորներ ու բանւորներ, շինել տուաւ մի քա-
ղաք, և կոչեց Շամիրամակերտ։ որ հիմա կոչւում է Վան։

Արայի մահից յետոյ Շամիրամը Հայաստանի իշխա-
նութիւնը կարդոսին յանձնեց։ Սա մեռաւ պատերազմի
դաշտում, Շամիրամի հետ Նինուասի գէմ կոռւելիս։

Կարդոսն ունէր մի որդի, խելացի և հանձարաւոր
Անուշաւանը։ Սա նուիրուած էր Արմաւիրի մօտ գտնուած
Սոսեաց անտառին, ուստի և կոչւում էր Սօս կամ Սոսա-
նուէր։ Այս անտառի սոսաւիւնից հին հայերը գուշակու-
թիւններ էին անում։

Զօր մահից յետոյ Անուշաւանը գերի է ընկնում ասո-
րիների ձեռքը, բայց շահելով Նինուասի սիրտը, նախ ստա-
նում է Հայաստանի մի մասը կառավարելու, ապա նաև
ամբողջ Հայաստանը։

Արանից յետոյ հայերը բազմաթիւ իշխաններ ունե-
ցան, որոնք լինելով Ասորոց գերիշխանութեան տակ, չը-
կարողացան անուանի գործեր կատարել։ մինչև որ եօթ-
երորդ դարու սկիզբն իշխանութեան գլուխ անցաւ Պա-
ռոյը։

ՊԱՐՈՅՐ ՀԱՅԿԱԶՆ ԵՒ ՀՐԱԶԵԱՅ

Ասորեստանն արդէն թուլացել էր։ Մարաց Կիաքսար
Ա. և մեր Պարոյը միացան Բաբելացոց Նաբուպալասար
թագաւորի հետ և յարձակուեցան Նինուէի վրայ։ Քաղա-
քը կործանեցին, իսկ Ասորեստանի վերջին թագաւորը
թշնամու ձեռքը չընկնելու համար այրուեցաւ իր կանանց
հետ, պալատի մէջ։

Այս պատերազմից յետոյ Պարոյը ստացաւ թագ և
եղաւ առաջին պատկեր թագաւոր։ Նրանից առաջ եղած
հայ իշխանները նահապեաններ էին։

Պարոյը յաջորդեց Հրաչեայ։ Սա օգնեց Բաբելացոց
Նաբուպալասարը արքային Հրէաստան պատերազմի գնա-

Աս: Մրա ժամանակ հրէայ գերիներից Շամբատ անունով
մի իշխան բնակութիւն հաստատեց Հայաստան, որից ա-
ռաջ եկաւ Բագրատունի նախարարական տոհմը:—

Հրաչեային յաջորդում են ութ թագաւորներ, մինչև
Տիգրան Ա. որոնց մասին պատմութիւնը մեզ ոչինչ չի
աւանդում:—

ՈՒՐԱՐՏԱՑԻՆԵՐ ԿԱՄ ԽԱԼԴԵՐ

Մինչև այստեղ ինչ որ պատմեցինք, հաղորդել է մեզ Մով-
սէս Խորենացի հայ պատմիչը: Հայոց պատմութեան հսագոյն
շրջանի մասին նա գրաւոր տեղեկութիւններ չէր կարող ուսնենալ:
Այս ամենը նա հաւաքել ու կազմել է ազգային աւանդութիւն-
ներից, երգերից, զրոյցներից և առասպեճներից:

Հայկ և Արա անունով ազգային հերոսներ անկասկած եղել
են, որոնց անուան շուրջը ժողովուրդը խտացրել է իր դարաւոր
կոփեները Ասորեստանի հետ:

Մեր պատմութեան այս մասը, որ կազմուած է միմիայն
աւանդութիւններից, պէտք է կոչել առանդական: Բուն, իրական
պատմութիւնն սկսում է այսուհետեւ:

Ներկայ գիտութիւնն ապացուցել է, որ հաւերը պատկանում
են Հնդկերպական ցեղին: Թէ ուր է եղել Հնդկերպական ցեղի
մասկութեան հին տեղը, հաստատ յայտնի չէ: Ամենից հաւանա-
կան և ներկայում տարածուած կարծիքն այն է, որ այդ ցեղի
ընակութեան հին տեղն է հարաւային Ռուսաստանը, որտեղից
ընթացած արածուեցան արևմուտք, դէպի Եւրոպա և ա-
րևելք, դէպի միջին Ասիա, Հնդկաստան և Պարսկաստան:

Հայերի մասին յոյն պատմիչ Հերոդոտը պատմում է, որ
դուրս են եկել Բալկանեան թերակղզուց, Թրակեայից, և անցնե-
լով Փոքր Ասիան, եկել հաստատուել են Հայաստանում: Հայերն
ուրեմն եկուորսներ են: Ո՞վ և ինչ ազգութիւն էր ընակուու
Հայաստանում հայերից առաջ:

Ներկայում անհերքելի փաստերով ապացուցուած է, որ Քրիս-
տոսից մօտ երկու հազար տարի առաջ՝ Հայաստանում ապրում
էր մի քաջ, պատերազմասէր և կենսակիրթ ազգութիւն, որ կոչ-
ւում է Ուրարտացիներ կամ Խալեր: Այդ ազգի ծագութն ու լե-
զուն անյաւտ է, գա ոչ սեմիտ էր, ոչ հնդկուպացի:

Դարեր շարունակ նա պատերազմում էր Ասորեստանի հետ.
ունէր մեծ ու պարսպաւոր քաղաքներ, անց էր կացրել երկրի

մէջ գեղեցիկ ջրանցքներ. ունէր գիր և հաւանօրէն գրականու-
թիւն: Այդ գրերը նման էին սեպերի (մեխերի), դրա համար էլ
գրանք կոչում են սեպագիր արձանագրութիւններ: Այդ արձա-
նագրութիւններից մօտ հարիւրի չափ այսօր գտնուում են Հայաս-
տանի զանազան մասերում, սկսած Սևանայ Ճից մինչև Վան,
ուր ամենից շատ կան այդպիսի գրեր: Ինչպէս երևում է, Վանը
եղել է սրանց գլխաւոր քաղաքներից մինը: Այդ արձանագրու-
թիւններն այսօր կարդացնաւած են և պատմում են ուրարտացի-
ների պատերազմական արշաւանքներն ու քաջութիւնները: Զնա-
յելով այդպիսի կենդանի փաստերին, այսօր Հայաստանում հետքն
անզամ չի մնացել Ուրարտացիների:

Ուր կորաւ, թնչպէս անյայտացաւ մի այդպիսի քաղաքակիրթ
և պատերազմասէր ազգութիւն, մնում է մինչև օրս անյայտ, և
ահա, Քրիստոսից մօտ 700 տարի առաջ, անյայտացած Ուրար-
տացիների տեղը մնաք տեսնում ենք Արմէններին կամ Հայերին:
Մի բոլորովին նոր ժողովուրդ, որ ծագում է այլ ցեղից և խօ-
սում է հայերէն: Թէ ինչպէս Արմէնները կամ Հայերը Հայաստան
եկան, Ուրարտացիներին յաղթեցին, մեզ անյայտ է: Անկասկած
տեղի պիտի ունեցած լինի երկարատև կոփւ. Ուրարտացիների
մի մասը գերի զնացած և խառնուած հայերի հետ, միւս մասն
էլ երեխ տեղահան եղած և Հայաստանից գաղթած:

Այսուհետև Ուրարտացիներց Հայաստանում մնացին սրանց
թողած սեպագիր արձանագրութիւնները, որ մինչև հիմա էլ կան,
մէկ էլ քաղաքթիւ աշխարհագրական անուններ: Ուրարտաւ, սրանց
երկրի անունից է, որ Մասիսի մօտ գտնուած գաշտավայրը կոչ-
ւում է Այրարատ, կամ Արարատ. Եւրոպացիր այդ անունը սխալ-
մամբ տալիս են Մասիս լեռան: Հայաստանի հին տեղային ա-
նունները. Մուշ, Հանծիթ, Վան, Տուսպ, Արածանի, Ախուրեան,
Սիւնիք, Արծրունիք, Ռշտունիք, Երևան, Գառնի, Ուրծ և Այլն,
որոնք Հայերէն չեն և հայ լեզուով չեն բացատրում, մեծ մա-
սամբ մնացորդ են Ուրարտերէնի:

Այս է ա:ա մնացել նախնի Ուրարտացիներից մեզ ժառան-
գութիւն: Արմէնները հօթհարիւր տարի Քրիստոսից առաջ հաս-
տատուելով Հայաստանում, բնաջինջ արին և հաստատցին սե-
փական Հայ թագաւորութիւն:

Առաջին Հայ թագաւորը, որի մասին մեզ ստոյգ պատմա-
կան տեղեկութիւն է հասել, Երուանդեան Տիգրանն էր.

ՏԻԳՐԱՆ Ա. ԵՐՈՒԱՆԴԵԱՆ

Տիգրանը մեր ամենանշանաւոր թագաւորներից մինև էր: Նա իմաստուն, քաջ, աշխարհակալ և ժողովրդասէր էր: Ազգային երգիչները բամբիռ նուազելով գովում էին նրա շէկ ու գանգուր մազերը, անուշ աչքերը, բարձր հասակը, լայն թիկոնքը, գեղեցիկ ոտները:

Կերակրի մէջ նա չափաւոր էր, կերուխումի մէջ օրինաւոր, իմաստուն, վեհանձն և մարդկային բոլոր արժանիքներով լի: Արդարադատ էր նա, և ամեն բանի մէջ հաւասարասէր. ոչ լաւերին էր նախանձում և ոչ թոյլերին էր արհամարհում, այլ ամենքին առհասարակ ինամք էր տանում:

Մեր երկիրը նա բարձրացրեց, քաջերի գլուխն անցնելով, քաջութիւններ ցոյց տուաւ և բազմաթիւ ազգեր հարկատու և հպատակ դարձրեց մեզ:

Երկիրը հարստացրեց ազնիւ մետախներով ու թանկագին քարերով: Ֆողովուրդն այն աստիճան հարստացաւ, որ նրա ժամանակ մարդ ու կին հագնեւում էին թանկագին հագուստներ: —

Տիգրանն առանձին ուշք դարձրեց զօրքի վրայ. հետեւակները դարձրեց հեծելազօրք. պարսաւորին տուաւ նետ ու աղեղ. և բոլոր մնացեալին զինեց տէգով, նիզակով և վահանով, այնպէս որ, միայն նրանց զէնքի շառաչն ու փայլը բաւական էր թշնամուն վախեցնելու և հալածելու:

Տեսնելով Տիգրանի աջողութիւնները, Պարսից թաթաւոր կիւրոսը դաշն կապեց Տիգրանի հետ, որ միասին պատերազմեն Մարաց Աժդահակ թագաւորի դէմ: —

Հստ աւանդութեան Աժդահակը մի երազ է տեսնում և պատմում իր պալատականներին. «Հայաստանի մի ձիւնապատ լեռան վրայ, ասում է նա, տեսայ մի գեղեցիկ կին, որ յանկարծ երեք կտրիճ ծնաւ. առաջինը առիւծի վրայ նստած ոլացաւ դէպի արևմուտք. երկրորդը ընձի վրայ նստած գնաց դէպի հիւսիս. իսկ երրորդը մի ամե-

հի վիշտապ սանձելով յարձակուեց իմ տէրութեան վրայ այն ժամանակ, երբ ես զոհ էի մատուցանում կուռքերին: Նա կամեցաւ կործանել կուռքերը, ես միջամտեցի, բայց յաղթուելով սպանուեցայ»:

Պալատականները բացատրեցին, որ Տիգրանի կողմից վտանգ է սպանում Աժդահակին և խորհուրդ տուխն բարեկամութեամբ այդ վտանգի առաջն առնել:

Աժդահակը մարդ է ուղարկում Տիգրանի մօտ և նրա քրոջը, Տիգրանուհուն, կին ուզում: Տիգրանը մեծ պատւով և ընծաներով ուղարկում է Տիգրանուհուն կնութեան: Աժդահակը Տիգրանուհու սիրտը գրաւելուց յետոյ սկսաւ նրա նախանձը շարժել և գրգռել, թէ Տիգրանն իր կնոջ Զարուհու դրդմամբ կամենում է գրաւել Մարաց թագաւորութիւնը, որ ինքը Զարուհին լինի տիկնանց տիկին և քեզանից բարձր: —

Տիգրանուհին հասկանում է իր մարդու խորամանկութիւնը և հաւատարիմ մարդու ձեռքով իմաց տալիս եղբօրը: Երբ Տիգրանը հրաւելը ստացաւ Աժդահակից տեսութեան գալու սահմանի վրայ՝ նա զօրքով ընդառաջ ելաւ Աժդահակին, և պատերազմն սկսաւ այն ժամանակ, երբ գեղեցիկ Տիգրանուհին փախչելով ազատուել էր Աժդահակի ձեռքից: Պատերազմի մէջ Տիգրանը նիզակն այնպէս է խրում Աժդահակի կուրծքը, որ յետ քաշելիս թոքերի կէսն էլ հետն է հանում, և յաղթութեամբ վերջ է դնում կըռւին, որ երկու կողմից տեսել էր բաւական երկար: —

Պատերազմի ժամանակ Տիգրանին դաշնակից էր պարսից Կիւրոս թագաւորը, որ և աիրեց Մարաստանին. իսկ մեր Տիգրանը 10,000 զերի բերեց Հայաստան Աժդահակի կնոջ Անոյշի հետ՝ և ընակեցրեց Մասիսի արևելեան կողմը, որոնցից առաջացաւ վիշտական կամ Մուրացան ցեղը: —

ՏԻԳՐԱՆԻ ՅԱԶՈՐԴՆԵՐԸ

Տիգրանի յաջորդներից նշանաւորն էր նրա կրտսեր որդին, Վահագը, որ սաստիկ քաջութեան համար վիշտ-

սլաքաղ կոչուեցաւ. Սա այնպիսի գործեր կատարեց, որ
ժողովուրդը նրան Աստուածների կարգը դասեց. իսկ Վրա-
ցիք նրան արձան կանգնեցին և պաշտում էին:

Գողթան երգիչները նրա մարդկային ծնունդը մո-
ռացան և այսպէս էին երգում. «ցաւի մէջ էին երկինքը,
երկիրը և ծիրանի ծովը. Մի կարմիր եղեգնիկ, որ ծիրա-
նի ծովի մէջն էր, ծուխ ու բոց էր արձակում. այդ բոցի
մէջ մի պատանեակ էր վազում. նրա մազերը հուր էին,
նրա մօրուքը բոցեղէն էր և աչքերը մէկ-մէկ արեգակ»*)
—Սա Վահագն էր:

Տիգրանի յաջորդներից էր և Վահէ, որ 30,000 հե-
տեակ և 7000 հեծելազօրով օգնութեան գնաց Դարէն
թագաւորին ընդդէմ Ալեքսանդր Մակեդոնացու. Վահէն
մեռաւ պատերազմում և 330 թուին Հայաստանն ընկաւ
Մակեդոնացի աշխարհակալի ձեռը: —

ՄՍԿԵԴՈՆԵԱՆ — ՍԵԼԵԿԻԿԵԱՆ ԻՇԽԱՆՈՒԹԻՒՆ.

(330 — 159 թ. Բ. ա.)

Ալեքսանդր Մակեդոնացին տիրեց Հայաստանի հարա-
ւային և արևմտեան նահանգներին միայն: Հիւսիսային
Հայաստանը, կուր և Արաքս գետերի մէջ, ինչպէս երևում
է, մնաց անկախ հայ իշխանների ձեռքին, որոնց պատ-
մութիւնը մեզ չի հասել:

Հարաւարևմտեան Հայաստանն էլ շարունակ պատե-
րազմների մէջ էր. նախ իշխեց Միհրան, ապա Հարաւարիտ
Նէոպոլոմէոս, որին հալածելով Արդուարդ հայ իշխանը,
տիրեց Հայաստանին: Վերջը 301 թ. Հայաստանն ընկաւ
Սելեկիան թագաւորների ձեռքը: Դրանք մեր երկիրը
կառավարում էին հայ իշխանների միջոցով, որոնցից
նշանաւոր եղաւ Արտաշէս: Նա պաշտպանեց և զարգա-
ցրեց արևեստները, վաճառականութիւնն և երկրագործու-
թիւնը:

*) Կարդալ. «Գողթան երգեր». «Հայ հեղինակներ» երես 287:

Արտաշէս օգտուեց Սելեկացոյ թուլութիւնից և Հա-
յաստանը ազատեց նրանց լծի տակից, դառնալով հայոց
ինքնիշխան թագաւոր: Սրա ժամանակ էր, որ կարթագե-
նացի հանճարեղ զօրավար Աննիբալը փախաւ Հայաստան:
Արտաշէսը նրան սիրով ընդունեց և Արաքսի ձախ ափին
նրա խորհուրդով հիմնեց Արտաշատ քաղաքը (189 թ. Բ. ա.):

Արտաշէսին յաջորդեց Արտաւազդ: Հայերը ձանձրա-
նալով նրա թուլութիւնից գիմեցին պարթևներին, որ ե-
կան և Հայաստանին տէր դարձան: —

ԵՐԿՐՈՐԴ ՇՐՋԱՆ

ԱՐՃԱԿՈՒՆԻՔ ՀԱՅԱՍՏԱՆՈՒԹԻՒՆ (150 թ. Բ. ա.)

Պարթևները մի փաքրիկ ազգ էին, որ ապրում էին
Կասպից ծովի հարաւարեկեան ափերի մօտ, լեռնաստա-
նում: Նրանք թափառական էին, բայց քաջ ազեղնաւոր ու
ձիավարժ: Սելեկացոյ ժամանակ Արշակ անունով մի պար-
թե ապստամբեց և հետզհետէ սկսաւ իր երկիրն ընդար-
ձակել: Նոյն ընթացքին հետևեցան և նրա յաջորդները,
մինչև որ Արշակ Մեծն իր սահմանները տարածեց մինչև
Հնդկաստանի ինդոս և Հայաստանի Եփրատ գետերը: Սրա
ժամանակ էր, որ Հայերը խնդրեցին Պարթևաց պաշտպա-
նութիւնը և Արշակ Մեծն իր եղբօր Վաղարշակին ուղար-
կեց Հայաստան իրքի թագաւոր և Հայաստանում 150 թ.
հաստափուեց Արշակունեաց հարստութիւնը, որ ամենա-
փառաւորն եղաւ մեր պատմութեան մէջ:

Արշակը Հայաստանին միացրեց Ատրպատականն ու
Միջագետքը, հիւսիսից էլ Սկ ու Կասպից ծովի մէջ գըտ-
նուած երկիրները մինչև Կովկասեան լեռները և զրանով
կազմեց մի ահագին Հայ պարթե տէրութիւն, որ պիտի
դիմադրէր Սելեկիանների յարձակումներին:

Արշակը Հայաստանի թագը դնելով իր եղբօր Վաղար-
շակի գլուխը, դարձրեց նրան մի ինքնազուլս թագաւոր

պատուիրելով կառավարել և ընդարձակել իր երկիրները՝ «զի սահմանք քաջաց զէնն իւրեանց, որքան հատանէ, այնքան ունի» (քաջերի սահմանը՝ իրանց զէնքն է. որքան կտրէ, այնքան կը տիրէ):

Սելևկեան հպատակները սիրով չուզեցան հնաղանդել Վաղարշակին, այլ միանալով, Կապադովկիայի իշխան Մորփիւիկէսի առաջնորդութեամբ դուրս եկան Վաղարշակի դէմ պատերազմի:

Պատերազմը տեղի ունեցաւ Փոքր-Հայքում: Մորփիւիկէսը, որ մի քաջ մարդ էր, մի խումբ թիկնապահների հետ ճանապարհը մաքրելով հասաւ մինչև Վաղարշակի ամրացած տեղը: Սակայն չայ իշխանները փրկեցին իրենց թագաւորի կեանքը սպանելով Մորփիւիկէսին և հալածեցին նրա զօրքը:

ՎԱՂԱՐՇԱԿԻ ՀԱՍՏԱՏԱԾ ԿԱՐԳԵՐԸ

Վաղարշակ իր աթոռը հաստատեց Մծբին և այնուհետև ծանօթանալ ուզեց հայոց անցեալին: Նա Հայաստանի մէջ մեր պատմութեան մասին ոչ մի ստոյդ գրուածք չգտաւ: Գիտնական Մար-Աբասին, որ ազգով ասորի էր, Վաղարշակ ուղարկեց իր եղբօր մօտ նամակով և խնդրեց որ թոյլ տալ նինուէի գրատան ձեռագիրները ըննելու: Մար-Աբասն այդտեղ մի գիրք գտաւ հայոց պատմութեան մասին, և արտագրելով, բերաւ Հայաստան: Վաղարշակը հրամայեց այդ գիրքը պահել իր գանձատանը և նրանից զանազան կտորներ փորել տուաւ արձանների վրայ:

Ծանօթանալով հայերի անցեալին, Վաղարշակն սկսաւ կարգաւորել Հայաստանը հետեւելով նրա հին սովորութիւններին և կամ շատ բան էլ փոխ առնելով աւելի կըրթուած աղգերից:

Հայաստանի սահմանների վրայ նա նշանակեց կուսականեր, սահմանապահներ և բդէշիներ: Քաղաքներում և տւաններում նշանակեց գատաւորներ (իրաւարար): Բագրատ իշխանին թագաւորներին թագ դնելու և զօրքին

հրամանատար լինելու իրաւունքը տուաւ, ուստի Բագրատունիք կոչուեցան «թագադիր—ասպետ»: Աժդահակից առաջ եկած նախարարութեան, որ Մուրացան էր կոչւում, նշանակեց թագաւորի երկրորդը: Խորխոսունեաց յանձնեց իր անձի պաշտամութիւնն ու թիկնապահութիւնը:

Վարածնունեաց ցեղին տուաւ որսերի վերակացութիւնը, Արծրունիք-որսի ժամանակ արծիւները պիտի տանէին թագաւորի առաջ. Գնթունիք ստացան հանգերձ պահելու և հազցնելու պաշտօն. Վահագի ցեղին տալիս է քրմապետութեան իրաւունք: Արմաւիր քաղաքում կանգնում է արևի, լուսնի և իր նախնիների արձանները, որոնց պաշտում էին իբրև Աստուած:

Իր անձի համար էլ Վաղարշակ նշանակեց երկու յուշարաններ, որոնք գրով պիտի յիշեցնէին նրան, մինը բարի գործերը, միւսը պատիժները: Բարի յուշարարին նա հրամայում է յիշեցնել իրան արդարն և իրաւացին, եթէ ինքը բարկացած լինի:

Արքունի տան մէջ էլ նա մտցրեց կարգ ու կանոն. որովհետև շատ որդի ունէր, կարգադրեց, որ միայն անդրանիկը-թագաժառանգը մնայ իր մօտ, իսկ մնացեալները պիտի ապրէին Հաշտենից գաւառում:

Վաղարշակը մեռաւ Մծբին քաղաքում 22 տարի թագաւորելուց յետոյ:

Վաղարշակին յաջորդեց Արշակ Ա., որ թագաւորեց 13 տարի. սա խաղաղութեամբ շարունակում էր հօր գործերը, երբ ստիպուած եղաւ պատերազմի գուրս գալու Պոնտացոց գէմ: Արշակը նրանց յաղթեց և Սև ծովի եզերքը մի քարէ արձան կանգնեց իբրև յաղթութեան նշան, որ Պոնտացիք սկսան պաշտել իբրև Աստուած:

Ա Ր Տ Ա Շ Է Ա Ա.

Արշակին յաջորդեց քաջ ու պատերազմասէր Արտաշէսը: Մինչև սրա թագաւորելը Պարսից թագաւորն համարւում էր առաջին, իսկ հայոց թագաւորը նրա երկ-

բորդը։ Արտաշէսն ստիպեց պարսից Արշական թագաւոռ-
րին և խլեց նրանից առաջնութիւնը, և նրան դարձրեց
իր երկրորդը։ Իր արքունիքն էլ հաստատեց Պարսկաստան
և զրամ կտրել տուաւ այնտեղ, իր պատկերով։ Այս իրա-
ւունքն էլ առաջ միայն պարթեաց թագաւորին էր յատուկ։

Նա հետգիւետէ կարգաւորեց և շատացրեց իր զօրքը
այնքան, որ նրանց քցած քարերից բլուրներ էին կազմ-



Ա Ր Տ Ա Շ Է Ս Ա.

ւում։ Նրանց արձակած նետերը արեի լոյսը խաւարեց-
նում էին։

Պոնտոսի թագաւոր Միհրդատին տուաւ իր աղջիկ
Արտաշաման և դաշնաւորեց իր հետ։ Իր որդի Տիգրանին
յանձնեց Հայաստանի թագը հէնց իր իշխանութեան ժա-
մանակ, անցաւ մեծ զօրքով, յարձակում գործեց Պոնտոսի
և Միջերկրականի մէջ գտնուած թագաւորութիւնների վրաց
և բոլորին նուանեց։

Այնուհետև անցաւ Թրակիա, սպառնաց Յունաստա-
նին և բազմաթիւ ոսկի ու թանկազին արձաններ ուղար-
կեց Հայաստան։

Հոռմէացիք այդ ժամանակ զբազուած էին ներքին
կոփւներով և պատերազմի դուրս չեկան մեր Արտաշէսի
դէմ, որ նուաճել էր ամբողջ Փոքր—Ասիան։ Նրանք խո-
րամանկութեամբ կաշառեցին Արտաշէսի զօրսավարներին,
որոնք դաւաճանօրէն սպանեցին իրենց թագաւորին Փոքր
—Ասիայում (89 թ.)։

Տ Ի Գ Բ Ա Ն Բ Ա Ր Մ Ե Ծ

Տիգրան Բ-ի ժամանակ Հայաստանի փառքն հասաւ
իր ամենաբարձր աստիճանին։ Հօր զահի հետ նա ժառան-
գել էր նրա գոռոզութիւնն ու փառասիրութիւնը։ Հօր
մահը լսելուն պէս նա անցաւ զօրքի գլուխը և գնաց
Յունաց վրայ, որոնք արդէն ոտք էին կոփել Հայաստանի
ասհմանները։ Նրանց յաղթելուց յետոյ Տիգրան կապաղով-
կիան յանձնեց իր փեսայ Միհրդատին կառավարելու։

Պարսից Արշական թագաւորը լսելով Արտաշէսի մահը
կամեցաւ իր վրէժն առնել Տիգրանից և աւագութիւնը
կրկին յետ լսել։ Պատերազմը տեղի ունեցաւ Արաքսի ա-
փերի մօտ։ Արշական թագաւորն ընկաւ Տիգրանի զի-
նուորների ձեռով և Ասիայի գերիշխանութիւնը մնաց Տիգ-
րանին։

Այդ ժամանակները Ասորոց թագաւոր Անտիոքոսը
իր եղբօր հետ կռուի մէջ էր թագի համար։ Ժողովուրդը
ձանձրացած այդ կռիւներից զիմեց Տիգրանին։ Սա էլ
առանց պատերազմների տիրեց Ասորիքին, քշեց այնտեղից
Անտիոքին և 22 տարի շարունակ կառավարեց նրա եր-
կիրները։

Ասորիքից յետոյ Տիգրան տիրեց Փիւնիկէին և ապա
գնաց նուաճելու Պալէստինը։ Երուսաղէմի Ալեքսանդրա
թագուհին մէծ ընծաներով դուրս եկաւ Տիգրանի առաջ։

Տիգրան Հայաստան դարձաւ բազմաթիւ հրէայ դերի-
ներով։

Տիգրան իր գերիշխանութիւնը տարածեց ամբողջ արևմտեան Ասիայի վրայ և ամենքը նրան ճանաչեցին իբրև թագաւորների թագաւոր:

Մարք, Արաբացիք, Ատրպատականը, Վրաստանը, Աղուանք, Բաբելացիք, Կիլիկեան, Կապադովկիան և Միջագետքը հարկ էին տալիս մեր Տիգրանին:



ՏԻԳՐԱՆ Բ.

Պլուտարքը պատմում է, որ թագից զրկուած չորս արքայ ծառայում էին նրան. ուրիշ չորսն էլ թիկնապահի պաշտօն էին վարում և երբ Տիգրանը ձի էր հեծնում, երկու կողմից գնում էին ոտով:

Տիգրանի փեսայ Միհրդատը, որ Արտաշէսի մահով ըաւական թուլացել էր, Տիգրանի օգնութեամբ նորից զօրացաւ և պատերազմ հրատարակեց Հռոմայեցոց դէմ: Նա տիրեց Փոքր-Ասիայի մանր՝ տէրութիւններին և զօրք մտցնելով Յունաստան, ամբողջ Յունաստանն ապստամբեցրեց Հռոմի դէմ: Սակայն Հռոմայեցիք նրա վրայ ու-

զարկեցին Սուլլա զօրավարին, որ Միհրդատից ետ խլեց նրա նուաճած երկիրներից մէծ մասը և նրան ստիպեց մի ամօթալի հաշտութիւն կապել (86 թ.) ստանալով պատերազմի բոլոր ծախսերը:

Սակայն, Միհրդատը նորից զօրք հաւաքեց և կրկին պատերազմել սկսաւ Հռոմայեցոց դէմ. Տիգրանն էլ նրան օգնելու համար յարձակուեցաւ Կապադովկիայի վրայ և 20,000 գերի բերաւ Հայաստան:

Հռոմայեցիք այս անդամ Միհրդատի և Տիգրանի դէմ աւզարկեցին Լուկուլլոս զօրավարին:

Մի քանի ճակատամարտից յետոյ Միհրդատը Ամիսոսի մօտ սաստիկ պարտութիւն կրեց և փախաւ Հայաստան Տիգրանի մօտ (70): Տիգրանը զայրացած նրա երեսն անդամ չուզեց տեսնել, այլ միայն ազատեց նրան թշնամու ձեռքից: Լուկուլլոսի մարդիկն եկան և Տիգրանից պահանջեցին, որ Միհրդատին իրենց յանձնի: Տիգրանը մերժեց այդ և պատրաստուեց զէնքով դուրս գալու Հռոմայեցոց դէմ:

Լուկուլլոսն արդէն մտել էր Միջագետք և պաշարել էր Տիգրանակերտն, ուր պահուած էին Տիգրանի գանձերը: Տիգրանի հրամանով 6,000 ձիաւոր Լուկուլլոսի բանակը ձեղքելով մտան Տիգրանակերտ և ազատեցին Տիգրանի հարստութեան մի մասը:

Տիգրան ահեղ բանակով (200,000 հոգի) եկաւ և կանգնեց Լուկուլլոսի դէմ. տեսնելով նրա սակաւաթիւ զօրքը, նա ասաց. «ովքէր են սրանք, եթէ գեսպաններ են, սաստիկ շատ են, իսկ եթէ պատերազմողներ, քիչ են»:—Այսպէս հպարտացած, նա անհոգ բանակ դրաւ: Լուկուլլոսը նկատելով Տիգրանի անհոգութիւնը, յանկարծ վրայ տուաւ հայոց և այնպիսի շփոթ զցեց բանակի մէջ, որ Տիգրանը ժամանակ չունեցաւ իր ցըռուած բանակը կարգի բերելու: Ժամանակ չկորցնելով, Լուկուլլոս պաշարեց Տիգրանակերտը և քաղաքի մէջ գտնուած յոյների մատնութեամբ քաղաքն առաւ:

(Մի տարուց յետոյ պատերազմը նորոգուեց Հայաս-

տանում, Արածանի ափին, Արտաշատ մայրաքաղաքի մօտ Պատերազմը երկու կողմից էլ կատաղի էր և այս անգամ Հուկուլոս ստիպուած էր յետ քաշուելու դէպի Միջագետք, ուր նա պաշարեց Մծբին քաղաքը: Տիգրան ժամանակ գտաւ և նորից նուաճեց իր կորցրած երկիրները: Միջագատն էլ մի քանի յաղթութիւններով նորից կըկին յետ խլեց իր կորցրածը:

Այդ ժամանակ Հռոմը Տիգրանի դէմ ուղարկեց Պոմպէոս զօրավարին: Նա մի սարսափելի ջարդ տուաւ Միջրդատին Եփրատի ափերի մօտ. Միջրդատն հազիւ ազատուեց գերի ընկնելուց: Այսուհետեւ նրան դաւաճանեց իր հարազատ որդին և նա ինքնասպան եղաւ:

Պոմպէոսն այսուհետեւ իր գէնքերն ուղղեց Տիգրանի դէմ: Հայաստանում նրա հետ միացաւ Տիգրանի հարազատ որդին, Փոքը Տիգրանը, որ հօրը դաւաճանելով միաբանել էր Պարթևաց թագաւորի հետ, ընդդէմ Տիգրան Մեծի:

Տիգրան պաշարուած արտաքին ու ներքին թշնամիներից, սիրտը կոտրուած հարազատ որդու ամօթալի դաւաճանութեամբ, խոհեմութիւն համարեց հաշտութեամբ վերջացնել բանը և զուր արիւնհեղութեան տեղիք չտալ: Նա անձամբ գնաց Հռոմայեցոց բանակը: Այստեղ նրան ընդունեցին արժանաւոր պատիւներով:

Պոմպէոսի հետ կապած հաշտութեամբ Տիգրանի ձեռքից ելան Փոքը Ասիայում նուաճած երկիրները և նրան մնաց բուն Հայաստանը Միջագետքի հետ: Փոքը Տիգրանը, որ կամենում էր խլել թագը հարազատ հօր գլխից և դառնալ Հայաստանի թագաւոր, անբաւական մնաց այս դաշնաքից: Պոմպէոսն էլ իմանալով որ նա գաղանի յարաբերութիւնների մէջ է Պարթևաց թագաւորի հետ, շղթայակապ պահեց նրան իր մօտ իրրեւ յաղթանակի զարդ:

Դաւաճան որդին հայոց թագի փոխարէն ստացաւ Հռոմի շղթաները:

Պոմպէոսի հեռանալուց յետոյ Տիգրանը մտածեց կըրք կին յետ դարձնել կորցրած երկիրները, ուստի դաշն կապեց Պարթևաց հետ, նրանց թագաւորին վերադարձնելու

նախագահութեան պատիւը: Այդ ժամանակ Եռապեաները բաժանել էին Հռոմի նուաճած Երկիրները և Ասիան ընկել էր Կրասոսին: Պարսից և հայոց զօրքին առաջնորդում էր Սուրէն Պարթև ասպետը, որ Խառանի մօտ Կրասոսի զօրքին մի սարսափելի ջարդ տուաւ և փախցրեց կոռուի դաշտից:

Երբ Կրասոսը Սուրէնի հրաւէրով գալիս էր նրա մօտ հաշտութիւն կայացնելու, ճանապարհին խոռովութիւն պատահեց և Պարթև պատգամաւորները սպանեցին Կրասոսին: Հռոմայեցի զօրքը անտէր մնալով ցիր ու ցան եղաւ մեծամեծ կորուսաներ տալով: Այդ ժամանակ Պարթևաց թագտորի որդին, Բակուրն, ամուսնանում էր Տիգրանի դստեր հետ և Սուրէնը հարուստ աւարների հետ իրեւ յաղթականի ընծայ հայոց արքունիքն ուղարկեց սպանուած Կրասոսի գլուխը: Երբ Կրասոսի գլուխն արքունիք բերին, Տիգրանի միւս որդի Արտաւազդը այդ առթիւ մի ողբերգութիւն գրեց յունարէն:

Կրասոսի տեղ շուտով Տիգրանի դէմ գուրս եկաւ Կտոսիոս: Տիգրան արդէն ծերացել էր և պարսից օգնական բանակն յանձնեց Բարզափրան Թշտունի նախարարին: Սա աջողութեամբ առաջ գնաց և Անտիոքի մէջ պաշարեց Կասիոսին, որն ազատուեց միայն Կիլիկիայի հիւպատասոս Յիցերոնի օգնութեամբ: Երկար կոիւներից յետոյ մի վերջնական պատերազմում հայ սպարապետը յաղթելով, կրկին նուաճեց Ասորիին ու Փիւնիկէն: Բարզափրան այսուհետեւ Պալեստին գնաց՝ Գնէլ Գնունի զօրավարի ձեռքով Երուսաղէմին տիրեց և բազմաթիւ գերիներով ու աւարով վերագրածաւ Հայաստան, զօրքի հրամանատարութիւնը տալով Բակուրին:

Հռոմայեցիք նորից շարունակեցին իրենց կոիւները միացեալ հայերի և պարթևների դէմ, սակայն Տիգրանը, որ այս պատերազմները կազմակերպողն ու կառավարողն էր, արդէն ուժապառ ու ծերացած 53 տարուայ թագաւորութիւնից՝ մեռաւ (36թ.) իր թագը թողնելով Արտաւազդ որդուն^{*)}:

^{*)} Կարգալ. «Հողագործութիւնը և առեսուրը Հայոց մէջ»: «Հայ հեղինակներ» գ. ապ. եր. 230.

Ա. Բ Տ Ա հ Ա Զ Դ

Արտաւազը ոչ հօր փառասիրութիւնն ունէր, ոչ էլ նրա քաջութիւնը, յայլ զբօսասէր և որկրամոլի մէկն էր։ Հոռմէացի Անտոնիոս զօրավարին նա հաշտութիւն խօսեց և խոստացաւ օգնել նրան ընդգէմ Պարթևաց։ Սակայն իր խոստումը չկատարեց և խարէութեամբ ման ածեց Հոռմի լէգէոնները անծանօթ ճամբաներով, մինչև որ մի յարմար ըոպէին հեռացաւ Անտոնիոսից։ Արաքս գետն անցնելիս նա արդէն կորցրել էր 24,000 մարդ և հազիւ իր բանակի մնացորդով Միջագետք հասաւ, մտածելով վրէժը մի այլ անգամի թողնել։

Հայ զօրքի ստիպմամբ թուլամորթ Արտաւազը կովկասեան ազգերից զօրք հաւաքեց և Միջագետքից դուրս քշեց Հոռմայեցիներին։

Անտոնիոս այս բանից աւելի ևս զայրացած Արտաւազդի վրայ եկաւ մեծ զօրքով և յաղթեց նրան։ Հայերը յետ քաշուեցան։ Անտոնիոս ամեն հնար գործ դրեց Արտաւազդին իր բանակը բերելու, բայց հայ թագաւորը նրան չէր հաւատում։ Վերջը, երբ Անտոնիոս մտաւ Հայաստան։ Արտաւազդ խարուած նրա խոստումներից զնաց, Անտոնիոսի մօտ։ Անտոնիոս Արտաւազդին ման ածեց հայոց բերդերը, նրանց գանձերը խլելու համար, բայց հայերը չէին խաբւում։

Անտոնիոսը Արտաւազդին ոսկի շղթաներով կապեց և տարաւ Ալէքսանդրիա, կլէոպատրա թագուհուն որպէս պարգև։ Վերջինս զլիստել տուաւ Արտաւազդին (31թ.)։

Արտաւազդից յետոյ, ինչպէս երեսում է, Հայաստանն ասպարէզ է դառնում անընդհատ պատերազմների։ Մի կողմից Հոռմի լէգէոնները, միւս կողմից Պարթև զօրքերը շարունակ ասպատակում էին Հայաստանը։ Նրանցից ամեն մինն աշխատում էր իր կուսակից մարդուն յանձնել Հայաստանի թագը, իր երկրի սահմանները թշնամուց ապահովելու համար։

Այդ պատերազմներն էին երկի պատճառը, որ մի շարք թագաւորներ յիշուում են հիւսիսային Հայաստանում, գլխաւորապէս արտաքին պատմիչների կողմից։ մի այլ շարք էլ հարաւային Հայաստանում, —Միջագետքում, որոնց մանրամասն պատմութիւնը մեղ աւանդում են ազգային պատմիչները։

Այս վերջին թագաւորները նստում էին Մծրինում։ Նրանցից նշանաւոր հանդիսացաւ Արգարը, որն ըստ աւանդութեան առաջին քրիստոնեայ թագաւորն եղաւ ինչպէս հայոց մէջ, այնպէս և ամբողջ աշխարհում։ Նա թագաւորեց Քրիստոսի Յ թուականին։

Ա Բ Գ Ա Բ

Արշամին յաջորդեց Սբգար (Յ թ. Քրիստ. առաջ)։ Սրա ժամանակ Հոռմի գործակալները Օգոստոս կայսեր պատկերը բերին և դրին հայոց մեհեաններում։ Հերովդէսը պահանջեց, որ իր պատկերն էլ կայսեր պատկերի հետ դրուի։ Արգարը մերժեց այս պահանջը։ Հերովդէս մի բանակ ուղարկեց նրա վրայ, որը սաստիկ պարտութիւն կլրեց։ Բարեբաղդաբար Հերովդէս մեռաւ և չկարողացաւ վրէժ առնել Արգարից։

Հոռմում չէին մոռացել այս դէպքը և վրէժ առան Արգարի գեսպաններին անպատուելով։

Արգարն էլ պատրաստառթիւն էր տեսնում ապստամբելու և Հոռմի լուծից ազատուելու։ Ուստի նա իր մայրաքաղաքը Մծրինից տեղափոխեց Եղեսիա և սկսեց այս քաղաքն ամրացնել։ Մտադիր լինելով Պարթևաց հետ միանալու, նա գնաց Պարսկաստան և հաշտեցրեց Արշակիր թագաւորի որդոց, որոնք կուռում էին գահի համար, բայց ապստամբութեան գործը գլուխ չեկաւ։

Արգարը Պարսկաստանից վերագարձաւ ծանր հիւսնդ։ Այդ ճամբորդութիւնը կասկածի մէջ զցեց հոռմայեցոց։ Արգարը գեսպաններ ուղարկեց Հոռմի գործակալ Մարինոսի մօտ, որը զեսպաններին ընդունեց մեծ պատուով։

Երուսաղէմից անցնելով, Արքարի գեսպանները տեսան այն հրաշըները, որ գործում էր Յիսուս, և պատմեցին թագաւորին:

Արքարն իր Անանէ սուրհանդակի ձեռքով նամակ ուղարկեց և խնդրեց Յիսուսին, որ զայ և իր հիւանդութիւնը բուժէ: Յիսուս Թոմա առաքեալի ձեռքով պատասխանեց, թէ նա չի կարող գնալ Արքարի մօտ, այլ համբառնալուց յետոյ կուղարկէ իր աշակերտներից մինին, որ կբուժէ Արքարին:

Իրաւ, Քրիստոսի Համբարձումից յետոյ Թաղէոս առաքեալը եկաւ Միջագետք, բուժեց Արքարի հիւանդութիւնը և մկրտեց նրան իր պալատականների հետ: Այսուհետեւ Աղդէ պալատականին ձեռնաղբեց եպիսկոպոս և թողնելով իր տեղը, գնաց Հայաստան, բարողելու Քրիստոնէութիւնը:

Այսպիսով Արքար առաջին թագաւորն էր, որ ընդունեց քրիստոնէութիւն: Այսուհետեւ նա նամակ գրեց Տիքերիս կայսեր, պարսից թագաւոր Արտաշէսին և Ասորեստանի թագաւոր Ներսէին, յորդորելով նրանց, որ քրիստոնեաներին չհալածեն և Քրիստոսի հաւատն ընդունեն:

Նա մեռաւ այս նամակների պատասխանը չստացած
35 թ. Քրիստ. յետոյ:

Ա. Ն Ո Ւ Խ Ն (35 թ.)

Անանունը թագն ստանալուն պէս հալածանք ոկսեց քրիստոնէութեան դէմ: մեհեանները բաց արաւ և պահանջեց Աղդէից, որ քրիստոնէութիւնը թողնէ և ոկսկէ տուաջւայ նման թագ պատրաստել թագաւորի համար: Երբ Աղդէն մերժեց թագաւորի պահանջը և քարոզում էր ժողովրդին, սպանուեց արքայական զինակրի ձեռքով:

Հայաստանի Շաւարշան գաւառի կառավարիչ էր Սահարուկը, Արքարի քրոջ որդին: Սա տւելի կատաղի թշնամի դուրս եկաւ ընդդէմ քրիստոնէութեան, քան Անանունը: Սահարուկը նահատակել տուաւ թաղէոս առա-

քեալին և Սահարուկստ կոյսին, որ իր հարազատ դուստրն էր: Սահարուկը Արշամից ապստամբելով իրեն թագաւոր հրատարակեց հիւսիսային Հայաստանում և ապա զօրքով դիմեց Անանունի վրայ: Այս վերջինն իր պալատը նորոգելիս մի սիւն ընկաւ վրան և ջախճախեց նրա ոտները: Եղեսացիք մարդ ուղարկեցին և խոստացան Սահարուկին յանձնել քաղաքը, միայն թէ նա ձեռ չտայ նրանց կրօնին:

Սահարուկ խոստացաւ, բայց խոստումը չկատարեց: Կոտորել տուաւ Արքարի ցեղը բացի աղջիկներից և չեղինէ թագուհուց: Վերջինս երուսաղէմ գնաց և իր ամբողջ գանձը բաժանեց աղքատներին սովոր ժամանակ:

Ե Ր Ո Ւ Ա Ն Գ

Հիւսիսային Հայաստանի կառավարութիւնը Սահարուկ յանձնել էր երուանդ իշխաննին, որ մօր կողմից Արշակունի էր: Երբ որսի ժամանակ Սահարուկ պատահմամբ սպանուեց, երուանդը գրաւեց նրա թագը, բայց Բագրատունի իշխաններից ոչ մինը յանձնառու չեղաւ նրա պլիսին թագ զնելու:

Երուանդ իր թագն ապահովելու համար կոտորել տուաւ Սահարուկի ցեղը: Ազատուեցաւ միայն Արտաշէս մանուկը, նրան պահում էր Սմբատ Բագրատունին, հովիւների մօտ, որ երուանդի ձեռը չընկնի, մինչև որ առիթ գտաւ անցնելու Պարսից սահմանը:

Պարթևաց Դարէն թագաւորը սիրով ընդունեց Արտաշէսին և պատուվ պահում էր իր պալատում:

Երուանդ դեսպանների ձեռքով աշխատում էր հաւատացնել Պարսից թագաւորին, որ Արտաշէսը հովուի որդի է և ոչ թէ Սահարուկի:

Բայց նրա բոլոր փորձերը դուր անցան: Սմբատից վրէժ տոննելու համար կոտորել տուաւ նրա թողած պահապաններին և բանտարկեց նրա երկու աղջկանը:

Հոռմի հետ զաշն կապեց Երուանդ և Միջագետք յանձնելով նրանց, մայրաքաղաքը տեղափոխեց Արմաւիր:

Որովհետեւ Արմաւիրն անպարիսպ էր, Երասխի ամիսն հիմնեց Երուանդաշատ քաղաքը, պարհսպով պատեց, շինեց ամուր միջնաբերդ, այնտեղ էլ բնակութիւն հաստատեց:

Ա. Բ. Ռ. Ս. Ա. Շ. Է. Բ.

Մմբատ Բագրատունին հաւատարիմ ծառայութեամբ գրաւեց Դարէն թագաւորի սիրաը այնպէս, որ երբ Արտաշէս մանուկը բաւական մեծացաւ, Դարէն զօրք տուաւ Մմբատին, որ գնայ Արտաշէսի գահը յետ խլէ:

Երուանդը պատրաստուեց և հայ ու վրացի զօրքերով դուրս եկաւ Մմբատի գէմ: Նախարարներին էլ մեծամեծ պարզեներ տուաւ Երուանդ, որ իր կողմը պահեն, բայց իզուր, հէնց որ Մմբատն ու Արտաշէսը Հայաստան մտան, նախարարների մեծ մասն անցաւ նրա կողմը:

Հակառակորդներն իրար հանդիպեցան Ախուրեան գետի մօտ: Որպէս զի յաղթութիւնն ապահով լինի, Արտաշէսը մարդ ուղարկեց Մուրացան նախարարի մօտ, և խոստացաւ թագաւորից յետոյ երկրորդը լինելու պատիւ նրան թողնել, եթէ նա անցնի իր կողմը:

Արգամը յանձ առաւ, և պատերազմը սկսուելուն պէտ մի կողմը քաշուեցաւ, թողնելով Երուանդին մենակ: Այտեսնելով Երուանդին դաւաճանեցին մնացեալ հայ նախարարներն էլ: Երուանդը մնաց միայն վրացի վարձու զօրքով, որոնք թէպէտ քաջութեամբ կոխւ մղեցին, բայց Մմբատի յարձակման դիմանալ չկարացին: Մի քանի քաջեր Երուանդի կողմից յարձակուեցան Արտաշէսի վրայ: Նրա կաթնեղքայրը, Գիսակ, ազատեց նրան կորցնելավ իր դէմքի կէսը:

Երուանդը փախաւ և ամբացաւ Երուանդաշատ քաղաքում: Մմբատը հետեւեց նրան մինչեւ քաղաքի դռները չետեսեալ օրը հասաւ Արտաշէս գլխաւոր բանակի հետ: Զօրքը Արտաշէսի հրամանով գոսում էր, «Մար ամատ», այսինքն «Մարն (հովիւր) եկաւ», յիշեցնելու համար Երւանդի սուտը, թէ Արտաշէս հովուի որդի է: — Թէթև յարձակումից յետոյ քաղաքն անձնատուր եղաւ և Երուանդ սպանուեց մի զինւորի ձեռքով: —

Արտաշէսը վեհանձն վարուեց իր թշնամու դիակի հետ, պատուով թաղել տուաւ և վրան արձան կանգնեց, իբրև Արշակունու:

Մմբատը Երուանդի գանձատան մէջ գտնելով Սանտառուկի թագը, հանդիսաւոր կերպով զրեց Արտաշէսի գըլսին (85 թ.) և պատկեց հայոց թագաւոր:

Արտաշէսը հօր գահին տիրանալով, մտածեց իր բարեկամներին վարձատրել: Պարթի զօրքին առատ պարզեներ տալով վերադարձեց իրանց երկիրը: Արգամին թագաւորի երկրորդը շինելուց յետոյ, իրաւունք տուաւ երկու ականջին օգեր, մի ոտին կարմիր կօշիկ կրելու և ոսկէ գդալ ու պատառաքաղով ճաշելու:

Մմբատին յանձնեց ամբողջ զօրքի սպարապետութիւնը և երկրի վերակացութիւնը: Գիսակի որդուն նախարարների կարգը մտցրեց և Դիմաքսեան անուանեց, հօր քաջագործութեան համար: Դարէն թագաւորին էլ մեծամեծ ընծաներ ուղարկեց Մմբատի ձեռքով: Արտաշէսն իրեն մայրաքաղաք ընտրեց Արտաշատ քաղաքը, որ նորոգեց և բազմաթիւ շինութիւններով հարսացրեց:

Հոռվմայեցիք, որ Երուանդին ոչ մի օգնութիւն չըհասցրին, նրա անկումից յետոյ Արտաշէսից պահանջեցին հարկ, որ պատերազմից խուսափելով, տուաւ: Հազիւ չըռոմի զօրքերը յետ քաշուեցան Հայաստանի սահմաններից, Ալանները միացան Կովկասեան լեռնականների հետ, արշաւեցին Հայաստան: Արտաշէսը նրանց մի լաւ ջարդեց, զերի առաւ նրանց թագաւորի որդուն և հալածեց մինչեւ կուրի ձախ ափը: Ալաններն աւաջարկեցին մշամական դաշն կապել հայոց հետ և Հայաստանն այլևս չասպատակել, եթէ իրենց թագաւորի որդուն յետ ստանան: Երբ Արտաշէս չամաձայնեց, գետի ափը դուրս եկաւ Ալանաց թագաւորի աղջիկը, Սաթենիկ, թարգմանի բերանով սկսեց խօսել Արտաշէսի հետ, համոզելով յետ տալու իր եղբօրը:

Արտաշէսը շատ հաւանեց Սաթենիկին և ինչպէս երգում էին Գողթան երգիչները, «հեծաւ իր սկ ձին, և արծուի նման պանալով գետի մէջ, առաւ ոսկէօղ շիկափոկ

պարանը և այս քցելով օրիորդի փափուկ մէջը, փախցը-
րեց նրան գետի այս ափը, հարսանիք սարքեց և ամոռ-
նացաւ Սաթենիկի հետ»:

Արտաշէսն իր երկարատև թագաւորութեան ընթաց-
քում աշխատում էր երկիրը խաղաղ պահել և արուեստ-
ներն ու առևտուրը ծաղկեցնել: Հայաստանի անբնակ տե-
ղերը նա բնակեցրեց դրսից բերած գաղթականներով: Երբ



Ս Ա Թ Ե Ն Ի Կ

Սաթենիկի մայրը մեռաւ և երկրի մէջ խոռվութիւն ծա-
գեց, Արտաշէս Սմբատին զօրքով ուղարկեց Ալանաց եր-
կիրը, որ հանդարտեցրեց և թշնամիներից շատ գերի բե-
րեց Հայաստան: Այդ գերիներին Արտաշէս բնակեցրեց Շա-
տարշան գաւառում, որ յետոյ Արտազ կոչուեցաւ գաղթա-
կանների երկրի անունով:

Կասպիական երկիրներից էլ Սմբատ բազմաթիւ գերի

բերաւ, որ նոյնպէս բնակեցրեց Հայաստանի ամայի տեղե-
րում:

Երկրի զանազան մասերը Արտաշէս սահմաններով
բաժանեց միմեանցից, սահմանների վրայ քառակուսի քա-
րեր դնելով:

Կամուրջներ շինեց, գետերն ու ծովերը ճանապարհ
ուղարձրեց, ամեն կերպ նպաստեց երկրի մշակելուն և ար-
հեսաների տարածելուն:

Արտաշէսի ժամանակ հայերը ընտելացան գրի գործա-
ծութեան և օրերը, շաբաթներն, ամիսներն ու տարիները
հաշուելուն:

Նյս ամենի համար ժողովուրդը սաստիկ սիրեց իր
թագաւորին և անմահացրեց նրան իր երգերի մէջ, գովե-
լով, որ Արտաշէսի ժամանակ մի կտոր հող անգամ ան-
մշակ չէր մնացել Հայաստանում և պարապ ու անգործ
մարդ չկար իսկի:

Անբաղդ էր Արտաշէսը միայն ընտանեկան կողմից:
Նրա աւագ որդին, չար ու նախանձու Արտաւազդը դա-
դար չէր տալիս հօըը:

Նա գանգատուեց Արգամից և խլեց նրանից երկրո-
դական գաճի իրաւուրքը:

Մի անգամ Արտաշէսը ճաշի էր հրաւիրուած Արգամի
մօտ. արքայորդիք աղմուկ բարձրացրին թէ նա ուզում է
Արտաշէսին սպանել և ծերունի Արգամի մագերն ու մօ-
րուրը բաշեցին: Վրդովուած թագաւորը Մաժան որդուն
ուղարկեց զօրքով Արգամի վրայ, որ նրա ցեղը ջնջէ: Ար-
տաւազդը խլեց Արգամից Նախիջևան քաղաքը և Արքսի
հիւսիսն ընկած կալուածները: Արգամի որդին հակառա-
կեց և Արտաւազդ բնաջնջ արաւ Արգամի ցեղը բոլորո-
վին, զրաւելով նրա կայքն ու կալուածները:

Արգամից յետոյ Արտաւազդի նախանձի առարկան
Սմբատ Բաղրատունին դարձաւ, որին նա ուզում էր սպա-
նել: Սմբատ վեհանձնօրէն հեռացաւ Տմորիք, զօրքի սպա-
րապետութիւնն էլ թողեց Արտաւազդին:

Որովհետև Արտաշէսի միւս որդիքը նախանձում էին

Արտաւագդին, Արտաշէսը վրոյր որդուն արքունիքի հազարապետ, իսկ Մաժանին քրմապետ կարգեց:

(Բոլոր զօրքն հին սովորութեամբ չորս մասի քաժանեց. արևելեանը յանձնեց Արտաւագդին, արևմտեանը Տիրանին, հիւսիսայինը Զարէհին և հարաւայինը Սմբատ Բագրատունուն:) Որովհետև Արտաշէս պայմանած հարկը չտուաւ, պատերազմ ծագեց Հռոմայեցիների հետ: Սկզբում հայերն աջողութիւն ունեցան և յաղթութիւն տարան Սմբատի շնորհիւ, բայց երբ Տրայանոսը կայսր դառաւ և եկաւ Պալեստինը նուաճեց, Արտաշէս հաշտութիւն խնդրեց, վճարելով պահած հարկերը ամբողջովին և այնուհետև շարունակ դաշնակից մնաց Հռոմին:

Աղբիանոս կայսեր առաջարկութեամբ Արտաշէս գընում էր Պարթեաց երկիրը դաշն կապելու, որ ճանապարհին հիւանդացաւ Բակուրակերտ աւանում: | Մարդ ուղարկեցին Երիգայ աւանը, որ Անահիտ դիցուհուց կեանք և բուժում խնդրէ: Մինչև նրա գալուստը Արտաշէս մեռնում է: Գեղեցիկ է նկարագրում նրա թաղումը Արիստոն Փելլացին, որ ճամբորգում էր Արտաշէսի հետ իրեւ քարտուղար: Շատերը նրա սիրելիներից, պատմում է նա, հարձերից և ծառաներից զրկեցին իրենց կեանքից:

Ժողովուրդը մեծ պատիւներ տուաւ սիրելի թագաւորի դիակին: Դագաղը ոսկեղին էր, գահոյկը և անկողինը բեհեղ, պատմուճանը ոսկեթել, գլխին թագ էր դրած, ոսկեպատ զէնքն առաջին, գահի չորս կողմը որդիք և աղգականներն էին կանգնած և ապա զինուորական պաշտօնեաները, նահապետները, նախարարները և զինուորական զնդերը կազմ ու պատրաստ, որպէս թէ պատերազմ էին գնում:

Առջեկց պղնձեայ փողեր էին նուագում, իսկ յետեկց գնում էին երգող կոյսերի խումբը ու հագած, դրանց յետեկց էլ ժողովրդի բազմութիւնը: Այսպիսի հանդիսով տարան ու թաղեցին սիրելի թագաւորին, որի ժամանակ շատերն ինքնասպանութեամբ վերջ գրին իրենց կեանքին (131 թ.):



Ա. Ր Ա Խ Ա Զ Դ (131 թ.)

Արտաշէսին յաջորդեց նրա փառասէր ու նախանձուս որդին, Արտաւագդ: Սա իր բոլոր եղբայրներին քշեց Այրարատ գաւառից Աղիովիտ և Առբերան գաւառները, պահելով իր մօտ միայն Տիրանին, իրեւ յաջորդ:

Սա կարճ ժամանակ թագաւորելուց յետոյ որսի յետեկց երիվարը քշելով ընկնում է մի խորխորատ և մեռնում է:

Սրա մասին է, որ գողթան երգիչները առասպելաբանել են. թէ հօր մահուան ժամին, երբ ժողովրդից շատերն իրենց կոտորել են, Արտաւագդը դանդատուել է ասելով:

«Դու գնացիր և ամբողջ երկիրը հետդ տարար, ես աւերակներին մնց թագաւորեմ».—Որի համար Արտաշէս նրան անիծում է. «Եթէ դու որսի գնաս ազատ Մասիսի վրայ, քեզ թող բռնեն քաջերը, տանեն Աղատ Մասիսը, այնտեղ մնաս, ու էլ լոյս չտեսնես» *):

*) Կարդալ. «Գողթան երգեր». Հայ-Հեղինակներ, գ. տպ. եր. 287. և «Նաւասարդի տօները». եր. 319.

Պատմում են, որ նա մինչև այսօր պահուած է Մա- //
սիսի մէջ, մի այրում, երկու շները շարունակ կրծում են
նրա շղթաները, որ ազատեն տիրոջ, բայց երբ ուրբաթ
օրը դարբինները ծեծում են սալը մուրճով, նրա շղթա-
ները ամրանում են.

Արտաւազգին յաջորդեցին իր եղբայրները, նախ Տի-
րան Ա. (131—151) ապա Տիգրան գ. (151—193): Սրան
էլ յաջորդեց իր որդին, Վաղարշ (193 թ.): Որ հիմնեց Վա-
ղարշաւան քաղաքը Մուրցի և Երասխի խառնուելու տեղը:
Վարդեսի աւանն էլ պատեց ամուր պարիսպներով և ան-
ւանեց Վաղարշապատ: Սրա ժամանակ հիւսիսային վայ-
րենի ազգերը, Խազիրները և Բասիլիները յարձակուեցան
Հայաստանի վրայ. Վաղարշ քաջութեամբ հալածեց նրանց.
բայց զո՞հ գնաց թշնամու նետին:

Հօր մահուան վրէժն առաւ Խոսրով Ա. (213), որ զօր-
քի գլուխն անցնելով, անցաւ կովկասը, յարձակուեց լեռ-
նականների վրայ, յաղթեց նրանց, արձան կանգնեց ի
նշան այդ յաղթութեան և յետ դարձաւ. հետը բերելով
բազմաթիւ պատանդ:

Սրա ժամանակ էր, որ Պարսկաստանում Պարթև իշ-
խանութիւնը թուլացաւ և թագն անցաւ Սասանեան իշխա-
նութեան Պարսկաստանում: Խոսրով Ա. շտապեց իր ազ-
գականին օգնութիւն հասցնելու, բայց արդէն ուշ էր.
Արտաւան Արշակունին սպանուել էր:

Խոսրով այնուհետև Հռոմայեցոց օգնութեամբ պա-
տերազմեց Արտաշը հետ, յաղթութեամբ հասաւ Տիգրոն
և Արտաշը ին փախցրեց մինչև Հնդկաստան:

Արտաշիրը խորամանկութեան դիմեց: Նրա խորհրդով
Անակ Պահլաւունի իշխանը որպէս փախստական և հալա-
ծուած Արտաշը, իր ընտանիքով ապաւինեց Խոսրովի
մօտ: Խոսրով սիրով ընդունեց նրան որպէս իր ազգակա-
նին, Ուտի գաւառում:

Գարնանը, որսի ժամանակ, Անակը մի կողմ կանչեց
Խոսրովին և մահացու վէրը տուաւ. նրան:

Նախարարները հասան նրա յետելից և Արտաշատի-

կամուրջի վրայ բռնելով, գետը նետեցին և նրա ցեղն էլ
սրի անցրին մեռնող թագաւորի հրամանով (261):

Ազատուեցաւ միայն Գրիգոր անունով մի արու գա-
ւակ իր սանտուի ձեռքով:

Խոսրովի մահից յետոյ հայ նախարարները Փոխգացի
զօրքերի օգնութեամբ փորձ արին դիմագրելու Արտաշը
յարձակման, բայց պարտութեամբ ցրուեցան և Արտաշիր
տիրեց Հայաստանին: Սգետուեց Տրդատ թագաւորազը,
որին Արտաւազդ Մանդակունին փախցրեց Հռոմ: Իսկ Օտա
Ամատունի իշխանն ազատեց Խոսրովիդուխտ արքայադրս-
տերը, որին արքայական գանձերի հետ պահում էր Սնի
ամբոցում:

Այսպիսով Հայաստանը դարձաւ պարսից մի նահանգ:

Տրդատը մեծանում և աճում էր Հռոմում, ուր նա
քաջութեան և ուժի մեծ համբաւ հանեց: Մի անգամ վայ-
րենի ցուլի պողերից բռնելով գուլս պոկեց և վիզը ոլո-
րելով սպանեց: Մի այլ անգամ հակառակորդն առաջ
անցնելու համար նրան ցած նետեց կառքից. Տրդատը բար-
կացած այնպէս պիստ բռնեց նրա կառքի յետելից, որ ձիե-
րին կանգնեցրեց:

Պատերազմների մէջ էլ նա մեծամեծ քաջութիւննե-
րով զարմանք էր պատճառում Հռոմայեցոց: Մինչ հոռ-
մայեցի կատաղած զօրքը սովից յարձակուեց և սպանեց
Պրոբոս կայսեր, Տրդատ մենակ կանգած իր բարեկամ
Լիկիանոսի դրան առաջ, թոյլ չտուաւ, որ նրան որևէ
վնաս համին:

Պարսից պատերազմում երբ կայսրը յաղթուեց և լէ-
գէոնները փախան, Տրդատ յետ մնաց, որովհետև իր ձին
վիրաւորուել էր: Եփրատին հասնելով իր հազուստն ու
ձիու սարքը մէջքին՝ լող տալով անցաւ Եփրատ գետը:

Գօթաց Հռչէ թագաւորի հետ էլ մենամարտեց, և
յաղթելով գերի բերաւ նրան Դիոկղետիանոս կայսեր մօտ:

Այս քաջութիւնների համար նա սիրելի էր գարձել
Դէոկղետիանոս կայսեր, որ կամենալով կրկին Հայաստանը

նուաճել, դօրք տուաւ Տրդատին պարսից դէմ պատերազմելու:

Փախստական նախարարներից շատերն ուրախութեամբ դիմաւորեցին Տրդատին Կեսարիա և միացան նրա հետ: Օտա Ամատունին նրա առաջ բերեց Խոսրովիդուխտ քը-լովից և թագաւորական գանձերը: Տրդատ նրան նշանակեց տէրութեան հաղարապետ, իսկ Արտաւազդ Մանդակունուն յանձնեց զօրքի սպարապետութիւնը:

Հայ և հոռմէացի զօրքերով Տրդատ ջարդեց ու հալածեց պարսիկներին, կրկին տիրելով իր հայրենի թագին և մեծ ուրախութիւն պատճառելով հայ ժողովրդին:

Հետևեալ տարին նա արշաւեց Պարսկաստան և իր անձնական քաջութեամբ սարսափ ազդեց թշնամիներին: Մի անգամ թշնամիները ցըջապատեցին նրան և նետերով բազմաթիւ վէրք հասցրին ձիուն: Զին գետին գլորուելով, ցած քցեց արքային: Տրդատն աներկիւդ վեր թռչելով, հետիւն սկսեց հալածել թշնամիներին և խլելով նրանցից մինի ձին, հեծաւ ու սկսեց կոտորել նրանց:

Հայաստանը թշնամիներից մաքրելուց յետոյ, Տրդատը կամեցաւ ամուսնալ և Աշխատար իշխանի գուստը Աշխինին, որ գեղանի և բարձրահասակ էր Տրդատի պէս, կին ուզեց: Նորան գրելով Արշակունի, Տրդատ նորա գըլին թագ գրեց և կարգեց հայոց թագուհի:

ՀԵԹԱՆՈՍ ՀԱՅՈՅ ԿՐՈՆԸ

Հայկազնց ժամանակ հայերը մի պարզ ու բնական կրօն ունէին. արևն էր նրանց պաշտամունքի գլխաւոր առարկան, որ համարւում էր կեանքի հիմքը, մարդու և բնութեան կեանք տուողը.—«Արեւս վկայ, քու արեւ, նըրա արեւը խաւարեց» մինչև այսօր պահուած ու սովորական են ժողովրդի բերանում: Լոյսը համարում էին բաղդ ու բերկրութիւն.—«աչքդ լոյս, աչքի լուսով մնաս», ասում են այսօր, երբ մի ուրախալի անցք է պատահում: Ընդհակառակը խաւարը համարւում էր անբաղդութիւն: «Նրա

օրը խաւարեց, նրա օրը սկացաւ», անբաղդութեան նշան-ներ են հէնց այսօր:

—Ուրեմն լոյսը—բաղդ էր. խաւարն անբաղդութիւն, արեւը կեանք!)

(Հին հայերը անտառների սոսաւիւնից գուշակութիւններ էին անում: Սօսեաց անտառին էր նուիրուած Անուշաւանը, որ այդ պատճառով Սօս կոչուցաւ:)Մի տեսակ աստուածներ էլ կային, որոնք Աղլէզ էին կոչում և լիգում էին պատերազմում ընկած վիրաւոր քաջերին և առաղջացնում նրանց:

Այս պարզ ու նախնական կրօնը բաւական ճոխացաւ հարևան պարսիկների, ասորիների և ապա յոյների ազդեցութեան տակ, այնպէս որ բնութեան լուսաւորների հետ, հայերին այնուհետեւ տեսնում ենք երկրպագելիս և կուռքերի ու արձանների:

Աստուածների հայրն համարւում էր «արին Արամազդը», որի արձանը գտնուում էր Անի ամրոցում: Երիշայում գտնուում էր Անտհիտ դիցուհու արձանը, որ կոչւում էր «ոսկիհամայր, ոսկիածին», և համարւում էր կեանք ու կեցուցիչ հայոց աշխարհի: Սա Արամազդի դուստրն էր:

Արամազդի միւս դստեր անունն Աստղիկ էր, որ գեղեցկութեան աստուածուհի էր: Սորա արձանը գտնուում էր Տարօն գաւառի Աշտիշատ աւանում: Այստեղ էր և Վահագի արձանը: Վահագը համարւում էր քաջութեան աստուած և կոչւում էր վիշապաքաղ: Սա Աստղիկի ամուսինն էր:

Իսկ Գրիգորի կին Մարիամն, առնելով փոքր որդուն,
Վրթանէսին, մտաւ կուսանոց:

Երբ Տրդատը Հայաստան գալով զո՞ն էր մատուցա-
նում Անահիտ դիցուհուն, հրամայեց, որ Գրիգորն էլ պը-
սակներ մատուցանէ նոյն դիցուհուն: Գրիգորն ընդդիմա-
ցաւ: Այսուհետև ոչ Տրդատի պատուէրն ու պատիժը, ոչ
տուած տանջանքն ու չարչարանքները կարողացան ըս-
տիպել Գրիգորին, որ նա թողնէ քրիստոնէութիւնը: Այդ
ժամանակ Տրդատին յայտնեցին, որ Գրիգորն Անակի որ-
դին է: Տրդատ բարկացած հրամայեց, որ նրան տանեն
քցեն Արտաշատի Խոր-Վիրապը: Այստեղ Լուսաւորիչը մը-
նաց ամբողջ 15 տարի, Գրիգորը ազատուեց շնորհիւ մի
բարեպաշտ կնոջ, որ ամեն օր հաց էր քցում Գրիգորի
համար և սովամահից ազատում:

Այդ ժամանակները Դիոկետիանոս կայսեր հալածան-
քից փախչելով Հայաստան եկան մի խումբ բըիստոնեաց
կոյսեր, որոնք ապրում էին Վաղարշապատի հնձաններում:
Նորանց մէջ էր Հոփիսիմէ անունով մի կոյս, արքայազն,
որին կամենում էր կին առնել Դիոկետիանոս: Կայսեր
թղթի վրայ Տրդատ գտաւ այդ կոյսերին և ինքը կամե-
ցաւ կին առնել Հոփիսիմէին:

Սակայն Հոփիսիմէն փախաւ Տրդատի ձեռքից: Սրա
վրայ բարկացած Տրդատը կոտորել տուաւ բոլոր կոյսերին
թուով 37 հոգի:

Այս անմեղ կոյսերի արիւնը զուր չանցաւ: Թագա-
ւորի խիղճն սկսեց տանջել նրան այն աստիճան, որ նա
խելագարուած գազանի նման սկսեց թափառել սար ու
ձոր:

Խոսրովիդուխտը մի երազ տեսաւ, ուր նորան մի լու-
սեղէն հրեշտակ ասում էր. թէ միայն Գրիգորը կարող է
բուժել Տրդատի հիւանդութիւնը: Ոչ ոք չհաւատաց այդ
երազին, որովհետև չէին կարծում թէ Գրիգորը կարող էր
կենդանի լինել: Երազը կրկնուեց. այն ժամանակ Օտա
Ամատունին գնաց Արտաշատ և գտնելով Գրիգորին կեն-
դանի, հանեց Խոր-Վիրապից և բերեց Վաղարշապատ: Ճա-
գանի,

ԵՐԻՌԻԴ ՇՐՋԱՆ

ՔՐԻՍՏՈՆԷՈՒԹԵՐՆ ՄՈՒՏՔԸ ՀԱՅԵՍՏԱՆ

ՏՐԴԱՏ ԵՒ Ս. ԳՐԻԳՈՐ ԼՈՒՍԱԿՈՐԻՉ

Աբգարն առաջին թագաւորն էր հայոց մէջ, որ քրիս-
տոնէութիւնն ընդունեց: Թէև, ինչպէս տեսանք, նրա յա-
ջորդները հալածանք բարձրացրին քրիստոնէութեան դէմ,
բայց և այնպէս բազմաթիւ քրիստոնեաներ կային Հայա-
տանում, որոնք յայտնի կամ ծածուկ դաւանում էին երկ-
նային Փրկչի կրօնը: Խոսրով Ա.-ի օրով, ինչպէս և Տրդա-
տի ժամանակ այնքան շատ էր նրանց թիւը, որ թէ հայրը
և թէ որդին մահուան պատիժներով, հալածանքներով ու
հրովարտակներով բոնանում և հալածում էին քրիստո-
նեաներին: Այս հալածանքը տեսք մինչև Տրդատի քրիս-
տոնեայ դառնալը լուսաւորչի ձեռքով:

Գրիգորն Անակ իշխանի որդին էր. նա ծնաւ Վաղար-
շապատ 257-ին, երեք տարեկան էր, որ դաւաճան հօր
ընտանիքը սրի անցրին, որից ազատուեց միայն Գրիգորը,
իր սանտուի հետ, Սօփիա անունով: Գրիգորին տարան
կեսարիա, ուր նրան մկրտեցին և մեծացրին իրու քրիս-
տոնէայ: Նա ուսաւ յոյն և ասորի դպրութիւն: Երբ չա-
փահաս դարձաւ, ամուսնացաւ մի յոյն աղջկայ հետ,
որից երկու զաւակ ունեցաւ. Արիստակէս և Վրթանէս
երեք տարուց յետոյ նրանք սիրով բաժանուեցան մի-
մեանցից, որ ծառայեն Աստծուն. Գրիգորը Արիստակէսին
յանձնեց դայեակների և ինքը գնաց Տրդատ թագաւորի
մօտ, որ հաւտտարիմ ծառայութեամբ քաւէ իր հօր, Ա-
նակի դործած մեղքը:

նապարհին նրա առաջ դուրս եկաւ հիւանդ թագաւորն իր իշխանների հետ։ Գրիգորը ծունկ չոքած աղօթեց նրանց համար և նրանց ցաւերը թեթևացան։

Գրիգորը հաւաքեց նահատակ կոյսերի մարմինները և ամենքին էլ թաղեց իրենց նահատակութեան տեղերում։

Հետեւեալ օրը քարոզելով թագաւորին եւ պալատականներին Քրիստոսի հաւատը, նրանց մկրտեց քրիստոնեայ 304 թուին։ Այսպիսով, Սբգարից յետոյ Տրդատը դարձեալ առաջինն էր բոլոր հեթանոս թագաւորների մէջ, որ ընդունեց քրիստոնէութիւն։ Դրա համար մեր ազգը առաջին եւ ամենահին քրիստոնեայ ազգն է ամբողջ աշխարհում։ Գրիգորն էր, որ լուսաւորեց մեր ազգը քրիստոնէութեամբ, դրա համար նա կոչւում է Լուսաւորիչ։

Այսուհետեւ Լուսաւորիչը կոյսերի նահատակութեան տեղը եկեղեցիներ շինեց, Հոփիսիմէի, Գայանէի և Շողակաթի անուններով, որ մինչև հիմա էլ կան։

Լուսաւորիչը երազում տեսաւ, որ Փրկիչը ցած եկաւ երկնքից և կունով խփեց գետնին. այդաեղ էլ նա հիմնեց հայոց Մայր-Տաճարը (302 թ.) որ էջմիածին կոչուեցաւ¹⁾։

Մաքսիմանոս կայսեր դուր չեկաւ Տրդատի քրիստոնեայ դառնալը, ուստի պատերազմ ծագեց հայոց և հոռմայեցոց մէջ։ Բարեբաղդաբար շուտով կայսր դարձաւ Կոստանդիանոս, որ ընդունեց քրիստոնէութիւն և բարեկամացաւ մեր Տրդատի հետ։ Տրդատը Գրիգոր Լուսաւորիչ, Արիստակէսի և բազմաթիւ հայ իշխանների ու զօրքի հետ այցելութեան գնաց կայսեր, մեծամեծ պատիւներով ու հանդէսներով ընդունուեց Հոռմում ինչպէս ինքը, այնպէս և Գրիգոր Լուսաւորիչը։

Պարսից թագաւորը օգտուելով Տրդատի բացակայութիւնից, ուզեց խոռովութիւն առաջացնել Հայաստանում։ Նրա զրդմամբ Սլուկ իշխանն ապստամբեց Տրդատից և սպանելով իր փեսայ Օտա իշխանին, գրաւեց նրա Ողկան ամրոցը Տարօնում։ Սկիւթական ազգերն էլ Շապուհից

գրգոռուած արշաւեցին Հայաստան։ Սակայն, շուտով հասաւ Սէգն Տրդատ և Գարգարացոց դաշտում մի սարսափելի ջարդ առաւ սկիւթացոց բանակին։ Բաւարաց թագաւոր Գեղրեհոնը կամենում էր թոկով բռնել Տրդատին, երբ Տրդատի սուրբը նրան երկու կէս արաւ, ձիու գլուխն էլ հետը կարելով։

Հայաստան դառնալիս, Տրդատ Սլուկ իշխանին էլ ըսպանուած գտաւ Մամգուն ձենացու ձեռքով, որին ընծայեց Տրդատը Սլուկնի կալուածները Տարօն գաւառում։

Այս Մամգունուն Տրդատը նախարարութիւն տուաւ, որից առաջացաւ Մամիկոնեան ցեղը։

Երբ 325 թուին կայացաւ առաջին տիեզերական ժողովը Նիկիայում։ Տրդատը և Լուսաւորիչն ուղարկեցին իրանց փոխանակ Արիստակէսին, որ այնտեղից բերեց մեր հաւատի հանգանակը։

Գրիգոր լուսաւորիչը հայրապետական աթոռը յանձնեց Արիստակէսին, իսկ ինքը մեկուսացաւ Սեպուհ լեռան Մանիայ այրի մէջ, ուր և վախճանեցաւ 332 թ.։ Հովիւները գտան նրա մարմինը և թաղեցին։

Գրիգորից յետոյ Տրդատ թագաւորն ամեն կերպ աշխատում էր քրիստոնէական վարք ու բարք մտցնել Հայաստանում։ Վերջը ծերացած ու յոգնած թողեց թագաւորութիւնը և քաշուեցաւ Մանիա այրը ճգնելու։ Նախարարները խնդրեցին, որ յետ գայ և կրկին շարունակէ թագաւորելը։ Տրդատը մերժեց։ Ապերախտ նախարարները ծածուկ թունաւորելով զրկեցին նրան կեանքից 342 թ.։ Տրդատին մեծ հանդիսով թաղեցին Թորդան գիւղում, ուր մի քանի տարուց յետոյ տեղափոխեցին և նրա սիրելի Գրիգոր Լուսաւորիչի մարմինը։

ՏՐԴԱՏԻ ՅԱԶՈՐԴՆԵՐԸ

Հայերի քրիստոնեայ դառնալով կտրուեցաւ այն կապը, որ կար հեթանոս Հայաստանի և Պարսկաստանի մէջ։ Առանց այն էլ Արշակունիներին թշնամի Սասանեան տոհմը

¹⁾ Կարդա. «Հայ հեղինակներ».—էջմիածին յօդուածը։

ամեն կերպ աշխատում էր ձեռք բերել Հայաստանը և բնաշխնջ անել քրիստոնէութիւնը, որ կապում էր հայերին յոյների հետ: — Տրդատի յաջորդները թոյլ ու մեղկ մարդիկ էին, զբաղուած որսով ու կերուխումով. դրա համար Հայաստանն ասպարէզ դարձաւ անվերջ պատերազմների, մի կողմից Հոռմի ու Պարսից մէջ, միւս կողմից էլ ապրատամբ և անբարտաւան նախարարների. դրանք կամ միմեանց դէմ էին պատերազմում թուլացնելով երկրի ներքին ուժերը, և կամ թագաւորի դէմ, միանալով արտաքին թշնամիների հետ:

Այսպէս Տրդատից յետոյ մինը միւսին յաջորդեցին Խոսրով Բ. որ գահը փոխադրեց Դուխն և ապա Տիրան Բ. (353 թ.) որին գահընկէց անելով Շապուհ, աչքերը կուրացրեց և աքսորեց: Սակայն հայերի սիրաը գրաւելու համար նրա որդուն, Արշակ Բ.ին, կարգեց Հայաստանի թագաւոր (364):

Շատ խախուտ էր այս թագաւորի գրութիւնը, ինչպէս և իր նախորդներինը. հէնց որ պարսից յետ էր բարեկամանում, յունաց կայսրն էր ասպատակում որա երկիրը, հարկ պահանջելով սրանից. եթէ կատարում էր յունաց կամքը, պարսից թագաւորն էր վրէժխնդիր լինում ահազին պատերազմով: Այս արտաքին թշնամիների վրայ աւելացան և ներքին խոռվութիւններ: Արշակ խեղդել տուաւ իր կոյր հօրը և սպանեց իր եղբօր որդուն, Գնէլին, ու խլեց նրա կինը:

Արշակ մի քաղաք հիմնեց Մասիսի ստորոտում և անւանեց Արշակաւան: Որպէսզի քաղաքը շուտով բազմամարդ դառնայ, նա հրաման տուաւ այնտեղ անպատիժ ընդունելու ամեն տեսակ յանցաւորներին: Շուտով քաղաքը լցուեց գողերով ու աւազակներով, որոնք նախարարների երկիրներից փախչելով, ապաստանեցին այստեղ: Նախարարները բողոքեցին: Արշակն անուշաղիր թողեց դրանց բողքը. ուստի ամենքին զայրացրեց ու թշնամացրեց: Նախարարները դիմեցին Շապուհի օգնութեան, որի զօրքերն եկան տիրեցին Անի ամրոցին և կողոպտեցին թագաւոր-

ների ոսկորները: Հայ իշխանները կործանեցին Արշակաւանը և բնակիչներին կոտորեցին: Հազիւ վրայ հասաւ Ներսէս կաթողիկոսը և ազատեց ծծկեր երեխաներին: Արշակը վերադարձաւ Վրաստանից և պատերազմով գնաց նախարարների վրայ, սակայն Ներսէսի միջնորդութեամբ նահաշուեց առանց պատերազմելու, թէն վերջը դրժելով իր խոստումը, չարաչար հալածեց ու կոտորեց հակառակորդ նախարարներին, բնաջինջ անելով նրանցից մի քանիսի ցեղն ամբողջովին:

Շուտով նախարարների դրդմամբ եկաւ պարսից Աշխանողան իշխանը և գերի տարաւ Արշակին Պարսկաստան:

Երբ Շապուհ պահանջեց, որ թագուհի Փառանձեմի հետ բոլոր մնացեալ նախարարների կանանց էլ պարսից Դուռը տանեն, նախարարները միացած կոտորեցին պարսից զօրքի և հալածեցին: Շապուհ բար կացած բանտարկել տուաւ Արշակին Անյուշ բերգում, ուր նա, լսելով իր կողջ գերի ընկնելն ու մահը, և Հայաստանի ոտնակոխ լինելը, ինքնասպան եղաւ 382-ին, Անյուշ բերգում:

Արշակի մահից յետոյ Շապուհ իւր քոյր Որմզդուխտին կնութեան տուաւ Մեհրուժան Արծրունի ուրացեալ նախարարին, որ նրա ձեռքով չնջէ քրիստոնէութիւնը Հայաստանում, և հայոց թագաւորութիւնը վերջացնելով, միացնէ իր երկրին: — Մեհրուժան բազմաթիւ չարագործութիւններ արաւ Հայաստանսւամ. քրիստոնեայ հոգեորականներին հալածեց, և նախարարների կանանց գերի առնելով, զանազան բերգերում բանդարկեց:

Ներսէս այդ ժամանակ Բիւզանդիա էր. խնդրեց Թէոդոս կայսրից, որ Արշակի որդուն, Պալին, թագաւորացնէ Հայաստանի վրայ: Կայսրը յարգեց Ներսէսի խնդիրը և յոյն զօրքերով Պալին ուղարկեց Հայաստան, որին միացան վախստական հայ նախարարները:

Նպատ լերան մօտ Մեհրուժանը պարսիկ զօրքով դուրս եկաւ քրիստոնեայ զօրքի դէմ: Լերան գլխին քրիստոնեաների աջողութեան համար բազկատարած աղօթում էր Ներսէս կաթողիկոսը: Պատերազմը կատաղի էր, բայց վերջ

ի վերջոյ յաղթութիւնը մնաց Հայոց կողմը: Մեհրուժանը փախաւ, բայց Սմբատ Բագրատունին հասնելով նրա յետեկից, հովիւներից առաւ տաքացրած շամփուրը, դրեց Մեհրուժանի զլիսին, իբրև թագաւորի և ասեց: «Պսակում եմ քեզ, ով Մեհրուժան, որովհետև ցանկանում էիր Հայոց թագաւոր դառնալ, և ես, իբրև թագաղիր ասպետ, կատարում եմ պաշտօնս»:

Այսպէս խայտառակ եղաւ դաւաճանի մահը. իսկ նրա օդնական Վահան Մամիկոնեանին դաւաճանութեան համար սպանեց հարազատ զաւակը, Սամուելը:

Պապի թագաւորութեան ժամանակ Ներսէս բազմաթիւ վանքեր հիմնեց, նոյնպէս հիւանդանոցներ, որբանոյներ, և այլ բազմատեսակ քրիստոնէական հիմնարկութիւններ: Պապ թագաւորը, որ անառակ կեանք էր վարում, ձանձրացած նրա խրատներից, թունաւորեց մեծ Հայրապետին:—Յոյներից էլ ձանձրացած, նա կամեցաւ պարսից կողմն անցնել, բայց յոյն զօրավար Տերինտիանոս, որ զօրքով գտնուում էր Հայաստանում Պապի վրայ հոկելու համար, գերի տարաւ նրան Բուզանդիա, ուր կայսրը նրան զլիսատել տուաւ (388):

Պապին յաջորդեց իր եղբայր Վարագղատը, ապա իր երկու որդիքը. Արշակ Գ. և Վաղարշակ Բ. (394), նոյն տարին մեռաւ Վաղարշակ և թագը մնաց ամբողջովին Արշակ Գ.ին:

Այդ ժամանակ յոյներն ու պարսիկները Հայաստանն ու Միջագետքը բաժանեցին միմեանց մէջ: Հայաստանի մեծ մասն ընկաւ պարսից ձեռքը: Արշակ չըկամենալով հեթանոս իշխանի երկրում մնալ, բազմաթիւ նախարարների հետ անցաւ Յունաց բաժինը: Շապուհն իր մասում թագաւոր կարգեց Խոսրով Գ. Արշակունի իշխանին, որ Արշակի մահից յետոյ թագաւորեց նաև յունաց բաժինընկած Հայաստանին: Այս բանի վրայ կասկածելով Արտաշեր, Խոսրովին կանչեց Տիգրոն և աքսորեց Անյուշ բերդը:

ՎՐԱՄՇԱՊՈՒՀ ԵՒ ՏԱՌԵՐԻ ԳԻՒՑԸ

Խոսրովին յաջորդեց նրա եղբայրը, Վռամշապուհ (400—421), որ խելօք ու հեռատես քաղաքականութեամբ կառավարեց Հայաստանը 21 տարի շարունակ, գրաւելով թէ պարսից և թէ յունաց հաւատն ու վստահութիւնը: Այնպէս որ, երբ Միջագետքում յունաց և պարսից մէջ խոռվութիւն ծագեց, Վռամշապուհ երկու կողմերի հրաւերով գնաց Միջագետք և տեղն ու տեղը վէճերը քննեց ու կարգադրեց արդարութեամբ:

Վռամշապուհի թագաւորութեան ժամանակ էր, որ նրա բարտուղարը, Մեսրոպ-Մաշտոց, գտաւ հայոց տառերը 404 թուին: Հայերը թէպէտ քրիստոնէութիւն էին ընդունել հարիւր տարի առաջ, բայց չունենալով գիր ու դպրութիւն, աւետարանը եկեղեցիներում կարդացւում էր յունարէն կամ ասորերէն և ժամերգութիւնն էլ կատարում էր այդ լեզուներով: Ժողովուրդը ոչինչ չէր հասկանում, ուստի մնում էր խաւար և հեթանոս սովորոյթներով:

Մեսրոպը Տարօնի (Մուշ) Հացիկ գիւղիցն էր. մանկութիւնից ուսաւ յունարէն, ասորերէն և պարսկերէն, աշակերտելով Ներսէս Մեծին: Վերջը նա դիւանապետ էր պալատում, որից ձանձրանալով, հրաժարուեց աշխարհից և գնաց Գողթան գաւառը ճգնելու և աւետարանը քարոզելու ժողովրդին: Այդ քարոզութիւնների ժամանակ նա տեսաւ, որ ժողովուրդը չի հասկանում աւետարանի լեզուն, ուստի մտածեց հայերէն տառեր գանել, որ Ս. գիրքը թարգմանի հայերէն: Այս նպատակով նա զիմեց Սահակ Կաթողիկոսին և յայտնեց իր խորհուրդը: Կաթողիկոսը Վաղարշապատում ժողով գումարեց այդ մասին: Ներկայ էր և Վռամշապուհ թագաւորը: Արքան ժողովում յայնեց, որ Ասորիքում, մի Դանիէլ անունով եպիսկոպոսի մօտ հայերէն տառեր է տեսել:

Մարդ ուղարկեցին և բերել տուին այդ տառերը:

Սահակ և Մեսրոպ աշակերտներ հաւաքեցին և փորձեցին այդ տառերը սովորեցնել, բայց տեսան, որ դրանք պակասաւոր էին, և հայերէնի բոլոր հնչիւնները չունէին:

Այսուհետև Մեսրոպ շատերին դիմելուց ձեռնունայն, ապաւինեցաւ աղօթքի և Աստուծոյ օգնութեամբ գտաւ հայերէն տառերը 406-ին:

Այնուհետև Սահակը ու Մեսրոպ անմիջապէս սկսեցին թարգմանել Ս. գիրքն իրենց աշակերտների օգնութեամբ: Բազմաթիւ դպրոցներ բացուեցան Հայաստանի զանազան մասերում:

Ընդունակ և խելօք աշակերտներին ուղարկում էին
աւելի լուսաւոր քաղաքներն ուսում ստանալու, որոնց մի-
ջից յետոյ դուրս եկան մեր եկեղեցու նշանաւոր հայրերն,
հայ նշանաւոր պատմագիրներն և մատենագիրները: Այս-
պէս Սահակի և Մեսրոպի աշակերտներից էին. Կեռնդ Ե-
րեցը, Եղիկ Կողբացին, Կորիւնը, որ գրեց իւր ուսուցչի,
Մեսրոպի կեանքը. Մովսէս Խորենացին, որ գրեց հայոց
պատմութիւնը, Դաւիթ Անյաղթ փիլիսոփան, Եղիշէն,
Վարդանանց պատմութեան հեղինակը, Ղազար Փարավեցին,
որ գրեց Վարդանանց և Վահանանց պատմութիւնը և այլն:

Մեսրոպի, Մահակի և նրանց աշակերտների շնորհիւ հայոց գրականութիւնն ու լեզուն այնպէս ծաղկեց ու զարգացաւ Ե. դարում, որ նա իրօք կոչուեցաւ մեր գրականութեան ոսկէ դարր:

Շատ մեծ է Մեսրոպի նշանակութիւնը, որովհետեւ նրա գտած տառերի շնորհիւ ծաղկեց ու զարգացաւ հայ գրականութիւնը և մի անգամ ձեռք բերած քրիստոնէութիւնը դարձաւ բնումիշտ ազգային կրօն։

ՎՈԱՄՇԱՊՈՒՀԻ ՅԱԶՈՐԴՆԵՐԸ

Վռամշապուհի մահից յետոյ պարսիկները փորձեցին վերջ տալ Արշակունի թագաւորութեան, բայց աջողութիւն չունեցան, մինչև որ 4—5 տարի խառնակութիւնից

յետոյ, Վռամ, պարսից տըքան, Հայաստանի թագը յանձնեց Վռամշապուհի որդուն, Արտաշէսին:

Սա իր անկարգ կեանքով ատելի եղաւ նախարարներին, որոնք միաբանած դիմեցին Սահակ կաթուղիկոսին, կամենալով գահընկեց անել թագաւորին և նրա տեղը պարսիկ իշխան հրաւիրել:

«Քաւ լիցի, ասում էր ծերունի կաթուղիկոսը, իմ հիւանդու ոչխարը առողջ գազանի հետ փոխել, որի առողջութիւնը մեղ վասակար է»: Նախարարները չլսեցին Ս. Սահակին, այլ գնալով Վուամի մօտ, գանգատուեցին թէ թագաւորից և թէ կաթուղիկոսից: Վուամ առանց լըսելու Արտաշէսին և Սահակին, կանչեց նրանց Պարսկաստան և այնտեղ պահեց, զրկելով մինին թագից, միւսին կաթուղիկոսութիւնից 432.ին *):

Այսպիսով վերջացաւ Արշակունի թագաւորութիւնը Հարաստանում, և կաթողիկոսութիւնը Լուսաւորչի գեղից:

Եյնուհետև Հայաստանը կառավարում էին պարսից մարզանները, իրա՞ թագաւորի հրամանների համեմատ:

ԱՌԱՋԻՆ ԿՐՈՆԱԿԱՆ ՊԱՏԵՐԱՋՄ

Արշակունի հարստութիւնը վերջանալուց յետոյ, պարսկիների նպատակն էր ջնջել քրիստոնէութիւնը Հայաստանում և այդ հարուստ երկիրն ընդմիշտ միացնել Պարսկաստանին։ Այդպէս էլ մտածում էր Յազկերտ Բ. բայց վախ էր զգում նախ յոյներից, որ իբրև քրիստոնեայ կարող էին օգնել հայերին, և երկրորդ, հայ նախարարներից, որոնք դեռ զօրեղ ու խրոխտ, կարող էին խանգարել Յազկերտի մտադրութիւնը։ Ուստի նա մտածեց առաջ իր հաշիւը վերջացնել յոյների, ապա հայ նախարարների հետ-

Յարձակուեցաւ Յսւնաց Միջագետքի վլայ, աւելեց
ու կոտորեց, հասաւ մինչև Մծբին և Թէոպոս կայսրին
ստիպեց ընդունել իր առաջարկած պայմանները։ Այսու-

*)կարդա «Լուսաւորչի տոհմը» Հայ-հեղինակներից էջ 111:

հետև հոնաց արշաւանքին մասնակցելու համար հրավիր-
ւեցան հայ, վրացի և աղուանից ազգի նախարարներն ու
զօրքը, որ մի կողմից երկիրն անպաշտպան մնայ, միւս
կողմից թուլանայ:

Եօթը տարի տեսց Հոնաց պատերազմը, ուր հայ իշ-
խաններն ու զօրքը մեծամեծ քաջութիւններով ապահո-
վեցին Պարսից յաղթութիւնն և աջողութիւնը:

Պատերազմի ժամանակ էլ Պարսից թագաւորն աշխա-
տում էր համոզելու, որ հայ իշխանները թողնեն իրենց
կրօնը և դառնան կրակապաշտ: Այդ անում էր նա առաջ
մեղմութեամբ, ապա, մինչև անգամ բռնութեամբ. Պարս-
կաստան գնացող զօրքին այլևս յետ չէր թողնում հայրե-
նիք դառնալու և պատերազմի թունդ տեղերն ուղարկե-
լով, աշխատում էր նրանց հետզհետէ կոտորել տալ:

Մինչդեռ զօրքն ու իշխանները հեռու էին հայրենի-
քից, Հայաստան է գալիս Դենշապուհ իշխանը աշխարհա-
գիր անելու:

Նա հարկի տակ զբեց վանքերն ու եկեղեցիները, որ
մինչև այն ազատ էին որևէ է տուրքից: Ժողովրդին էլ ծա-
նըր հարկերով ճնշեց ու աղքատացրեց, հոգևորականներին
սկսեց հալածել և նախարարների մէջ խռովութիւն ձգեց:
—Երկրի հազարապետին, որ վահան Ամատունին էր,
պաշտօնից հեռացրեց և նրա տեղը կարգեց մի պարսիկ:
Մի մոգպետի էլ նշանակեց դատաւոր:

Երբ ժողովուրդը բաւական աղքատացած էր ու թոյլ,
Միհրներսէն մի թուղթ ուղարկեց Հայաստան, որ պա-
խարակում էր քրիստոնէութիւնը և գովում Զրադաշտային
կրօնը: Նա պահանջում էր, որ կամ իր գրածին կէտ առ
կէտ պատախաննեն և կամ ընդունեն պարսից կրօնը:

Հայ ազգի իշխաններն ու հոգևորականներն անմիջա-
պէս հաւաքուեցան Արտաշատ և Յովսէփ կաթուղիկոսի
նախադահութեամբ ժողով գումարելով, մի շատ խիստ ու
համարձակ պատասխան գրեցին պարսից թագաւորին:

Պատասխանը վերջանում էր այսպէս: «Այս հաւատից
մեզ ոչ ոք կարող է շարժել. ոչ մարդ, ոչ հուր և ոչ



Վ Ա Ր Դ Ա Ն

սուրբ: Մեր բոլոր հարստութիւնը քո ձեռին է, մարմին-
ներս էլ քո առաջ. արա, ինչ որ կամենաս. քեզանից
տանջանք, մեզանից համբերութիւն, քո սուրը և մեր պա-
րանոցը»:

Յազկերտ զարմացած ու բարկացած այս պատասխա-
նի վրայ, նախարարներին պարսից դուռը կանչեց: Նախա-
րարները, որոնց մէջ էր Վասակ Սիւնի և Վարդան Մա-
միկոնեան, գնացին Պարսկաստան և սովորականին հակա-
ռակ խիստ վատ ընդունելութիւն գտան:

Յազկերտը առանց խօսք լսելու ստիպում էր, որ ըն-
դունեն պարսից կրօնը և տեանելով նախարարների հակա-
ռակութիւնը, բանտարկել տուաւ նրանց: Նախարարները
երկար խորհրդակցելուց յետոյ որոշեցին երեսանց կատա-
րել թագաւորի հրամանը, որպէսզի ազատուելով մի հնար
դտնեն նրա չար մտադրութիւնը խորտակելու:

Թագաւորն անշափի ուրախացաւ լսելով նախարարների ուրանալը: Մեծամեծ պարզեներ ու պատիւներ տուաւ նրանց և 700 մոգեր և մոգպետներ ու մի գումար զօրք հետները դնելով, ուղարկեց Հայաստան, որ այնտեղ էլ քրիստոնէութիւնը ջնջելով տարածեն ու քարոզեն պարսից կրօնը (450):

Ապահովութեան համար Յազկերու պատանդ պահեց երկու որդոցը Վասակի, որ այդ ժամանակ Հայաստանի մարզպանն էր:

Երբ նախարարների ուրացութեան լուրը Հայաստան հասաւ, ամբողջ երկիրը սուզի մէջ մտաւ:

Հոգեորականները ցըուեցան երկրի զանազան կողմերը ժողովրդին պատրաստելու, որ զէնքով դիմադրեն և իրենց հաւատը կեանքի գնով պաշտպանեն: Որոշեցին ու երդուեցան, որ հայրը որդուն պիտի չխնայէր, եղբայրը եղբօրը, որդին հօքը, կինը ամուսնուն, եթէ ուրացել էր հաւատը:

Նախարարները Հայաստանի ոահմանը մտնելով, բանակ դրին Անգղ գիւղում: Կիրակի օրը, պատարագի ժամանակ, մոգպետը զօրքերի հետ մտաւ եկեղեցին, որ ժամերգութիւնը դադարեցնէ: Ղեռնդ երէցը, որ պատարագիչ էր, ժողովրդի գլուխն անցած, փայտերով ու բրերով ծեծեց մոգերի գլուխը և հալածեց եկեղեցուց:

Յուսահատուած մոգպետը կամենում էր թագաւորին գրել այդ մասին: «Եթէ իրանք աստուածներն էլ օգնութեան գան, անկարելի է մեր օրէնքը հաստատել Հայաստանում», ասում էր նա, բայց դաւաճան Վասակը համոզեց նրան մի քիչ էլ համբերել, մինչև որ խաբելով ու խարդախելով որան կամ նրան գրաւէ իրենց կողմը:

Այդ ժամանակ ուրացեալ նախարարները Շահապիվանում ժողով գումարեցին և ամենը երդուելով աւետարանի վրայ հաստատեցին, որ կեղծ էին ուրացել. իրենց մատանիներով կնքեցին աւետարանը, ի նշան իրենց հաւատարմութեան քրիստոնեայ եկեղեցուն: Վասակն էլ միաբաննեցաւ և իր մատանիով կնքեց աւետարանը: Դրանից

յետոյ հայերը կոտորեցին մոգերին և պարսից գրաւածքերեն առնելով, կրակատունները քարուքանդ արին:

Այդ ժամանակ գուժկան եկաւ Աղուանից աշխարհից, խնդրելով օգնութեան համել նրանց, որովհետև պարսից զօրքը երկիրը մտնելով հետ, աշխատում էր ջնջել քրիստոնէութիւնը:

Վարդան սպարապետը հայոց զօրքը երեք մասի բաժանեց, առաջինը տալով Ներշապուհ Արծրունուն, ուղարկեց Ատրպատական, Պարսից սահմանը. երկրորդ գունդն առնելով Վարդան, գնաց Աղուանից աշխարհին օգնութեան, իսկ երրորդ գունդն առաւ ինքը Վասակ, որպէս թէ Հայաստանի կենդրոնը պաշտպանելու, այն ինչ նա մարդու ուղարկեց պարսիկներին իմաց տալու, թէ տեսէք, ահա հայոց ոյժը թուլացրի, մաս-մաս բաժանելով նրանց:

Վարդանը Աղուանից երկրում, կուրի ափին, սոսկալի ջարդ տալով, հալածեց պարսիկներին յետ առնելով նըռանց տիրած բերդերն ու աւերած հարստութիւնը, կոտորելով մոգերին և կործանելով կրակարանները, հասաւ մինչև ձորայ դուռը և դաշն կապեց Հոնաց հետ (450):

Սակայն, գուժկան հասաւ Վարդանին Հայաստանից, որ պատմեց Վասակի չարագործութիւնները, թէ ինչպէս նա շատ քաղաքներ ու գիւղեր այրեց, շատ եկեղեցիներ կործանեց և ուխտապահ նախարարների որդոց գերելով, Սիւնեաց բերդերում փակեց.

Վարդան ճանապարհուեց Հայաստան. Ճմեռը վրայ հասաւ և երկու կողմից էլ մարդիկ զբաղուեցան իրենց կուսակիցները շատացնելով: Գարունը բացուելուն պէս Մուշկան Նիւսալաւուրտ զօրավարը ահազին զօրքով բանակ զրեց Հեր և Զարեանդ գաւառներում: Վարդանն էլ հաւաքեց իր զօրքերը թուռվ 66,000 հոգի և գուրս եկաւ թշնամու դէմ, Արտազ գաւառի Աւարայր դաշտում. Տըդմուտ գետի ափին: Բանակումն էին Յովսէփ կաթողիկոսն ու Ղեռնդ երէցը, որ մի ողերուած ճառով խրախուսեց զօրքին: Հետեւեալ առաւօտ վաղ, պատարագից յետոյ, սկսուեց պատերազմը նետերով: Պարսից զօրքը երեք ան-

գամ աւելի էր հայերից և բազմաթիւ պատերազմական վղերով շրջապատռած:

Չսայելով դրան, նրանք վախեցան գետն անցնել, հայերն էին, որ անվախ գետն անցնելով, յարձակուեցան պարսից աջ թևի վրայ, Վարդանի առաջնորդութեամբ և շփոթութիւն քցեցին նրանց զօրքի մէջ։ Սակայն, հայոց զօրքի մի մասն այդ ժամանակ թուլանալով, տեղի տուաւ և պարսիկները սիրտ առան։ Պատերազմը տևեց մի ամբողջ օր։ Պարսից զօրավարը օգտուելով հայոց քչութիւնից պահեստի փղերը մօտ բերեց և շրջապատեց Վարդանին։ Վարդանն ընկաւ նահատակի մահով, շատ թանկ ծախելուց յետոյ իր կեանքը պարսիկներին (451). նրա հետ ընկան բազմաթիւ այլ քաջեր հայոց բանակից, զինուորների հետ միտսին 1036 հոգի, իսկ պարսից կողմից 3544 հոգի և ինը զօրավար։

Վարդանանց պատերազմի յիշատակը մենք տօնում ենք բարեկենդանի վերջին հինգշաբթի օրը։

Հայերը քաշուելով իրենց լեռները և ամուր տեղերը, փոքրիկ յարձակումներով մեծամեծ վասներ էին տալիս Պարսիկներին։ Յազկերտը տեսնելով իր զօրքի կրած ահազին վասները, զղաց, Վասակին կանչեց Պարսկաստան և նրա տեղը պարսիկ մարզպան նշանակեց։ Հրաման տուաւ, որ եկեղեցիները նորից բացուին և կրօնի ազատութիւն յայտարարեց։

Միայն Յովսէփի կաթուղիկոսին և Դևոնդ երէցին մի քանի այլ ապատամբ նախարարների հետ Պարսից Գուռը կանչեց, շղթայակապ *):

ՎԱՍՍԿԻ ԴԱՏԱՍՏԱՆԸ

Մի հանդիսաւոր օր թագաւորը պալատ կանչեց Վասակին։ Նա հագաւ իր թանկագին շորերը, գլխին ոսկեղէն խոյր ունէր, մէջըին մարզարտազարդ գօտի, ականջին ոս-

*) Կարդալ. «Ե. դարու հայ կանայք» և «Բլբուլն-Աւարայրի», Հայ հեղինակներ, երես 243, 326.

կէ օղեր, և ուսին արքայական սամոյլու Միայն թագն էր պակաս և նա կարծում էր, որ թագաւորը նրան կտայ Հայաստանի թագը։

Պալատումն էին և շղթայակապ հայ քահանաներն ու նախարարները, որոնք բաց արին Վասակի խարդախութիւններն ու գաւաճանութիւնը, որ մի կողմից հայերին էր խաբում, միւս կողմից պարսիկներին։ Վասակի ազգականներն անգամ պարսիկ մոգերի հետ հաստատեցին, որ երկրի աւերման և պատերազմի պատճառը Վասակն էր։

Թագաւորն հրամայեց զրկել Վասակին բոլոր ունեցածից և բանտարկել նրան։ Խսկոյն հանեցին նրա բոլոր զարդերն ու զգեստները և մահապարտի հագուստ հազցընելով, նրա ձեռք ու ոտքը կապած նստեցրին մատակ ձի և բանդ տարան։ Այստեղ նա երկար տանջուելուց և ծանր հիւանդանալուց յետոյ մեռաւ խօրին աղքատութեան մէջ։ Գերեզմանի տեղ չգտաւ իր հայրենիքում այն մարզը, որ Հայաստանի թագաւոր էր ուզում դառնալ գաւաճանութեամբ։

Շղթայակապ քահանաներն էլ նահատակուեցան մի քանի տարի բանտարկուելուց յետոյ, իսկ նախարարները 12 տարի բանդ և նեղութիւն կրելուց յետոյ, կրկին ազատուեցան և վերադարձան Հայաստան։

ՎԱՀԱՆ ՄԱՄԻԿՈՆԵԱՆ

Վարդանանց պատերազմից յետոյ պարսիկները թէ-ալէտ բոնութեան չէին դիմում, բայց ուրիշ ամեն միջոցներով դաւաճաններին և հաւատառութացներին առաջ էին քաշում, իսկ ազնիւ ու կարգին հայ իշխաններին հալածում։ Դժգոհութիւնը շատ մեծ էր հայոց մէջ և այս անգամ էլ դժգոհների և ապստամբների գլուխ կանգնեց Մամիկոնեան տոհմի աւագը, Վահանը, որ Վարդանի եղբօրութիւն էր։ Սա չորս տարի շարունակ Հայաստանի զանազան մասերում շարունակ կռուի էր բռնւում պարսիկների հետ, քաջութեամբ պատերազմում էր և նրանց կոտորում

ու հալածում: Շատ հեռատես ու խելօք էր Վահանը, ինչպէս և քաջ ու մեծահոգի:

Պարսիկները տեսան, որ պատերազմով չեն կարող Վահանին ընկճել, համաձայնեցան նրա առաջարկած պայմաններն ընդունել և հաշտութիւն կայացնել: Այդ պայմանով քրիստոնէութիւնը ճանաչուեց որպէս հայոց կրօն, որին ոչ ոք իրաւունք չունէր այնուհետև ձեռք տալու: Դաւաճանները պատուի պիտի չարժանանային և ազնիւ ու հաւատարիմ մարդիկ չհալածուէին:

Պարսիկները տեսնելով Վահանի ազնւութիւնն ու խոհեմութիւնը, նրան յանձնեցին թէ երկրի կառավարութիւնը—մարզպանութիւնը և թէ սպարապետութիւնը: Յովիան կաթուղիկոսն ուրախացած մեծ հանդէս կատարեց այդ առթիւ էջմիածնում և մի գեղեցիկ ճառ ասաց (485թ.)*:

Վարդանանց և Վահանանց պատերազմներից յետոյ Հայաստանի արևելեան մասը դարձեալ մնաց Պարսից իշխանութեան հպատակ մինչև Սասանեանց անկումը և արաբաց արշաւանքները: Պարսիկները երբ իրենց զօրաւոր էին զգում, իսկոյն մոռանում էին իրենց խոստումը, նշանակում էին պարսիկ մարզպաններ և նեղելով ու ճնշելով հայերին, կամենում էին հայերին իրենց կրօնին դարձնել:

Հայերն էլ շարունակ ապստամբում ու կոտորում էին Պարսից զօրքը կամ յունաց օգնութեամբ կամ մենակ, հաւատարիմ մնալով իրենց կրօնին: Այս պատերազմների մէջ մեծ անուն հանեց և նշանաւոր դեր խաղաց Վահանը, Մամիկոնեան տոհմից, որ իր անօրինակ քաջութեան համար Գայլ էր կոչւում: Երբ Միհրան պարսից զօրավարը 30,000 զօրքով յարձակուեց Տարօնի վրայ, Գայլ Վահանը խորամանկութեամբ գնաց և բարեկամ ձեւացաւ Միհրանին, այն ինչ գաղտնի առանձին գնդերով 4,000 հոգի պարսիկ մէկ ջարդել տուաւ, 2000 մէկ, 1000 էլ մէկ այսպէս Պարսից զօրութիւնը խորտակելուց յետոյ Միհ-



Գ Ա Յ Լ Վ Ա Հ Ա Ն

րանին էլ սպանեց 604թ. և Տարօնն ազատեց թշնամու ձեռքից:

Պարսից թագաւորը նորէն զօրք ուղարկեց Տարօնը պաշարելու: Գայլ Վահանը լուս նստած խորամանկութեամբ սպասում էր թշնամու գալուն, որոնցից 4000 հոգի մէկ ջարդեց, 5000 մէկ: Այդ ժամանակ ծերութիւնից մեռաւ Վահանը և պարսից զօրավարը վստահացած, 10,000 զօրքով յարձակուեց նրա որդու, Մմբատի վրայ: Մմբատը չարաշար կոտորեց պարսից զօրքը, սպանեց նըրանց զօրավար Վախտանգին և նրա կնոջն ու որդոցը գերի տարաւ: 20 տարի յետոյ պարսիկները նորէն արշաւեցին Տարօն, բայց նորէն սարսափելի ջարդ կրելով տեղի տուին:

*) Կարդա «Վահանի մարզպանութիւնը», Հայ հիղինակներ էջ 250»

ՀՈՐԻՈՒԹ ՇԲ ԶԱՆ

ԱՐԱԲԱՑ ԱՐՇԱԽԱՆՔՆԵՐԸ ԵՒ ԲԱԳՐԱՏՈՒՆԻՔ
(640—1080)

Սասանեան թագաւորութիւնը կործանեցին արաբները, տիրեցին Պարսկաստանին, տարածեցին այնտեղ Մահմէդի կրօնը և այնուհետև աշխատեցին տիրել Հայաստանին և տարածել հայոց մէջ մահմեդականութիւնը։ Ամբողջ յիսուն տարի կռուելով յունաց հետ, արաբները Հայաստանը արեան, աւերածի և կրակի ասպարէզ դարձրին, մինչև բոլորովին տիրելը եօթերորդ դարու վերջերին։ Ըուաշին անգամ Հայաստան եկաւ Աբգուրահման 18,000 զօրքով 640 ին և մտաւ Տարօն։ Գայլ Վահանի թոռնորդին, Տիրան, զուրս եկաւ նրա դէմ 8000 զօրքով։ Մնացեալ հայ իշխանները չուզեցան օփնել նրան և Սահուռ Անձնացին էլ պատերազմի ժամանակ դաւաճանեց նրան անցնելով արաբաց կողմը։ Տիրան զոհ դնաց և արաբացիք հասան մինչև Դուին, տանելով 35,000 գերի։ — Այնուհետև արաբացիք մի քանի անգամ յարձակումներ ունեցան Հայաստանի վրայ փոխ առ փոխ։ Երբ արաբացիք հեռանում էին, գալիս էին կրօնամոլ և հայատեաց յոյները։ Արանց դէմ էլ իսկոյն կռուելու էին դուրս գալիս արաբները. և Հայաստանը կռուախնձոր դառած այս երկու երկիրների մէջ, արիւնաքամ էր լինում։

Երբ արաբները յետ քաշուեցան, յոյները կրկին երեւացին իրենց գերում և կայսրը կիւրապաղատ նշանակեց նախ Վարագտիրոցին, ապա նրա որդի Սմբատ Բագրատու-

նուն։ Սպարապետութիւնն էլ յանձնեց Թէոդորոս Ռշտունի իշխանին։ Արաբաց արշաւանքի ժամանակ այս իշխանը միակն էր, որ աշխատում էր միացնել հայ նախարարներին թշնամիներին դիմագրելու համար, բայց սրա ջանքերը դուրս անցան։

Արաբացիք նորէն ահազին զօրութեամբ Հայաստան մտան և մի քանի գաւառների տիրեցին։ Հայերը յոյս չունենալով յունաց օգնութեան վրայ, դիմեցին ամիրապետին և հնազանդութիւն յայտնեցին նրան։ Կոստանդ կայսրը, որ օգնութիւնը զլացել էր, կատաղութեամբ արշաւեց Հայաստան, կամենալով բնաջինջ անել բոլոր հայերին։

Ներսէս կաթուղիկոս Տայեցին դուրս եկաւ նրա առաջը, ամոքեց նրա բարկութիւնը և կայսրը պահապան զօրք թողնելով, հեռացաւ։ Հազիւ կայսրը հեռացել էր և ահա արաբները կրկին արշաւեցին Հայաստան, յունաց զօրքին դուրս քշեցին, երկիրը ծանր հարկերի տակ դրին բազմաթիւ պատանդներ վերցնելով իշխանական տներից, յետ գարձան։ Տուրքն այնքան ծանր էր, որ հայ նախարարները կրկին կայսեր դիմեցին և նա էլ Համազապ Մամիկոնեանին կարգեց կիւրապաղատ։ Հայերի այս վարմունքի համար ամիրապետն էլ կոտորել տուաւ մօտ 2000 հայ պատանդները, որոնք գանւում էին Արաբիայում։

Երբ Մատիէ ամիրապետը պատրաստութիւն տեսաւ Հայաստան արշաւելու, հայերը կրկին հպատակութիւն յայտնեցին նրան։ Համազապի տեղ, նրա մահից յետոյ ամիրապետը կառավարիչ կարգեց Գրիգոր Մամիկոնեանին, որ երկիրը բարեկարգեց և խաղաղութեամբ պահպանեց 25 տարի։ Գրիգորը մեռաւ Խաղբաց դէմ պատերազմելիս։

Յուատիանոս կայսրն անձամբ եկաւ Հայաստան, թշնամիներին հալածեց և երկիրն ամբողջովին նուաճեց։ Այնուհետև Ներսէս կամսարականին կարգեց պատրիկ և 30,000 զինուուր թողնելով ինքը վերադարձաւ Բիւզանդիա։ Մի տարի շանցած յունաց զօրքը բոլորովին հեռացաւ

Հայաստանից և մեր երկիրն ամբողջովին մնաց արաբների ձեռքը, եօթերորդ դարու վերջին (693):

Արաբացիք Հայաստանը կառավարում էին ոստիկանների կամ ամիրաների ձեռքով, որոնք ծանր հարկերով կեղեքում էին երկիրը: Նրանք իշխաններին և մեծամեծներին կամ գերի էին տանում կամ պատանդ էին վերցնում, իսկ ժողովրդին էլ ծանր հարկի տակ էին պահում, որ չկարողանան ապստամբել: Չնայելով այդ ճնշումներին, հայերը մի քանի անգամ ապստամբեցան և կոտորելով ոչնչացրին արար զօրքը:

Այսպէս Սմբատ Բիւրատեան Բագրատունին գերութիւնից փախչելով յոյներից օգնութիւն ստացաւ և Վարդանակերտի մօտ այնպիսի ջարդ տուաւ արաբաց, որ Աբդուլան ոստիկանն հազիւ իր գլուխն ազատեց:

Հայերից վրէժ առնելու եկաւ Մոհմատ զօրավարը և անարգել հասաւ մինչեւ Վանանդ: Այստեղ Սմբատ Բագրատունին և Ներսէս և Կամսարականը մի սարսափելի ջարդ տուին նրան և փախցրին:

Մոհմատ աւելի մեծ զօրք հաւաքելով, կրկին եկաւ հայոց վրայ, բայց նրա դէմ դուրս եկաւ ծերունի Սահակ կաթուղիկոսը, որ նրա բարկութիւնը մեղմէ: Ճանապարհին կաթուղիկոսը մեռաւ, բայց մեռնելուց առաջ մի ժութ զրեց Մոհմատին, խնդրելով չկոտորել իր հօտին *):

Աւանդութիւնը պատմում է, որ երբ Մոհմատը մօտենում է կաթուղիկոսի դադաղին, հանգուցեալի ձեռքը բարձրանում է և թուղթը տալիս է ոստիկանին: Այս թուղթը կարդալով, Մոհմատը ոչ մի վնաս չհասցրեց հայերին:

Մոհմատից յետոյ Հայաստան եկաւ կաշմ ոստիկանը. (740 թ.) որպէսզի նոր ապստամբութեան առաջն առնէ, այս արիւնարբու դադանը հայ իշխաններին հրաւիրեց նա-

*) Կարգաւ «Սահակ կաթուղիկոս» — Հայ չեղինակներ գ. առաջ. եր. 322.

լիջեանի եկեղեցին և բոլորին միասին այրեց, իսկ նրանց երկիրները սրի և աւարի մատնեց:

Այդ ոստիկաններից բարի անուն թողեց Հայաստանում միայն Մրուան: Սա շատ սիրեց Աշոտ Բագրատունուն և երբ Արաբիայում խոռվութիւն ծագեց, Մրուան Հայաստանի ոստիկանութիւնն յանձեց Աշոտին և անուանեց նրան իշխանաց-իշխան: Ինքը գնաց Արաբիա և դարձաւ ամիրապետ:

Մրուանից յետոյ Հայաստան եկաւ Եղիդ, որ ծանր հարկերով կեղեքեց ու ճնշեց երկիրը. հայ իշխանները կամեցան ապստամբել: Նրանց խորհրդին հակառակ էր Աշոտ Բագրատունին, ուստի նա կուրացաւ Մամիկոննեանների ձեռքով:

Աւելի անողոք և ճնշող էր Պէքիր և Հասան ոստիկանների կառավարութիւնը: Հայերը կրկին ապստամբեցան և Մուշեղ Մամիկոննեանի առաջնորդութեամբ ամիրային քշեցին Դուինից: Արաբացիք նոր զօրքով կրկին յարձակուեցան հայերի վրայ, յաղթեցին հայերին և սպանեցին Մուշեղին: Հարուն-ալ-Ռաշիդի օրով Հայաստանը կրկին նուաճուեց Եղիդ ոստիկանի ձեռքով 786 թ.:

Հայերը կրկին ապստամբեցան արաբաց դէմ Բարան Պարսիկ իշխանի դաշնակցութեամբ:

Բագրատ Բագրատունի պատրիկը և Բարան պարսիկը կենդրունացան Սիւնիք: Նրանց վրայ գնաց արար Աֆշին գորապետը, որի հետ միաբանել էր և Սմբատ Բագրատունին: Բարան յաղթուեցաւ: Սմբատի որդին նրան գերի բռնեց և յանձնեց ոստիկանին: Այսուհետև Բագրատունու վրայ եկաւ Արուսէթ ոստիկանը և Տարօնում նրան բռնելով, շղթայակապ ուղարկեց ամիրապետին: Սասունցիք, լսելով իրենց սիրելի իշխանի շղթայուիլը, Յոնան անունով մի լեռնցու հետ ցած իջան Մշու դաշտը, Արուսէթին սպանեցին և զօրքը կոտորեցին (849)*):

*) Այս անցքն է, որ ժողովրդական վէպի նիւթ է դառիւ և յարտանի է «Սասունցի Դաւիթ» անունով: Կարգաւ Հայ չեղինակներից «Սասունցի Դաւիթ»:

Այս ամենքի վրէժն առաւ Բուղան, որ ինչպէս մի գիշակեր գազան երկիրը մատնեց աւերի, սրածութեան, հրդէի և կոտորածի: Նա բազմաթիւ գերի տարաւ Արաբիա, մեծ մասամբ իշխանական տներից, որոնցից շատերը նահատակուեցան, ուրիշներն էլ հաւատուրաց եղան:

Այսուհետեւ հայերը նորից ապստամբեցան ու կոտորեցին և նորից նուաճուեցան ու կոտորուեցին արաբներից, մինչև որ Մեծ Հայաստանին թագաւոր գարձան Բագրատունիք:

ԲԱԳՐԱՏՈՒՆԻՔ, ԱՇԽԱՏ Ա. ԹԱԳԱՄԻՈՐ

Աշոտ Բագրատունին իր բարի և ազնիւ, խելօք ու շինարար բնաւորութեամբ գրաւել էր թէ հայ իշխաններին և թէ արաբ ոստիկանի սիրու: Բուղայ ոստիկանի աւերածութիւններից յետոյ անտէր ու աւերակ Հայաստանը շունչ և հոգի առաւ Աշոտի շնորհիւ, որ իր ահագին հարստութիւնը շխնայեց երկիրը վերաշինելու և թշուառ ժողովրդին օգնելու: Նրա խնդիրքով գերի նախարարներն ազատուեցան բանտից և վերադարձան Հայաստան:

Այդ ժամանակ Զահանպ պարսիկը 80,000 զօրքով մըտաւ Հայաստան. Աշոտը նրա դէմ ուղարկեց իր Արաւելքորը, որ Արաքսի ափին չարաչար կոտորեց պարսիկներին:

Այս յաղթութեան և խելօք ու բարի բնոյթի շնորհիւ Աշոտ ընդհանուրին սիրելի էր եղել այն աստիճան, որ հայ իշխանները խնդրեցին ամիրապետից, որ Աշոտին կարգէ հայոց թագաւոր: Ամիրապետը յարդեց հայոց խընդիրը և թագ ու ծիրանի ուղարկեց Աշոտին: Գէորգ կաթուղիկոսը մեծ համսդիսով օծեց նրան թագաւոր Անի քաղաքում 885 թ.:

Նոյն տարին յունաց Վասիլ թագաւորն էլ, որ Արշակունի էր, թագ և բազմաթիւ ընծաներ ուղարկելով, շնորհաւորեց Աշոտի թագաւոր գառնալը:

Աշոտ նորոգեց Արշակունի թագաւորութեան կարգերն ու պաշտօնները: — Արասի և իր որդի Սմբատի ձեռքով նուաճեց ապստամբ Վանանդն ու Գուգարքը և շրջակայ իշխանների հետ խաղաղութեան դաշն կապեց:

Աշոտ մեռաւ Շիրակում, երբ վերադառնում էր Պօլսից, Լևոն կայսեր այցելութիւնից յետոյ:

Ս Մ Բ Ա. Տ. (892)

Աշոտին յաջորդեց իր որդին, Սմբատ Ա. որ մեծ սուդ կատարեց հօր մահուան վրայ: Հազիւ նա թագաւոր էր զարձել, որ ապստամբեցաւ Արաս սպարապետը, բայց յաղթուելով, անձնատուր եղաւ: Սմբատ նորոգեց իր հօր կապած գաշինքը Լևոն կայսեր հետ: Պաշարեց Դուխն քաղաքը և գերի առաւ նրա մահմեդական իշխանին: Այս ամենը չէր կարող գուր գալ Աֆշին ոստիկանին, որ Ատլը պատականից ահագին զօրքով մտաւ Հայաստան և բանակեց Դուխնի առաջ: Սմբատ թէպէտ անպատճաստ, Դողո դիւղի մօտ գուրս եկաւ ոստիկանի դէմ և յաղթելով քշեց նրան Հայաստանի սահմաններից:

Աֆշին ոստիկանն այնուհետև մտածեց նենկութեամբ մսասել Սմբատին: Նրա զրդմամբ Սմբատի դէմ ապստամբեց Աշոտ Արծրունի իշխանը, բայց բռնուեց և բանտարկուեց Գագիկ իշխանի ձեռքով: Նոյն այդ Գագիկը դաւաճանութեամբ անցաւ թշնամու կողմը և մեծ վնաս հասցրեց Սմբատին, երբ սա պատերազմում էր Միջագետքի Ահմատ ոստիկանի հետ, Տարօնում: — Աֆշին նորէն մի քանի անգամ եկաւ Սմբատի վրայ. բայց չկարողանալով ոչ նրան բռնել ոչ էլ մեծ աջողութիւն ունենալ, պատահանդին առնելով հեռացաւ: Բագրատունիք հարկն ուղարկում էին Բաղդատ, Ատրպատականի ոստիկանների ձեռքով:

Երբ Աֆշինին յաջորդեց նրա եղբայր Իւսուֆը, Սմբատին աջողուեց աղատուել նրա գերիշխանութիւնից և հարկն անմիջապէս ուղարկել Բաղդատ: Սակայն, շուտով

Իւսուֆը կրկին ձեռք բերաւ իր իրաւունքները և Սմբա-
տից *սաստիկ հարկեր պահանջեց:

Նախարարները նեղացած այդ հարկերից, ապստամբե-
ցան, բայց Սմբատ յաղթելով խեղղեց այդ ապստամբու-
թիւնը:

Այդ ժամանակն էր, որ Գագիկ Արծրունին թագ ստա-
նալով Ատրպատականի ոստիկանից, թագաւորեց Վասպու-
րականում, միացաւ ոստիկանի հետ, եկաւ դաւաճանու-
թեամբ տակն ու վրայ արաւ Հայաստան: Սմբատի զօրքը
ջարդուեց և նրա Մուշեղ որդին գերի ընկաւ: Անպաշտ-
ալան մնացած ժողովուրդը մասամբ կոտորուեց, մասամբ
ապստանեց լեռները: Սմբատ մի խումբ քաջերի հետ
ապաւինեց Կապոյտ բերդը: Նրա քաջ զօրականները մի
քանի անգամ յետ մղեցին ոստիկանի բանակը: Բայց
Սմբատ երկար պաշարումից և սովից նեղացած անձնա-
տուր եղաւ այն պայմանով, որ իր հետ բոլոր պաշար-
ւածներին ձեռ չտան (913): Իւսուֆ խոստացաւ. բայց մի
ամբողջ տարի բանտարկելուց յետոյ, սպանել տուաւ
Սմբատին:

Ա. Շ Ո Տ Ե Ր Կ Ա. Թ (915—928)

Սմբատի անձնատուր լինելով գրեթէ ամբողջ Հայաս-
տանն ընկաւ Իւսուֆի ձեռքը: Սմբատի որդին, Աշոտը,
հօր մահուան վրէմն առնելու համար իր սակաւաթիւ զօր-
քերով յարձակուեց Իւսուֆի զօրքերի վրայ և ամեն տեղ
յաղթելով հետզհետէ յետ գրաւեց իր հօր կալուածները:
Նախարարները տեսնելով նրա աջողութիւնները, դուրս
եկան իրենց բերդերից և Աշոտին թագաւոր նստեցրին
(915 թ.):

Իւսուֆը նորանոր զօրքերով ու ասպատակներով սկը-
սեց աւերել Աշոտի երկիրները: Նախարարները փոխա-
գարձ կոփւներով ու դաւաճանութեամբ զբաղուած, չէին
միանում թագաւորի հետ, որ ընդհանուր թշնամուն դուրս
ըցէին երկրից: Երկիրը շարունակ պատերազմների և աւե-

րածութիւնների պատճառով մնաց անմշակ, որին հետևեց
մի սարսափելի սով. այն աստիճան, որ ծնողները մի պա-
տառ հացի համար ծախում էին իրենց զաւակներին:

Յունաց կայսրը վերջապէս յիշեց իր քրիստոնէական
պարտքը և Աշոտին Բիւզանդիա հրաւիրելով, նրան մի
գունդ օգնական զօրք տուաւ:

Իւսուֆը, Աշոտի տան մէջ երկպառակտում քցելու
համար, նրա հօրեղբօր որդուն, Աշոտ անունով, թագ տը-
ւաւ և Հայաստանի թագաւոր կարգեց: Պատերազմն ան-
խուսափելի էր և երկու ազգական Աշոտներն անվերջ կոփւ-
ներով արիւնաքամ եղան, մինչև որ Յովհաննէս կաթու-
ղիկոսի երեք-չորս միջնորդութիւնից յետոյ հաշտութիւն
կայացաւ Դըւինում մեծ հանդէսներով:

Գուգարաց Վասակ, Ուտէացոց Մովսէս և այլ մեծ ու-
փոքր իշխաններ, փորձեր արին ապստամբելու և ինքնա-
գըլուխ թագաւոր լինելու: Շատ ջանաց մանաւանդ թա-
գաւորի եղբայր Աբասը, որ կամենում էր հարազատ եղ-
բօրը սպանել, բայց բոլոր այս փորձերն և ապստամբու-
թիւններն Աշոտը խեղզում էր հէնց ընում, արժանաւոր
պատիժը տալով դաւաճաններին: Այս անվերջ պատերազմ-
ների և անսաելի արութեան համար Աշոտ կոչուեցաւ
Երկաթ:

Աշոտ իր թագաւորութեան վերջին տարիները կրկին
պատերազմի բռնուեց Բէշիր ոստիկանի հետ, որի զօրքը
Աշոտի և Գէորգ Մարզպետունու առաջնորդութեամբ հա-
լածուեց Հայաստանից. Աշոտ մեռաւ 928 թ.:

ԱԲԱ.Ս, ԱԶՈՏ Գ. ՈՂՈՐՄԱԾ, ՍՄԲԱԾ Բ. ԳԱԳԻԿ Ա.

Աշոտ մեռաւ անժառանգ. նրան յաջորդեց իր եղբայր
Աբասը (928—951), որ աշխատեց խաղաղութեամբ կա-
ռավարել երկիրը. հաշտութիւն կապեց Դուփինի և Ատրը-
պավարել երկիրը. հաշտութիւն կապեց Դուփինի և Ատրը-
պավարել ոստիկանների հետ, գերի հայերին ազատեց
արաբների ձեռքից և բաղմաթիւ աւեր զիւղ ու քաղաք-

Ներ նորոգեց: Երկիրն սկսաւ հանգստանալ է արհեստներն ու երկրագործութիւնն աճել ու զարգանալ:

Աբասի աթոռանիստը կարս քաղաքն էր, ուր նա մի հոյակապ եկեղեցի հիմնեց (որ այժմ ոռւսաց ձեռին մայր եկեղեցի է): Աբխազների Բեր թագաւորը ծաղրով իմաց տուաւ Աբասին, որ գալիս է նրա շինած եկեղեցին յոյն ծէսով օծել տալու: Աբաս Գէորգ Մարզպետունու հետ, Կուրի ափին, ջարդեց Բեր թագաւորի զօրքը և գերի վերցրեց նրան: Աբաս իր շինած եկեղեցին ցոյց տալու յետոյ, հրամայեց կուրացնել Բեր թագաւորին:

Աբասին յաջորդեց իր որդին, Աշոտ Գ. (952—977). Նա Շիրակը թշնամիներից մաքրելուց յետոյ թագաւոր օծուեց Անի քաղաքում, որ այնուհետև դարձաւ Բագրատուննեաց մայրաքաղաքը:

Աշոտի եղբայր Մուշեղը փառասիրութիւնից գրդուած իրեն Կարսի թագաւոր հրատարակեց (968): Հեռատես Աշոտը դժո՞հութեան ոչ մի նշան ցոյց չտուաւ այս առթիւ, որով ազգամիջեան կոռուի առաջն առաւ:

Աշոտ մեծ ուշադրութիւն դարձրեց Երկրի ամրութեան վրայ, բերդեր շինեց և զօրքի թիւը հասցը 20,000 հոգու: Այս զօրքով նա գնաց Համտուն զօրապետի վրայ, որ ամիրապետից ապստամբելով, սպառնում էր Հայաստանի հարաւային սահմաններին: Աշոտ յաղթեց նրան և գերի առնելով, գլխատել տուաւ:

Յունաց Զմշկիկ կայսրը արաբաց դէմ գնալիս բանակեց Տարօն և սպառնում էր Հայաստանին: Աշոտ միացեալ հայ զօրքերով դուրս եկաւ նրա դէմ: Կայսրը տեսնելով նրա ահազին զօրքը, օգնութիւն խնդրեց Աշոտից և սուս ու փուս հեռացաւ Հայաստանից:

Այս արտաքին յաղթութիւններից աւելի, Աշոտ յայտնի դարձաւ իր ներքին բարեգործութիւններով: Հիմնեց շատ եկեղեցիներ ու վանքեր, բաց արաւ բազմաթիւ հիւանդանոցներ և անկելանոցներ, որոնց ապահովեց հարուստ հասոյթներով: Նա առանց աղքատների ու անանկ-

ների սեղան չէր նստում, ուստի կոչուեցաւ Աշոտ Ողորմած:

Աշոտ Ողորմածին յաջորդեց իր որդին՝ Սմբատ Բ., որ իր 13 տարուայ թագաւորութեան ընթացքում մի անգամ միայն պատերազմեց իր հօրեղբօր, Մուշեղ թագաւորի հետ: Մնացեալ ժամանակ նա խաղաղութեամբ շարունակում էր հօր շինարար գործը, մանաւանդ զարդարելով ու մեծացնելով Անին:

Սմբատին յաջորդեց իր եղբայր, Գագիկ Ա.: Բագրատուննեաց տունը սրա ժամանակ հասաւ իր փառքի գագաթնակէտին: Խոհեմ ու հմուտ, Գագիկի ջանքն եղաւ հեռու մնալ պատերազմներից և նուիրուել երկրի բարելաւութեանը: Նա իշխեց 30 տարի առանց պատերազմի, մի բան, որ կարելի է ասել չի տեսնուած մեր պատմութեան մէջ և այդ երեսուն տարիների ընթացքում հայ ազգն հանգիստ վայելելով, նուիրուեց շինարարութեան, և արուեստների:


Առևտուրը զարդացաւ, Երկրագործութիւնն աճեց, քաղաքները մեծացան և հարստացան, գիւղերն ու աւանները շինացան: Գագիկ հետևելով իր պապերին, բազմացրեց գլուխներն ու բարեգործական հիմնարկութիւնները:

Նա մեռաւ 1020-ին:

Ա Ն Ի

Մի ժողովրդական առած կայ թէ՝ «Ղիւնյա եխըլսա, Անի ետիար, Անի եխըլսա, ղիւնյա ետիմազ»: այսինքն, աշխարհն աւերուի՝ Անին կըշինի, — Անին աւերուի, աշխարհը չի շինի»: Այնքան մեծ ու նշանաւոր է եղել մի ժամանակ Անին, որ կործանումից 500 տարի յետոյ ժողովուրդը չի մոռացել նրա փառանեղութիւնը, որ հէնց այսօր իր շինութիւնների նրբութեամբ և արուեստի գեղեցկութեամբ զարմանք է պատճառում երուացի ճամբորդներին:

Անին իր փառքի գագաթնակէտին հասաւ Սմբատ



ԱՆԻԻ ՊԱՐԻ ՍՊՆԵՐԸ

Բայ և Գագիկի թագաւորութեան ժամանակ, որոնք օգտուելով երկրի խաղաղութիւնից, ամեն ջանք գործ դրին շէնացնելու և զարգարելու իրենց մայրաքաղաքը։ Մինչեւ այսօր կանգուն են Անիի երկու կարգ գեղեցիկ և ամուր պարիսպները, և ներքին շինութիւններից Մայրաքաղաքը։ Ինչպէս Անիի սեծ մասը, այնպէս էլ այս տաճարի շինութիւնն սկսաւ Սմբատ և վերջացրեց Կատրամիտէ թագուհին, Գագիկի կինը։ Ամենանշանաւոր շէնքերն Անիում Տրդատ ճարտարապետի գործերն են։

Խիստ շատ էին Անիի մէջ եկեղեցիները. այնքան շատ, որ ժողովուրդը նրանց թիւը կարծում էր հազար և մէկ։

Բագրատունիք երբ Անին գնեցին Կամսարականներից, մի փոքրիկ բերդ էր միայն։ Նա մայրաքաղաք դարձաւ Աշոտ ողորմածի օրով 952-ին, իսկ Գագիկի մահուան տարին, 1020 թուին, արդէն պատրաստ էին նրա բոլոր գըլ-խաւոր շէնքերը*):

*) Կարդալ. Հայ հեղինակներ եր, 263. «Դէպի Անի»։



ԱՆԻԻ ՄԱՅՐ ՏԱՅԱՐԸ

Պրօփեսսօր Մառի ջանքերի շնորհիւ այսօր բացուած են Գագիկ թագաւորի արձանը, նրա շինել տուած եկեղեցին, Բագրատունեաց պալատը միջնաբերդում և ուրիշ այլ նշանաւոր հնութիւններ։ Այս պեղումներից երեսում է, որ ճաշակը, նրբութիւնը և հարստութիւնը Անիում հասած էր բարձր աստիճանի։ Անիի նշանաւոր շէնքերի մեծ մասը դեռ հողի տակ է և ապագայ պեղումներից յետոյ միայն պիտի պարզուի այդ հրաշալի քաղաքի անցեալ կեանքի մանրամանները։

ՅՈՎՀԱՆՆԵՍ-ՍՄԲԱՏ ԵՒ ԱՇՈՏ

Գագիկ Արին յաջորդեց նրա աւագ որդին, Յովհաննէս Սմբատ, որ մի թուլասիրտ և դանդաղոտ մարդ էր։ Նրա Աշոտ եղբայրը, ընդհակառակը, բաջ էր և ուազմասէր։ Նա զօրք հաւաքեց, օգնութիւն ստացաւ Կասպուրականի թագաւորից և յարձակուեց իր եղբօր վրայ։ Թագաւորի զօրքը պարտութիւն կրեց։ Պետրոս կաթողիկոսի և նախարարների միջնորդութեամբ երկու եղբայրներն հաշ-

առւեցան։ Պարսից և Վրաց սահմանները յանձնուեցան Աշոտին, իսկ Անին իր շրջակայքով մնաց թագաւորի իշխանութեան տակ այն պայմանով, որ նրա մահից յետոյ թագաւոր պիտի գառնար Աշոտը։ Սրանից էլ անբաւական, Աշոտ մի քանի անգամ թակարդներ լարեց եղբօր դէմ նրանից թագը խլելու համար, բայց անաջող։

Այդ ժամանակն էր, որ սկսուեցին Սելջուկեան թուրքերի յարձակումները Հայաստան, Տուղրիլ Բէզի առաջնորդութեամբ։ Վասպուրականի Սենեքերիմ թագաւորը չարաշար յաղթուելուց յետոյ անկարող էր երկրորդ անգամ դուրս գալ Տուղրիլ-Բէզի դէմ, ուստի իր բոլոր երկիրները յունաց թագաւորին տալով, փոխարէն ստացաւ Սերաստիա քաղաքը և տնով տեղով հաստատուեցաւ այնաեղ (1021)։

Յունաց Վասիլ կայսրը Վրաստանը նուաճելուց յետոյ 1023 թ. մօտենում էր Հայաստանի սահմաններին։ Վախկոտ և թուլաժորթ Յովհաննէս-Մբատը, որ ծածուկ օգնել էր վրաց թագաւորին, վախեցաւ յոյներից և Պետրոս Գետադարձ կաթողիկոսի ձեռքով երգման թուղթ ուղարկեց, որ յանձն է առնում իր մահից յետոյ Անին կայսեր թողնել։

Վասիլին շուտով յաջորդեց Կոստանդին։ Սա լինելով բարի մարդ, մահից առաջ յանձնում է Յովհաննէս-Մբատի նամակը հայ Կիբակոս քահանային տաելով։ «Ճար տուր այս նամակը քո թագաւորին և ասա, որ չեմ ուղում ուրիշի սեփականութիւնը յափշտակեր»։

Դաւաճան քահանան չկատարեց կայսեր կամքը, այլ նամակը մօտը պահելով, թանգ գնով ծախեց նրա յաջորդ Միքայէլ կայսեր (1034-ին)։

Գ Ա Գ Ի Կ Բ.

Շուտով մեռան Յովհաննէս-Մբատ և իր եղբայրն Աշոտ։ Ժառանգ մնաց Աշոտի փոքրահասակ որդին, Գագիկ։ Երկիրը մնաց անտէր և դարձաւ նախարարների ու արտա-

քին թշնամիների կոռուի ասպարէզ։ Շուտով հասան և կայսեր ղեղանները, որոնք պահանջում էին Անին յանձնել յունաց։

Միացեալ նախարարները մերժեցին այս պահանջը։ Յոյները երեք անգամ Հայաստան մտան, առանց իրենց նովատակին համել կարենալու։ Չորրորդ անգամ 100,000 հոգով նրանք պաշարեցին Անին։ Դրութիւնը վտանգաւոր էր, բայց Վահրամ Պահլաւունի սպարապետը 30,000 զօրքով յարձակուեց յոյների վրայ, որոնք 20,000 մեռած ու վիրաւոր թողնելով, սարսափահար յետ փախան։

Անի մայրաքաղաքում այդ ժամանակ միմեանց հետ կոռուի մէջ էին երկու կուսակցութիւնն. մինի գլուխն էր Վեստ-Սարգիս-Միւնի իշխանը, որ տէրութեան խնամակալն էր և շատ բերդեր ու գանձեր գրաւելուց յետոյ, կամենում էր ինքը թագաւոր դառնալ և կամ հայոց թագը յունաց յանձնել։ Միւս կուսակցութեան զիվաւորն էր Վահրամ Պահլաւունի սպարապետը, որ կամենում էր թագը յանձնել Աշոտի որդուն, իսկական թագաժառանգին։ Այս յաղթութիւնից յետոյ Վահրամ իշխանը բերել տուաւ Գագիկին Անի և Պետրոս Գետադարձ կաթուղիկոսը օծեց նրան թագաւոր (1042)։

Վեստ Սարգիս ամրացաւ Անիի Միջնաբերդում։ Երիտասարդ թագաւորն առանց թիկնապահի, մենակ, գնաց նրա մօտ և համոզեց հեռանալու։ Ապա տեսնելով նրա չարագործութիւնները, բռնեց նրան և բանտարկեց Անիում։ Սակայն Վեստ Սարգիս քաղցր ու կեղծաւոր լեզով գրաւեց երիտասարդ թագաւորի սիրաը և նրա իսկական բարեկամներին հեռացրեց ու թշնամացրեց թագաւորին, միւս կողմից էլ յոյներին դրգեց, որ շորունակեն իրենց պահանջները։

Սակայն Գագիկը երկու անգամ չարաշար կոտորելով Մոնոմախոս կայսեր զօրքը, յետ դարձրեց ձեռնունայն։

Կայսը դիմեց խորամանկութեան։ Նա Գագիկին հրաւիրեց Կ.-Պոլիս մշտական դաշն կապելու համար, գեսպահների ներկայութեամբ խաչի ու աւետարանի վրայ երդ-

ւեց, վնաս չտալ նրան։ Գագիկ չէր վստահանում, բայց Վեստ Սարգսի կուսակիցներն ու Պետրոս կաթուղիկոսը համոզեցին Գագիկին երթալու և նրան ապահովելու համար երդման թուղթ գրեցին։ Գագիկ չլսեց Պահլաւունիներին և գնաց Պօլիս։ Կայսրը նրան մեծ պատուով ընդունեց, բայց երբ Գագիկ յանձն չառաւ Անին նրան տառւ, Գագիկին աքսորեց Ոսկորի կղզիներից մինը։

Պետրոս Գետագալրձ կաթուղիկոսը, որին Գագիկ յանձնել էր Անիի բանալիները, բանակցութեան մէջ մտաւ կայսեր հետ և մեծ վարձատրութիւն ստանալով, Անիի քառասուն բաղանիներն ուղարկեց կայսեր։

Գագիկ յուսահատուած թուղթ ստորագրեց, որ հրաժարւում է իր թագաւորութիւնից և փոխարէն ստացաւ կապագովկիոյ Բիկու քաղաքը (1045թ.)։

Յոյն զօրքերն եկան Անին տիրելու, բայց գոները փակ գտան։ Հայ զօրքը քաղաքացիների հետ միացած յարձակուեց յունաց վրայ, ջարդեց և հալածեց նրանց։ Սակայն շուտով բօթը հասաւ, որ Գագիկ հրաժարուել է թագաւորութիւնից։ Անին սուդ մտաւ և յոյները յետ կանչուեցան քաղաքին տիրելու։

Հայ իշխաններն իրենց անմիաբանութեան պտուղը չարաշար վայելեցին։ Յոյները նախ աշխատեցան ցրուել հայ զօրքը և տիրել նշանաւոր բերդերին։ Այնուհետև նըրանը ծանր հարկերով սկսան քամել ժողովրդի արիւնը։ Որպէս զի ապստամբելու առաջն առնեն, նըրանը մի կողմից հալածում ու կոտորում էին հայ իշխաններին, միւտ կողմից թունաւորում կամ բանտարկում։ Պետրոս Գետագալրձ կաթուղիկոսին էլ բոնեցին և Պօլիս ուղարկեցին։

Միւս կողմից Տուղրիլ Բէգը, տեսնելով Հայաստանի անտէր մնալը, զօրքով մտաւ Հայաստան, առաւ Սմբատաբերդը, և բնակիչներին սրի քաշեց։ Տիրեց Արծն քաղաքին, որ 150,000 բնակիչ ունէր և կոտորեց ու թալանեց բոլորին։ Տիրեց այսուհետև Արծէկ քաղաքին և սրի անցկացրեց բնակիչներին։ Տուղրիլ գաղանութիւններից ազատ մնաց Մանազկերտը, որ պաշտպանուեց մի քահանայի և մի

ֆրանկ քիմիկոսի հնարքով, որոնք թուլացնում և այրում էին թշնամու բաբանները (պաշարման գործիքներ)։

Տուղրիլի գաղանութիւնները շարունակեց նրա եղայլ Ալփասլան, որ Անին առաւ շնորհիւ հայ իշխանների թուլասրտութեան և կործանեց (1064)։

Ալփասլան գեսպան ուղարկեց Կարս, Գագիկ թագաւորին, որ գայ և հպատակի։ Գագիկը սուզի շորերով և ողբալով ընդունեց գեսպաններին, ասելով, որ սգում է իր բարեկամ Տուղրիլի մահը։ Այս բանը շարժեց Ալփասլանի գութը և նա անմխաս թողեց Գագիկին։ Սակայն, Գագիկին էլ, միւս հայ իշխանների նման իր երկիրն յունաց տալով, փոխարէնն ստացաւ Փոքր-Հայոց Ծմնդաւ բերդը։

Ծուտով Ալփասլան տիրեց ամբողջ Հայաստանին և սկսաւ սպառնալ Յունաստանի սահմաններին։

Այսպիսով յոյները նշ միայն չկարողացան Հայաստանն իրենց ձեռում պահել, այլ հայերի փոխանակ, իրենց դէմուտեղծեցին մի կատաղի և վտանգաւոր թշնամի։

Հ Ի Ն Գ Ե Բ Ո Ր Դ Շ Ր Ջ Ա Ն

Ո Ռ Ի Բ Ի Ն Ե Ա Ն Ի Շ Խ Ա Ն Ո Ւ Թ Ի Ի Ն

Բագրատունեաց թագաւորութեան վերջին շրջանում, ԺԱ. գարու վերջերը, Հայաստանում հայ ժողովրդի, ինչպէս և իշխանների կացութիւնն անտանելի էր։ Սրաբների, յոյների սելճուկ թուրքերի յարձակումները միաժամանակ, հայ մանր թագաւորների և նախարարների անմիաբանութիւնը, փոխադարձ նախանձն ու կոիւներն այն աստիճանի հասան, որ այլևս անկարելի էր բնիկ Հայաստանում մնալը։ Ուստի՝ ինչպէս տեսանք, շատերը հայ իշխաններից և թագաւորներից թողնելով իրենց բնիկ եր-

տեսակ օգնութիւն ցոյց տուաւ խաչակիրներին պաշարով
ու զօրքով: Խաչակիրներն էլ գնահատելով կոստանդնի
ծառայութիւնը, մարկիզի տիտղոսը տուին նրան:

Թ Ո Ր Ո Ս Ա.

Կոստանդին (1100) մեռնելով, իշխանութիւնը թողեց
իր Թորոս որդուն: Սա պատերազմի բոնուեցաւ յունաց
կայսեր հետ և Անարզաբայ քաղաքն իր գաւառով խլեց
յոյներից: Մելձուկեան թուրքմէններն երկու անգամ ահա-
գին բազմութեամբ յարձակուեցան և թալանեցին Թորոսի
տիրած երկիրները: Գող-Վասիլ կոչուած իշխանը, Թորոսի
եղբայր Լեռնի հետ երկու անգամին էլ գուրս քշեց աս-
պատակներին իր երկրի սահմաններից:

Թորոսն այսուհետև սկսաւ իր սահմաններն ընդարձա-
կել գնալով գէպի հիւսիս, մինչև Կապաղովկիա: Այսեղ
Կիզիստրիա բերդում գեռ իշխում էին յոյն Մանդալեան
եղբայրները, որ սպանել էին Բագրատունի վերջին թա-
գաւոր Գագիկին: Մանդալեան եղբայրներն ընծաներով
գուրս եկան Թորոսին ընդառաջ, բայց Թորոսը յետ դարձ-
րեց նրանց ընծաները և պաշարելով, տիրեց բերդին:

Երբ բերդի գանձարանից գուրս եկան Գագիկ թագա-
ւորի սուրն ու հագուստը, հայերն ամենքը լաց եղան:
Թորոսը Մանդալեան եղբայրներից մինին սպանել տուաւ,
իսկ միւսին գերի տարաւ, լուծելով սպանուած թագաւո-
րի վրէժը:

Թորոսը մեռաւ անգաւակ, ուստի նրան յաջորդեց իր
եղբայր Լեւոն Ա. 1123-ին: Սա շարունակեց իր նախորդ-
ների նուաճումները. յոյներից խլեց Մամեստիան և տիրեց
Տարսոն մայրաքաղաքին, որով գրեթէ տէր գարձաւ ամ-
բողջ Կիլիկիային: Լեռն դաշն կապելով թուրքերի հետ,
ոնաց Անտիոքի վրայ: Մի բանի տարի յետոյ. Անտիոքի
իշխանը, Բոհեմոնտ, խորամանկութեամբ Լեռնին գերի
բռնեց: Գերութիւնից պատուելու համար Լեռն Բոհեմոն-

Կիրները յոյներին, տեղափոխւում էին գէպի արևմուտք,
Փոքը Ասիայի խորերը, որոնելով բնակութեան աւելի ա-
պահով տեղեր: Այդ երկիրների մէջ ամենից նպաստա-
ւորն իր գիրքով Կիլիկիան էր, Միջերկրականի ափին տա-
րածուող լեռնաշղթան: Կիլիկիան բաժանւում է երկու
մասի. ծովափնեայ կամ դաշտային, որ վերին աստիճանի
տաք ծովային կլիմա ունի և պաղաքեր մի երկիր է, և
քարային կամ լեռնային, որ բարձր ու ապահով դիրք ու-
նի և իշխում է դաշտային Կիլիկիայի վրայ, թէպէտ ցուրտ
է և անբերի: Այդ լեռնային Կիլիկիայում դարերից ի վեր
ապաստանել էին հայ գաղթականներ, որոնց թիւը հետզ-
հետէ աճելով, 10—11 դարերում գրեթէ յոյներին և ասո-
քիներին հաւասար վանքեր ունէին:—

Ի նկատի ունենալով այդ երկրի վերին աստիճանի
ապահով գիրքը, հայ իշխաններից ոմանք քննութիւն էին
հաստատել և հետզհետէ ընդարձակում էին իրենց երկիր-
ներն ի հաշիւ յունաց: Այդտեղ հաստատուեց Գագիկ Բ.ի
ազգական Ռուբէն իշխանը, 1080-ին, բարձր բերդի մօ-
տերը, Գոռոմողով գիւղի մէջ: Շնորհիւ իր խելքի և քա-
ջութեամն՝ նրա մօտ խմբուեցան բաւականաշափ հայեր,
որոնց օգնութեամբ նա տիրեց շրջակայքին և մաքրեց
յոյներից: Ռուբէնի ջանքն եղաւ այնուհետև մի կողմից
հայ ժողովրդով բնակեցնել իր լեռնոտ երկիրը, միւս կող-
մից իր գիրքը ամրացնել շրջակայ հայ իշխանների աջակ-
ցութեամբ և բարեկամութեամբ: Կոստանդնինը. (1095)
Ռուբէնի որդին և յաջորդը հօր երկիրներն ընդարձակեց
նոր պատերազմներով և իր աթոռն հաստատեց Վահկայ
բերդում:

Սրա ժամանակ էր, որ արևմտեան քրիստոնեայ ազ-
գերը (Կրոպացիք) մեծ բազմութեամբ յարձակուեցան
Եղիպատոսի մահմեղական իշխանների վրայ, նրանց ձեռից
Երուսաղէմի ազատելու նպատակով: Այդ պատերազմներն
յայտնի են խաչակրաց արշաւանք անունով: Կոստանդնինը
ուղղակի յարաբերութեան մէջ մտաւ նրանց հետ և ամեն

տին տուաւ Աստանա և Մամեստիա քաղաքները, 60,000 դահեկան փրկանք և մի որդին իբրև պատանդ:

Սակայն, պատերազմով յետ խլեց թէ տուած քաղաքները և թէ պատանդը:

Լևոնը շուտով պատերազմի բոնուեց Յովհաննէս Կոմնենոս կայսեր հետ, կամենալով պաշտպանել արդէն դաշնակից Անտիոքին, կայսրն Անտիոքը թողնելով մտաւ Կիլիկիա, հետզհետէ նուաճեց ամբողջ Կիլիկիան և պաշարեց Վահնկան, Լևոնի աթոռանիստը: Կայսրը նրան երկու որդոցը հետ՝ Ռուբէնի և Թորոսի, շղթայակապ ուղարկեց Կ. Պօլիս: Յոյները նախ կուրացրին Ռուբէնին, ապա սպանեցին: Որդու այս տանջանքների վրայ սրտի ցաւից մեռաւ Լևոնը բանդի մէջ շղթայակապ:

ԹՈՐՈՍԻ և Կիլիկիայի կրկին նուաճումը:

Լևոնի գերի գնալուց յետոյ Կիլիկիան ընկաւ յունաց ձեռքը, որոնք չարաչար կողոպտեցին թէ ժողովրդին և թէ նրա վանքերն ու սրբութիւնները: Միւս կողմից թուրքերն ու լատին իշխաններն սկսան տիրել Թորոսի երկրներին: Կոմնենոս կայսրը կրկին արշաւեց Կիլիկիա, ուր նա սպանուեց պատերազմելիս: Կայսեր հետ Կիլիկիա էր եկել և Թորոսը, Լևոնի որդին, որ հօր մահից յետոյ ծառայում էր կայսերական բանակում: Օգտուելով կայսեր մահից, նա հեռացաւ բանակից և մի հայ քահանայի օգնութեամբ իր չորս կողմն սկսեց հաւաքել հայերին, որոնք սաստիկ զգուել էին յոյներից: Շուտով Կիլիկիա եկան Թորոսի եղբայրները, Ստեփան ու Մլէն և Թորոսի զօրքի թիւն հասաւ 10,000 հոգու (1145): Թորոս ամենից առաջ տիրեց հայրենի Վահնկա բերդին, ապա միւս լեռնային ամրութիւններին: Այնուհետև իջաւ դաշտ և սկսաւ հետզհետէ գրաւել Ատանա, Անարգաբա, Մամեստիա և այլ նշանաւոր քաղաքներ ու ամրոցներ:

Կիւմանուէլ կայսրը իր ազգական Անդրոնիկոսին ուղարկեց Թորոսի դէմ: Սա մի քանի հայ իշխանների հետ

միասին պաշարեց Մամեստիան, ուր ամրացած էր Թորոսը: Թորոսը հաշտութիւն խնդրեց, խոստանալով ճանաչել կայսեր գերիշխանութիւնը, սակայն Անդրոնիկոս պահանջում էր անձնատուր լինել, որպէսզի Թորոսին կապէն իր հօր շղթաներով: Մի մութ և անձրեային գիշեր Թորոսը պատռելով պարիսպը, անցաւ թնամու յետել, սարսափելի ջարդ տուաւ և փախցրեց թշնամուն: Հասարակ գերիներին նա ազատ արձակեց, իսկ անուանի յոյներից մեծ փրկանք առաւ և բաժանեց իր զինուորներին: Գերիների մէջ էր և Լամբրոն բերդի տէր հայ իշխան Օշինը, որ փրկանքի կէսը տուաւ, մէկ էլ իր Հեթում որդուն իբրև պատանդ:

Լամբրոնի իշխանները թէպէտ սկզբում օգնեցին Թուրքինեաններին, բայց վերջերը շարունակ հակառակ էին նրանց:

Թորոսը մեծացնելով Հեթումին իր պալատում, շատ աիրեց նրան և իր աղջիկը տուաւ նրան կնութեան, ապա երկուսին էլ ուղարկեց Լամբրոն: Օշինի մնացած պարտքն էլ նա հաշուեց իբրև օժիտ իր աղջկանը. այլևս չպահանջեց կամենալով նրան բարեկամացնել իր տան հետ:

Իսկոնիայի սուլթան Մազուրաը երկու անգամ յարձակուեց Թորոսի վրայ, Մանուէլ կայսեր դրդմամբ. բայց երկու անգամին էլ յետ դարձաւ ձեռնունայն: Վերջին անգամը նրա զօրքերը սարսափելի ջարդ կրեցին ժանախտից և Թորոսի եղբայր Ստեփանէից Թիլամրոցի մօտ: Թորոսի զօրքերն այդ բանն անպատիժ չթողնելու համար մտել և սապատակել էին Սուլթանի երկրները (1154):

Մանուէլ կայսրն էլի չհանգստացաւ խարդաւանքից. Նախ Թորոսի դէմ լարեց Անտիոքի խնամակալ Շատիլիօնին, ապա ուղարկեց իր սեփական զօրքերը, որոնք չարաչար յաղթուեցան Տարսոնի մօտ, գերի տարով իրենց զօրակարին:

Այս անաջողութիւններից յետոյ կայսրը խորամանկութեան դիմեց. լուր տարածելով թէ թուրքերի դէմ պատերազմի է զնում, իջաւ Կիլիկիա և եկաւ Տարսոնի վրայ:

Մի լատին ուխտաւոր իմաց տուաւ Թորոսին յունաց դաւաճան վարմունքը և անպատրաստ Թորոսն ապաստանեց հայրենի լեռները: Կայսրը գրաւեց երկրի նշանաւոր քաղաքները, Այդ ժամանակ նրան այցի եկաւ Երուսաղէմի Բալտուին Գ. թագաւորը: Սա հաշտեցրեց Թորոսին և կայսեր: Անարզարա և Մամեստիա քաղաքները մնացին կայսեր, իսկ Թորոսը հաստատուելով իր իշխանութեան մէջ, ստացաւ Պան-սեպաստոս աիտղոսը:

Թորոսը շարունակ օգնում էր երոպացի խաչակիրներին ընդդէմ մահմետական սուլթանների: Նրա եղբայր Ստեփանէն Իկոնիայի և Սեբաստիայի սուլթաններից հոգեր գրաւելով Սև լեռան կողմը մի փոքրիկ իշխանութիւն հաստատեց: Կայսեր յոյն տեղակալը, որ նստում էր Մամեստիա, նախանձելով, ճաշի հրաւիրեց Ստեփանէին և եռացրած կաթսայի մէջ քցելով՝ կենդանի խաշեց նրան:

Այս գագանաբարոյ վարմունքը զայրացրեց Թորոսին ու Մլէին, որոնք վրէժ լուծելու համար 10,000 յոյն կոտորեցին: Անդրոնիկոսը կայսեր հրամանով դարձեալ Կիլիկիա եկաւ, բայց Թորոսը նրան ջարդելով փախցրեց: Նրա յաջորդ Կոստանդին կատամանոս գերի ընկաւ Թորոսին ձեռքը խայտառակ պարտութիւնից յետոյ: Այս պատերազմների շնորհիւ Կիլիկիան ընդմիշտ դուրս եկաւ կայսեր ձեռից և գարձաւ մի անկախ հայկական իշխանութիւն:

Թորոսի որդին, Ռուբէնը, գեռ անչափահաս էր. ուստի Թորոսը մահից առաջ (1168) իր աներոջ Թոմասին նշանակեց իր իշխանութեան Պայլ ինամակալ:

Մ Լ Է Հ (1170—1175)

Հօր գերութեան պատճառով Մլէի մեծացաւ անխամ և անկիրթ. նախ նա բաջութեամբ օգնեց իր եղբօր բարձրանալուն. ապա մտնելով տաճարական ասպետների կարգն, ընդունեց կաթոլիկութիւն, այնուհետև դառնալով մահմետական՝ անցաւ թափառական թիւրքմէնների գլուխը և կամենում էր սպանել հարազար:

Երեց և Մլէի այնուհետև ապրում էր Նուրէդղին սուլթանի մօտ:

Թորոսի մահից յետոյ Նուրէդղինի օգնութեամբ Մլէի տիրեց Կիլիկիային և իր գագանաբարոյ վարմունքով ան ու սարսափ տարածեց ամեն կողմ: Կողոպտեց իր հակառակորդներին և հոգեորականներին:

Թոմաս պայլը Ռուբէնին փախցրեց Անտիոք, այնտեղից էլ ուղարկեց Ներսէս Շնորհալու մօտ, Հռոմկլայ, ուր և մեռաւ Ռուբէնը: Մլէի Կիլիկիայից դուրս քշեց բոլոր տաճարականներին և նրանց կայքը գրաւեց. Երուսաղէմի թագաւորների գեսպաններին կողոպտեց, որոնք գնում էին կայսեր մօտ: Որքան թշնամի, հակառակորդ և հալածող էր քրիստոնեայ խաչակիրներին, այնքան Մլէի բարեկամ էր մահմետականներին, մասնաւորապէս Նուրէդղին սուլթանին: Հայ իշխանները զզուած ու ձանձրացած նրա վարմունքից, սպանեցին նրան Միս բաղաքում 1175-ին:

Իշխանների ցանկութեամբ Մլէին յաջորդեց Ստեփանէի որդին, Ռուբէն Բ.: Սա իր հեզ ու խելօք բնաւորութեամբ մոռանալ տուաւ Մլէի չարագործութիւնները և գրաւեց ժողովրդի սէրն ու յարգանքը:

Սրա ժամանակ Լամբրոնի իշխան Հեթումը կրկին գլուխ բարձրացրեց, որ Թորոսի մահից յետոյ ատելութիւնից հեռացրել էր իր կնոջը: Ռուբէնը պաշարեց Լամբրոնը: Հեթում դիմեց Անտիոքի իշխան Բոհեմոնդի օգնութեան: Սա խաբէութեամբ հրաւիրեց Ռուբէնին Անտիոք, բանտարկեց նրան և ուզում էր Կիլիկիային տիրել: Սակայն Լեռն, Ռուբէնի եղբայրը, դուրս եկաւ նրա դէմ, Բոհեմոնդի առաջն առաւ, Հեթումին ստիպեց հաշտութիւն խնդրել և աղատել տուաւ եղբօրը գերութիւնից: Քիչ ժամանակից Ռուբէն վանք քաշուելով կառավարութիւնն յանձնեց իր եղբօրը, Լեռնին:

Լեհոն Բ. ԹԱԳԱՆԻՈՐ 1185—1219

Հազիւ կառավարութիւնն իր ձեռն էր առել Լեռն, որ ստիպուած եղաւ իկոնիայի Ռուստէմ սուլթանի դէմ դուրս գալու: Լեռն պատերազմից յաղթող դուրս եկաւ, իսկ Ռուստէմը մեռաւ: Լեռնի վրայ եկան Հալէպի և Դամասկոսի սուլթանները միաբան, որոնց նոյնպէս ջարդեց և յետ դարձրեց Լեռնը ձեռնունայն (1178):

Այս յաղթութիւններից յետոյ Լեռն ամրացնելով երկրի սահմանները, նույրուեց երկրի տնտեսական և բարոյական բարգաւաճումին. հիմնեց քաղմաթիւ վանքեր, ուր այն ժամանակ տրուում էր ուսում ու կրթութիւն. հաստատեց որբանոցներ ու հիւանդանոցներ: Ամեն կերպ նպաստեց առևտորին, երկրագործութեան

և արուեստների զարգացմանը, որով թէ իր ժողովրդի զրութիւնը բարւոքեց և թէ օտարների առաջ պատկառելի դարձաւ: Լեռնի երկիրներն ընդարձակ էին, հարուստ և ամեն կողմից ապահոված. մի թագաւորական թագ էր պակաս նրան, այդ էլ նա շուտով ստացաւ:

Այդ ժամանակ Եգիպտոսի սուլթան Սալահեդդին Երաստաղէմը խել էր խաչակիրների ձեռքից: Գերմանացի կայսր Ֆրիդրիխոս բարբարոսան (շիկամօրուս) նոր արշա-



ւանք կազմակերպեց և եկաւ հասաւ Խսաւրիա: Լսելով Լեռնի համբաւը, կայսրը նրանից օգնութիւն խնդրեց, փոխարէնը խոստանալով թագ: Լեռն իր նախորդների պէս մեծ պաշար ուղարկեց կայսեր զօրքերի համար. խոստացաւ ամեն կերպ օգնել նրան և Գրիգոր կաթողիկոսի ու Ներսէս Լամբրոնացու հետ ընդառաջ գնաց կայսեր դիմաւորելու: Սակայն, կայսրը լողանալիս խեղդուեց Կալիկատնու գետում և Լեռնի փափազը մնաց առժամանակ անկատար: Կայսեր յաջորդը, պապի հետ միասին, մի քանի տարի յետոյ թագ և տոխւծանշան դրօշ ուղարկեցին Լեռնին: Տարսոնում, 1198 թ. Լեռն ձեռնադրուեց թագաւոր Գրիգոր Զ. կաթողիկոսի ձեռքով: Ամեն կողմից մեծամեծ ընծաներով ջնորհաւորեցին Լեռնի թագաւոր օծիլը. նոյն իոկ յունաց կայսրը թագ ուղարկեց Լեռնին, որով ճանաչեց նրա իշխանութիւնը Կիլիկիայի վրայ:

Լեռն մայրաքաղաքը տեղափոխեց Սիս¹) աւելի ապահովութեան համար: Այնուհետև աշխատեց երոպական կարգ ու կանոն մտցնել ինչպէս պալատում, այնպէս և երկրի մէջ: Հիմնեց զպրոցներ, դատարաններ. առևտուրը զարգացնելու համար Վենետիկոց ու Ջենովացոց տուաւ հրովարտակներ, որ մինչև այժմ պահուած են: Լեռն մօտիկ յարաբերութիւն և բարեկամութիւն հաստատելով Եւրոպացոց հետ, իր երկիրն ապահովեց յոյներից: Սակայն, Եւրոպացիք էլ աշխատում էին կաթոլիկութիւն տարածել և երկպառակել հայ ազգը: Ոմանք հայերից յարեցան կաթոլիկութեան, բայց արևելեան հայերը կատաղի կոիւ սկսեցին դրա դէմ և հայ եկեղեցին ազատեցին կաթոլիկութեան գիրկն ընկելուց:

ԺՈՂՈՎ ՅԱԳԱՅԻ ՀԱՅ

¹⁾ Կարդալ. Հայ հեղինակներ «Զբորհները Լեռնի օրով»:

Անտիռքի ժառանգութեան համար Լեռն 12 տարի պատերազմ ունեցաւ, որից դուրս եկաւ յաղթութեամբ։ Անտիռքի ժառանգն էր Լեռնի եղբօր թոռը, Ալիզա աղջկանից, Ռուբէնը։ Սակայն նրան հակառակորդ դուրս եկաւ և դաւաճանութեամբ իշխանութիւնը խլեց իր հօրեղբայրը, Բոհեմոնտ։ Լեռն Անտիռքին տիրելով կրկին իշխան կարգեց իր ազգականին։ Կրկին նրա հօրեղբայրը հալածեց Ռուբէնին Անտիռքից և իկոնիայի սուլթանին Լեռնի վրայ ուղարկեց։ Լեռն սրան էլ ջարգեց և գործը խաղաղութեամբ վերջացնելու համար Հոռմի պապին յանձնեց։ Պապի կողմից գործը քննելու եկան երկու կարգինալներ, որոնցից մինը կաշառուած հակառակորդից, Լեռնի դէմ նզովք ու բանադրանք հրատարակեց։ Զալացած Լեռնն առանց սպասելու դատի վախճանին, նորից յարձակմամբ տիրեց Անտիռքին։ Նա մեծ հանդիսով Ռուբէնին հաստատեց իր տեղում և այսպիսով վերջ տուաւ 12 տարուայ արիւնահեղութուան։

Լեռնի երկրորդ կինը Կիպրոսի իշխան Լուսինեաններից էր։ Երբ Լեռն այցելութեան գնաց իր ազգականներին և միամիտ յետ էր դառնում, թշնամիներն յարձակուեցան նրա վրայ։ Լեռն ազատուեց նրանց ձեռքից, ապա նոր պատրաստութեամբ յարձակուելով՝ նրանց նաւերը ոչնչացրեց՝ իսկ զօրքը կոտորել տուաւ ու ցըռուեց։ Լամբրոնի տէր Հեթումն էլ օգտուելով Լեռնի բացակայութիւնից ապստամբել էր։ Լեռն նրան էլ բռնել տուաւ և բանտարկեց։

Շատ ժամանակ չանցած Հալէպի սուլթանը Լեռնից պահանջեց հարկ և հպատակութիւն, սա առանց ժամանակի կորցնելու յարձակուեց նրա վրայ, ջարգեց սուլթանի զօրքը և ստիպեց նրան իր պահանջած հարկից աւելի տուգանք վճարել։

Լեռնը թագաւորեց 33 տարի Ռուբինեան փոքրիկ իշխանութիւնը դարձնելով թագաւորութիւն և հասցնելով իր փառքի գագաթնակէտին, մեռաւ 1219-ին։ Մարմինը թաղուեց Սիս մայրաքաղաքում։

ԶԱՊԷԼ ԵՒ ՓԻԼԻՊՊՈՍ. ՀԵԹՈՒՄ Ա. ԼԵՒՈՆ Դ.

Լեռն արու զաւակ չունենալով ժառանգ էր նշանակել իր Զարէլ աղջկանը Ադամ պայլի և Կոստանդին պարոնի խնամակալութեամբ։ Ռուբէն-Ռայմոնդը, Լեռնի ազգականը, կամենալով թագը խլել Զապէլից, խաչակիրների օգնութեամբ տիրեց Տարսոնին և թագաժառանգ հրատարակեց իրեն։ Կոստանդին պարոնը թագաւորական զօրքով յաղթեց նրան և գերի առնելով բանտարկեց։ Հայ իշխանների խորհրդով նա Զապէլին ամուսնացրեց Անտիռքի իշխան Բոհեմոնտ Միականի որդու Փիլիպոսի հետ այն պայմանով, որ հայ եկեղեցու կարգերն ընդունէ և պահպանէ (1222)։ Փիլիպոսը հաւատարիմ չմնաց իր խոստան և հայերին արհամարհելով միտքը դրեց զանձերն Անտիռք ուղարկելուց յետոյ ինքն էլ փախչել կնոջ հետ։ Կոստանդին վրայ հասաւ, բռնեց նրան ճամբին և բանտարկեց, ուր և նա մեռաւ։

Այնունեաւ Կոստանդինը կաթուղիկոսի և հայ մեծամեծների համաձայնութեամբ Զապէլին ամուսնացրեց իր որդու Հեթումի հետ, որի օծումը տեղի ունեցաւ 1227-ին։ Այսպիսով Կիլիկիայի Ռուբինեան տոհմը խնամիացաւ Պապեոնի Հեթումեանների հետ և իշխանութիւնն անցաւ այս վերջինին։

Տէրութիւնը կառավարում էր Հեթումի խելօք ու փորձառու հայրը. զօրքի գլուխն կանգնած էր Հեթումի եղբայր Սմբատը։

Հեթումի ժամանակ արդէն սկսուել էին թաթարական տրշաւանքները, որոնք եկան հասան իկոնիա և յարձակելով Սուլթան Ղայասէդղինի վրայ, յաղթեցին նրան։ Ղայասէդղինն ապահովութեան համար իր ընտանիքն ուղարկել էր Հեթումի մօտ։

Հեթումը տեմսելով թաթարների աջողութիւնը, Բաշու զօրագարի հետ գաշն կապեց մահմեղականների դէմ։

Դաշնագրութիւնը կայացաւ այն պայմանով, որ Հեթումը պիտի Բաշուին յանձնէր Ղայասէդղինի ընտանիքը:

Ղայասէդղին վրէժ լուծելու համար Ղամբընի կոստանդին իշխանի հետ յարձակուեց Հեթումի վրայ: Հեթում յաղթեց թշնամիներին, սուլթանն սպանուեց, իսկ Ղամբընի իշխանն ստիպուեց խոնարհուել թագաւորի առաջ:

Թաթարաց հետ կապած դաշը հասաստուն սնելու համար Հեթում Թաթարստան ուղարկեց նախ իր եղբօրը, ապա գնաց ինքն անձամբ, Մանգոյ խանին տեսութեան (1253): Խանը նրան մեծ պատուվ ընդունեց և մշտական դաշն կապեց: Հեթումի ճամբորդութիւնը երեք ու կէս տարի տեսեց: Հեթումի հետ եկաւ Մանգոյ խանի եղբայր Հուլաղուն, որ գնաց ասորոց կողմերը, իսկ Հեթումի յարձակուեց Սուլթան Ազէդղինի վրայ, որը տիրել էր Հեթումի մի քանի քաղաքներին, յաղթեց նրան և Խոստրիան գրաւեց ամբողջովին:

Եյնունեաւ Հեթում 40,000 հետևակ և 12,000 հեծեալ զօրքով Հուլաղուին օգնութեան գնաց Հալէպի սուլթանի դէմ: Թաղաքն առնելով, սուլթանին գերեցին և երկիրները բաժանեցին:

Եյդ ժամանակ Հուլաղուն Մանգոյ խանի մահուան բօժն առնելով շտապեց Պարսկաստան: Ֆնտխատար Եգիպտոսի սուլթանն այս դէպքից օգտուելով թաթարներին յաղթեց և Հեթումից հարկ պահանջեց: Հեթում շտապեց թաթարստան օգնութիւն խնդրելու, իսկ զօրքը յանձնեց իր Թորոս և Լևոն որդիներին:

Թորոս մեռաւ պատերազմում, իսկ Լևոն գերի ընկաւ: Եգիպտացի մամելուքները քար քարի վրայ չթողին Կիլիկիայում, մինչև անգամ թագաւորների ոսկորները հանեցին և այրեցին: Հեթումը վերադարձին միայն սուլդ ու աւերած գտաւ, մեծ վիշտ պատճառեց նրան մանաւանդ մի որդու մահը և միւսի գերութիւնը:

Որդուն գերութիւնից ազատեց տալով Հալէպը¹⁾. առ-

¹⁾ Կարդալ. Հայ Հեղինակներ «Ի Լևոն որդի Հեթույ», եր. 289.

պա ծերացած ու ձանձրացած աշխարհից, նա կառավարութիւնը յանձնեց Լևոնին և քաշուեցաւ վանք: Հեթում մեռաւ 44 տարի թագաւորելուց յետոյ 1270-ին:

Լ Ե Ւ Ո Ն Գ. (1270—1289)

Հօր մահն այնքան ծանր ազդեց Լևոնի վրայ, որ նա Երեք ամիս հիւանդ պառկեց: Կազզուրուելով, թագաւոր օծուեց Տարսոնում և այդ առթիւ ներում չնորհեց քաղաքական յանցաւորներին, իսկ աղքատներին առատ ողորմութիւն տուաւ:

Հայ իշխանները դաւ լարեցին Լևոնի կեանքի դէմ, բայց դաւը բացուեց և Լևոն նրանց կալուածներն արքունիս գրաւեց:

Փնտխատար նորից Լևոնի վրայ եկաւ բազմաթիւ զօրքով: Լևոն չկարողացաւ դիմագրել, որովհետև իշխանները չմիաբանեցան նրա հետ և նա քաշուեցաւ իր երկրի ամուր տեղերը: Տարսոնն անձնատուր եղաւ և աւարի ու կոտորածի մատնուեց: Սիսը քաջութեամբ յետ մղեց թըշնամու բանակը:—

Թշնամու հեռանալուց յետոյ Լևոն ջանք թափեց ամոքելու թշուառ ժողովրդի վիճակը: Շուտով նորանոր գերազութիւններ եկան թագաւորի զլիքին. նախ կորցըրեց երկու զաւակներին, ինքը ծանր հիւանդացաւ, յետոյ ժանտախտն ու սովը ոսկալի կոտորած պատճառեցին ժողովրդին:

Մամելուքները նորից յարձակուեցան Կիլիկիայի վրայ: Այս անգամ Լևոն միաբան իշխանների հետ սոսկալի ջարդ տուաւ Եգիպտացոց: Սուլթանը վիրաւոր հազիւ հասաւ Դամասկոս, ուր մեռաւ: Լևոնի դաշնակից Աբաղա խանը դեսպանների ձեռքով չնորհաւորեց այս յաղթութիւնը և առաջարկեց Միջազետքը միացնել Կիլիկիային, բայց Լևոն մերժեց այս առաջարկը, որովհետև մի այդպիսի ընդարձակ և հեռաւոր երկիր կառավարելու ուժ չունէր:

Շուտով Լևոն ստիպուած էր Ասորիք գնալու իր դաշ-

Նակիցներին օգնութեան, որոնք կրկին պատերազմի էին դուրս եկել եղիպատացոց դէմ: Մինչ լեռնն ու Ալմախ թաթար զօրապետը մամելուքներին յաղթելով քշեցին, թաթարաց գլխաւոր հրամանատար Մանգու-Թամուրը դաւաճանութեամբ յետ մնաց և դաշնակից զօրքերի քամակը թողեց անպաշտպան: Լեռն ստիպուած էր յետ դառնալու մեծ կորուստներով, որովհետեւ զօրքը պաշար չունէր:

Արագա խանը միւս դաւաճան զօրավարների թւում իր հարազատ եղբօրը—Մանգու-Թամուրին գլխատել տուաւ:

Իր թագաւորութեան վերջին տարիները Լեռն նուիրւեց երկրի բարեկեցութեանն ու բարգաւաճմանը. հիմնեց իր նախորդների նման դպրոցներ, հիւանդանոցներ և հոգ տարաւ ժողովրդի ուսմանն ու կրթութեանը: Այն ժամանակ տպարան չինելով շատ դժուար էր գիրք ձեռք բերելը. Լեռն բազմաթիւ օրինակներով արտագրել տուաւ հին հայ ձեռագիրները և տարածեց ամեն կողմ ուսումնականների համար: Առանց այդ խնամքին, շատերը մեր հին մատենագիրներից կարող էին մեզ համար անդարձ կորած լինել:

ՀԵԹՈՒՄ Բ. ԼԵԽՈՆ Դ. ՕՇԻՆ, ԼԵԽՈՆ Ե.

Լեռնին յաջորդեց Հեթում Բ. (1289): Մելիք-Աշրափ նրա ժամանակ արշաւեց կիլիկիա և պաշարեց Հռոմկան, ուր նստում էր հայոց կաթուղիկոսը: Երկար պաշարումից յետոյ Աշրափը տիրեց քաղաքին, կողոպտեց քաղաքն ու տաճարները և կաթուղիկոսին գերի տարաւ լուսաւորչայ աջի հետ: Հեթում մի քանի քաղաքներ տալով հաշտուեց Սուլթանի հետ և ազատեց թէ կաթուղիկոսին և թէ լուսաւորչի աջը:

Հեթումի քոյրերից մինը յունաց արքայորդու կինն էր, միւսը Կիպրոսի թագաւորի եղբօր: Կամենալով նորանց այցելութեան գնալ, նա իշխանութիւնը յանձնեց Մմբատ եղբօրը: Սա իշխանների և կաթուղիկոսի համաձայնութեամբ թագաւոր օծուեց Միս քաղաքում և երբ

Հեթում ու Թորոս եղբայրները վերադարձան կիլիկիա, դուրս արաւ նրանց: Վերջը բանել տուաւ նրանց և բանատարկեց: Թորոսը մեռաւ, իսկ Հեթումը բանտի մէջ կուրացաւ:

Հեթումի չորրորդ եղբայր Կոստանդինն այս անօրինութիւնից զայրացած՝ զօրքի օգնութեամբ բանտարկել տուաւ Սմբատին, ազատեց Հեթումին և կամենում էր ինքն իշխանը: Սակայն շուտով Հեթումի աչքերը առողջացան և ժողովրդի ու տաճարական ասպետների օգնութեամբ կրկին գահ բարձրացաւ: Քանի որ Ղազան խանը կենդանի էր, Հեթումը նրա դաշնակցութեամբ մի քանի անգամ յաղթութիւններ տարաւ թշնամիների վրայ: Բայց երբ Ղազան-խանին յաջորդեց Ղարբաղանդ և ընդունեց մահմետականութիւն, այնուհետև հայոց և թաթարաց բարեկամութիւնը վերջացաւ և փոխուեց թշնամութեան: Այնուհետև թաթարները, թուրքերը և մամելուքները երես առած սկսեցին ամեն կողմից նեղել ու աւերել կիլիկիան: Հեթում մի անգամ աջողութեամբ ջարդեց մամելուքներից մօտ 7000 հոգի և առժամանակ երկըին պարգևեց խաղաղութիւն:

Հեթում Բ.-ի ժամանակ շրջակայ մանը քրիստոնեայ տէրութիւններն արգէն կործանուել և նրանց երկիրներն անցել էին մահմետականների ձեռքը: Եղիպտոսի մամելուքները, որ տիրել էին Ասորիքին ու Պալեստինին, ամբողջ ուժով ընկնում էին կիլիկիայի վրայ, որ միակ քրիստոնեայ իշխանութիւնն էր մնացել: Թաթարները, որ հայերի զօրեղ դաշնակիցն էին, ներքին կոիւներից թուլացած էին արգէն և հարկաւոր օգնութիւնը չէին կարող տալ Հեթումին. Հեթումի միակ յոյն և ապաւէնը այնուհետև մնում էր Հռոմը: Բայց Հռոմի սիրտը շահելու համար հարկաւոր էր նըսն որոշ կրօնական զիջումներ անել: Այդ ժամանակ Հեթումի երկրորդ անգամ հրաժարուելով, գաճն յանձնել էր իր եղբօր որդի Լեռն Դ.-ին: Սա Հեթումի համաձայնութեամբ Միս քաղաքում մի ժողով գումարեց, ուր որոշեցին մի քանի կաթողիկ ծէսեր

ընդունել հայ եկեղեցու
մէջ:

Այդ կատարուել էր
թագաւորի ստիպմամբ:
Երբ հայ եկեղեցականնե-
րըն իրենց տեղերը ցըր-
ւեցին, հակառակուեցան
այդ որոշումներին և ար-
դելք եղան նրանց ըն-
դունելուն: Սիս քաղաքի
ժողովուրդն էլ դժո՞ն
այդ նորմուծումներից
գանգատուեց թաֆար
զօրավար Բիլարդուին,
որը Լևոն Դ.-ին և Հե-
թումին հրաւիրելով իր
մօտ, սպանել տուաւ Ա-
նարզաբա քաղաքում:



Կիլիկիայի աղնուական

Օ Շ Ի Ն (1308—1320)

Լևոն Դ.-ին յաջորդեց իր եղբայրն—Օշին, որ Բի-
լարդուին դուրս քշեց Կիլիկիայից (1308): բազմաթիւ բեր-
գեր և եկեղեցիներ շինել տուաւ Օշին, որոնց մէջ նշա-
նաւոր տեղ է բննում Տարսոնի պարիսպը:

Սրա ժամանակ արևելեան Հայաստանում սարսափելի
երկրաշարժ տեղի ունեցաւ, մասնաւորապէս վնասուեցին
Այրարատ գաւառը և Անին: Ուստի Անի քաղաքից բազ-
մաթիւ գաղթականներ հեռանալով գնացին Խրիմ, Լեհաս-
տան, Պարսկաստան և Թաթարստան:

Օշինին յաջորդեց Լևոն Ե. Պայլ Օշինի խնամակա-
լութեամբ: Սրա ժամանակ մամելուքները, թաթարներն

ու թուրքմէնները միացած մինը միւսի յետեից յարձակ-
ւեցան Կիլիկիայի վրայ և երկիրը տակն ու վրայ արին
աւարի ու սրի մասնելով:

Կիլիկիան, որ ներքին կոիւների և հայ ու լատին
կուսակցութիւնների ձեռին ուժասպառ էր եղել, անկա-
րող էր մենակ այս անհամար թշնամինների դէմ դուրս
գալ: Հայ երիտասարդները միայն, մի կողմ թողնելով
կրօնական վէճերը, միացան և մի քանի խումբ կազմելով
դարանամուտ եղան երկրի ամուր տեղերը և մի քանի
անգամ թշնամուն սոսկալի վնաս հասցըին: Եգիպտոսի
սուլթան Մէլիք-Նազարն ստիպուած էր հաշտուել և 15
տարուայ զինադադար տալ:

Հազիւ թշնամին հեռացել էր երկրից, որ կրկին ծա-
գեցան ներքին խոռվոյթներ: Լևոնը հայ իշխաններին հե-
ռուացըեց պաշտօնից և նրանց կալուածները խելով տուաւ
իր լատին ազգականներին: Հայերի կողմն էր տէրութեան-
լինամակալ Օշին Պայլ:

Թագաւորը նրան զրկեց խնամակալութիւնից և սպա-
նել առաւ իր աղջկայ հետ, որ թագուհի էր: Դրանից
յետոյ Լևոն կրկին ամուսնացաւ: Այս վարմունքի պատ-
ճառով Լևոն իր դէմ զրգուեց ժողովրդին և անպաշտպան-
երկիրը կրկին աւարի մատնուեց եգիպտացոց կողմից:
Լևոն դիմեց Եւրոպայի օգնութեանը: Ֆրանսիայի թագա-
ւոր Փիլիպպո Զ. խոստացաւ նորից խաչակրաց արշա-
ւանք կազմել, բայց իր խոստումը չկարողացաւ ի կատար-
ածել: Այս բանից կատաղած Մէլիք-Նազար-Մահմուտ, Ե-
գիպտոսի սուլթանը, որոշեց բնաջինջ անել Կիլիկիան:
Լևոնը փախաւ լեռները, և ստիպուած էր խաչի ու աւե-
տարանի վրայ երգուել, որ այլևս եւրոպացիների օգնու-
թեանը չի դիմի և նրանց հետ յարաբերութիւն չի ունե-
նայ:

Լևոն մեռաւ 1341-ին, անդաւակ: Նրանով վերջացաւ
Թուրքինեան ցեղը Կիլիկիայում:

ԼՈՒՍԻՆԵԱՆ ԹԱԳԱՀՈՐՆԵՐ

Լեռնի մահից յետոյ Կիլիկիայի գահը բարձրացաւ Կոստանդին Գ. Լուսինեանը։ Սա ծագում էր Կիպրոսի իշխաններից, որ խնամիացած ու ազգական էին Հեթում թագաւորի հետ։



Կոստանդինը մոռանալով Լեռնի երդումը դարձեալ սկսաւ յարաբերութիւն ունենալ Հոռմի հետ։ Կաթողիկ Ունիթորները նրա ժամանակ սկսան զօրանալ ու նախատել Լուսաւորչականներին։ Հայերն ապստամբեցան և Կոստանդինի եղբայր Գուփդոնը բարձրացաւ գահ։ Սա էլ հետևեց իր եղբօրընթացքին։ Առաջ էր քաշում լատիններին և հալածում հայ իշխաններին։ Եղիպատացիք կրկին արշաւեցին Կիլիկիա, աւերեցին և մի տարի յետոյ կրկին նորոգեցին արշաւանը։

Այս անգամ Պապն օգնեց Գուփդոնին, ուղարկելով 1000 ձիաւոր և 1000 դահեկան փող։

Երբ Գուփդոն չլսելով հայ իշխաններին, նրանց կալւածները խլելով տուաւ լատիններին, հայերը միացան և սպանեցին նրան 1345-ին։

Գուփդոնին յաջորդեց Կոստանդին Դ.։ Սա աշխատեց կրօնական բաժանութիւնների և կոփէների առաջն

նել և նուիրուել երկրի ապահովութեանը։ Եղիպատոսի սուլթանը նորէն արշաւեց Կիլիկիա, բայց Կոստանդին մի երկու դաշնակիցների հետ աջողութեամբ յետ մղեց մամելուքներին։ Երբ Կոստանդին դեսպան ուղարկեց Եւրոպայից օգնութիւն խնդրելու, Պապն հաղորդեց, որ հայերն օգնութիւն կստանան այն ժամանակ, երբ կաթոլիկութիւն կընդունեն։ Մենակ մնացած թագաւորը չյուսահատուեց, այլ մամելուքների ձեռից խլեց Ալէքսանդրէտանաւահանգիստը, խաղաղութիւնը վերականգնեց, որ տեսք մինչև նրա մահը (1362)։

Լ Ե Ւ Ն Զ.

Կոստանդին մեռաւ անժառանգ. այդ պատճառով հազիւ երկու տարուց յետոյ թագաւոր նստաւ Լեռն Զ. Լուսինեան իշխանը։ Եղիպատացիք կրկին արշաւեցին Կիլիկիա։ Լեռն չնայելով իր քաջութեանը, յաղթուեցաւ թշնամուց, որ թուով անհամեմատ շատ էր։ 1371-ին եղիպատացիք նորոգեցին արշաւանքը, Լեռն վիրաւորուած ծածուկ փախաւ լեռները։

Թագուհին կարծելով որ Լեռնը մեռել է, այս մասին իմաց տուաւ իր երպացի ազգականներին, որոնք կամենում էին նրան ամուսնացնել մի գերմանացի իշխանի հետ։ Բայց Լեռն յանկարծ երևաց և այս մտադրութիւնը մնաց անկատար։

Եղիպատոսի սուլթանը մի երրորդ ու վերջին հարուածով կամեցաւ ոչնչացնել Կիլիկիայի հայ իշխանութիւնը և նրա երկիրներին տիրանալ։ Յարձակումն սկսուեց 1373-ին։ Լեռնի խնդիրքը, օգնութեան գալու, եւրոպացի իշխանները թողին անկատար։

Մամելուքները հետզհետէ տիրեցին գաշտային և ապա լեռնային Կիլիկիայի քաղաքներին ու աւաններին, սրբ ու կրակի մատնելով ամեն ինչ։ Նրանք որոշել էին բնաշինջանել հայերին, ուստի մեծերին կոտորում էին անսասելի անգթութեամբ, և կամ բռնի մահմետական դարձնում, իսկ

մանուկներին կամ գերում էին կամ վաճառում: Լևոնն ամբացել էր կապան բերդում. ինն ամիս դիմադրելուց յետոյ սովոր ստիպեց նրան անձնատուր լինելու, թշնամին, իր խոստման հակառակ, Լևոնին շղթայեց և թագաւորի հարստութիւնը կողոպտեց: Նրան իր կնոջ և դստեր հետ բանտարկեց կայիրէում:

Մէլիք-Աշրաֆ Սուլթանը խոստացաւ Լևոնին ընտանիքի հետ բանտից ազատել, եթէ նրանք հաւատոն ուրան, բայց նրանք յանձն չառան:

Լևոնը իր ընտանիքի հետ բանտից ազատուեց Խոպանի Յովհաննէս և Արագոնի Պետրոս թագաւորների միջնորդութեամբ 1382-ին:

Լևոն այնուհետև անցաւ Հռոմ, Պապին այցելելու և յորդորելու, որ մի նոր խաչակրաց արշաւանք կազմեն Երուսաղէմը մահմետականներից ազատելու համար: Ապա գնաց Խոպանիա, շնորհակալութիւն յայտնելու իր ազատչին: Յովհաննէս թագաւորը նրան մինչեւ մահ թոշակ նշանակեց և նրան յանձնեց երեք քաղաքների իշխանութիւնը. երեք տարուց յետոյ Լևոնը եկաւ Փրանսիա, ուր մեծ պատուով ընդունուեց: Նա աշխատեց հաշտեցնել Ֆրանսիան Անդիայի հետ, որոնք այդ ժամանակ շարունակ պատերազմում էին, որպէս զի յետոյ նրանց օգնութեամբ իր գահը յետ խլէ մամելուքներից: Կարճ զինադադարից յետոյ այդ երկու ազգերը դարձեալ շարունակեցին իրենց պատերազմը և Լևոն յուսահատուելով քաշւեցաւ վանք, ուր և մեռաւ 1393-ին, Փարիզում: Մինչև այսօր պահուած է այդ անբաղդ թագաւորի շիրմը Սէն-Դընի թագաւորական գերեզմանատանը:

ՀԱՅԱՍՏԱՆԻ ԴՐՈՒԹԻՒՆԸ ԲԱԳՐԱՏՈՒՆԵԱՅ ԱՆԿՈՒՄԻՑ ՅԵՏՈՅ

Բագրատունեաց կործանումից յետոյ, ինչպէս տեսանք, յոյները թէպէտ տիրեցին Հայաստանին, բայց պահպանել չկարողացան և շուտով Հայաստանի տէր դարձան

Տուղրիլ և Ալփասլան: Հայ ժողովուրդը մի քիչ հանգիստ առաւ միայն Ալփասլանի որդի Մելիք շահի ժամանակ, որ խաղաղ և բարի մարդ էր: Այնուհետև Հայաստանը պատառ-պատառ է լինում բազմաթիւ հայ և օտարազգի իշխանների մէջ, որոնք շարունակ պատերազմ ունենալով մի-մեանց հետ, ժողովրդին դադար չէին տալիս:

Թշնամիների յարձակումներին անընդհատ ենթակայ էր մանաւանդ Անին, որ նշանաւոր էր իր հարստութեամբ և բնակիչների բազմութեամբ:

Մահմետական իշխաններից ազատուելու համար անեցիք դիմեցին վրաց Դաւիթ թագաւորին, որ եկաւ, հայոց օգնութեամբ պարսիկներին հալածեց և հիւսիսային Հայաստանի հետ Սնի քաղաքին էլ տիրեց (1124):

Վրաց իշխանութիւնը Հայաստանում ընդարձակուեց և գորացաւ Թամար թագուհու ժամանակ, որ հայկական նահանգները կառավարում էր երկու եղբայր, Զաքարէ Սպասալար և Խւանէ Աթարէգի ձեռքով: Սրանք ազգով հայ էին և սրանց մեծագործութեան հետքերը, նշանաւոր վանքեր ու եկեղեցիներ, մինչև այսօր էլ դեռ կանգուն են: Այդ շէնքերից նշանաւոր են մանաւանդ Հաղբատ և Սանահին վանքերը Լոռում:

ԹԱԹԱՐԱՅ ԱՐՇԱԿԱՆՔԸ

Թաթարաց պետութեան հիմքը դրեց Զինգիլ Խանը: Սա միացրեց Սիբիրի և Զինաստանի սահմաններում ապրող ուազմասէր և աւազակաբարոյ թաթարներին, տիրեց Զինաստանին, Միջին Ասիային, Հնդկաստանին և հաստատեց մի լայնածաւալ պետութիւն: Խորազմի թագաւորի որդին, Միջին Ասիայից, Զալարէգդէն, թաթարներից յաղթուելով, իր զօրքի հետ փախաւ Հայաստան և սկսաւ տակըն ու վրայ անել երկիրը: Գառնի աւանի մօտ նրա դէմ զուրս եկաւ Խւանէ Աթարէգլը, հայ և վրացի զօրքերով, բայց յաղթուեց: Զալարէգդին այնուհետև անցաւ հարաւային Հայաստան և ապա Փոքր-Հայը, ուր հասաւ մինչև

Կիլիկիայի և Իկոնիոյ սահմանները։ Այստեղ նրա դէմ դուրս եկաւ մեր Հեթում թագաւորը հարևան իշխանների դաշնակցութեամբ և ջարդելով փախցրեց Քրդստան, ուր մեռաւ Զալալէդդինը։

1236-ին էր, որ թաթարները մեծ բազմութեամբ արշաւեցին Հայաստան։ Նրանց առաջնորդում էր Չարմաղան խանը—արիւնարբու գազանը։ Հիւսիսային Հայաստանին տիրելուց յետոյ Չարմաղանը մարդ ուղարկեց և պահանջեց, որ Անին անձնատուր լինի։ Այդ ժամանակ Անի էին հաւաքուած նաև շրջակայքի բնակիչները։ Անեցիք սպանեցին Չարմաղանի դեսպաններին, բայց չարաչար առւժեցին, որովհետև Անիին տիրելուց յետոյ նրա հարստութիւնը կողոպտուեց, բնակիչների մեծ մասը սրի մատնուեց, իսկ մանուկները գերի տարուեցան։ Նոյն վիճակին ենթարկուեց նաև Կարսը, թէպէտ անձնատուր էր եղել կամովին (1239)։

Թաթարներն առհասարակ խոտիր չէին գնում ոչ հասակի, ոչ դիրքի և ոչ էլ աստիճանի մէջ, այլ գերում ու կոտորում էին բոլորին բացի ջահէլ աղջիկներից, որոնց յափշակում էին։

Բերդերը կամ քաղաքներն առնելուց յետոյ թաթարները կոտորում էին բնակիչներին, կողոպտում հարստութիւններն ու եկեղեցիները և կենդանի մնացածներին ծանրը հարկերի տակ դնում։

Չարմաղանից յետոյ Հայաստանի մնացեալ մասին նոյն անդիթութեամբ ու կոտորածներով տիրեց Բաչու զօրավարը։ 1254-ին արդէն ամբողջ Հայաստանը գտնում էր թաթարների ձեռին և Հուլաղու եկաւ երկիրը աշխարհագիր անելու։

Այսուհետև կոտորածները թէպէտ դադար առան, բայց հարկերն այն աստիճան ծանը էին, որ շատերից հարկի տեղ որդոցն էին վերցնում իրեւ տուգանք, իսկ հարկերից փախչողներին բռնում և սպանում էին։

Թաթարաց իշխանութիւնը Հայաստանում տևեց մօտ

հարիւր տարի և բացի աւերումից ու կործանումից ոչ մի օդուտ չառաւ երկրին։

Անին, Բագրատուննաց գեղեցիկ, հարուստ և պայծառաշէն քաղաքն աւերակ դարձաւ, բնակիչները ցան ու ցիր եղան դիմելով Խրիմ, Լեհաստան ու Մոլդաւիա։

Երբ թաթարաց իշխանութիւնը թուլացաւ, Հայաստանն էլ բաժին դարձաւ զանազան աշխարհականների։ Հարաւին տիրեցին քրդերը, արևմուտքն ընկաւ Օսմանցիների ձեռքը, իսկ արևելեան Հայաստանը հպատակուեց Պարսկաստանին, մինչև որ այս ամենին կտիրէր Լէնկթէմուրը։

Լ Է Ն Կ Թ Է Մ Ո Ւ Ի Ր

Լէնկթէմուրը նախ նուաճեց Հնդկաստանը և սպանւած մարդկանց գլուխներից բլուրներ կազմել տուաւ, որ այսպիսով սարսափ ազգէ ժողովուրդներին ու ազգերին։ Պարսկաստանն ու Միջազետքը արեան հեղեղ դարձնելուց յետոյ այս հրէշը մտաւ Հայաստան (1387)։ Շատերը նրա գալուց առաջ արգէն թողել փախել էին։ Հայաստանի մահմետական իշխանները բոլորն էլ հպատակեցան Լէնկթէմուրին, ոմանք կամովին, ուրիշները զէնքի զօրով։ Լէնկթէմուրի զօրքերը չէին ինայում ոչորի, ոչ ծերի և ոչ մանուկի։ Վան քաղաքին տիրելուց յետոյ, երիտասարդներին գերի տարաւ, իսկ մնացեալ բազմութիւնը պարիսպներից ցած գլորել տուաւ։ Բազմութիւնն այնքան շատ էր, որ նրանց զիակները մինչև պարիսպները հասան։ Լէնկթէմուրի զօրքերի ձեռքը չընկնելու համար մի հային սպանեց իր եօթամեայ որդուն և ապա ինքն էլ ժայռից ներքե ընկնելով մեռաւ։

Լէնկթէմուրի արշաւանքին յաջորդեց մի սոսկալի և չտեսնուած սով, որովհետև երկիրը մնացել էր անմշակ։ Ականատես պատմիչների տեսլով, երբ բոլոր կենդանիներից յետոյ շներն ու կատուններն էլ մորթուեցան, այնու-

հետև մայրը որդուն, եղբայրը քրոջը և մարդը կնոջը խո-
րովելով կերան (1393):

Սեբաստիա քաղաքին տիրելուց յետոյ, այս գաղանը
կողպատել տուաւ քաղաքը, իշխաններին կոտորեց, կա-
նանց ձիաների պոչին կապելով բաց թողեց դաշտը. փոք-
րիկ մանուկներին ձիերի ոտների տակ կոխոտել տալով
ջարգեց և չորս հազար հայ զինուոր ողջ-ողջ թաղել
տուաւ: Լէնկթէմուրի մահից յետոյ (1405) նրա տէրու-
թիւնը կործանուեց: Հայաստանի հարաւին տիրեց Հարա-
իւսուֆ քուրդ իշխանը, նրան յաջորդեց իր որդին Իսկէն-
դէր, որ Լէնկթէմուրի որդու դէմ երկար ժամանակ պա-
տերազմեց Հայաստանի տիրապետութեան համար և կոշ-
ւեց Շահի-Արմէն: Այս պատերազմների պատճառով Հայաս-
տանի քաղաքները կործանուեցան, իսկ երկիրն անմշակ
մնալով կրկին մի սարսափելի սով ընկաւ և թշնամու պա-
կաս թողածը լրացրեց:

ՕՍՄԱՆՑԻՔ ԵՒ ՊԱՐՍԻԿՆԵՐԸ ՀԱՅԱՍՏԱՆՈՒՄ

Օսմանցիք մոնղոլ ծագում ունին. նրանք Հայաս-
տան եկան թաթարաց արշաւանքների ժամանակ և բնա-
կութիւն հաստատեցին Փոքր-Ասիայում: Երբ Սելջու-
կեանների տէրութիւնը կործանուեց, Օսմանն իրեն յայ-
տորարեց թագաւոր և իր աթոռանիստ մայրաքաղաք
դարձրեց Ենիշէնար (1309 թ.): Սրա անունով ահա այդ
փոքրիկ իշխանութիւնը կոչուեց Օսմաննեան պետութիւն:
Օսմանի յաջորդները հետզհետէ սկսեցին ընդարձակել ի-
րենց երկրի սահմանները մինչև որ Մահամմէդ Բ. 1453. ին
տիրեց Կոստանդինուպոլսին և դարձրեց Օսմաննեանների
մայրաքաղաք: Բիւզանդական կայսրութիւնն ընկաւ և նրա
տեղ բննեց Օսմաննեանը:

Օսմանցոց արևմտեան սահմաններն ընկնում էին Հա-
յաստանում: Այդ սահմաններն ընդարձակելու համար նը-
րանք երկար ու դարաւոր կոխուներ մղեցին պարսիկնե-

րի հետ, որը վերջնապէս ուժասպառ արաւ և կործանեց
հայ ժողովրդին:

Առաջին անգամ Օսմանցոց վրայ յարձակուեց Ուզուն-
Հասանը, որ չարաչար յաղթուեց Դերջանի մօտերը:

Ուզուն-Հասանի արշաւանքները շարունակել կամե-
յաւ Շահ-Իսմայիլը (1500 թ.): Նրա դէմ գուրս եկաւ
Սուլթան-Սէլիմը և Խոյի մօտ յաղթելով Իսմայիլին հասաւ
և տիրեց Թաւրիզին: Այսպիսով Հայաստանի հարաւ-արև-
մտեան մասն ամբողջովին ընկաւ Օսմանցոց ձեռը (1514):

Սրանցից անմիջապէս յետոյ կրկին ու կրկին նորոգ-
ւեց արշաւանքը մէկ պարսից կողմից, մէկէլ օսմանցոց:
Նրանցից ամեն մինը սուր, կրակ և աւերած էր թողնում
իր յետեկից:

Սուլթան Սուլէյմանն այս անգամ մտաւ հիւսիսային
Հայաստան. աւերեց Նախիջևանն ու Երևանը, մտաւ Ղա-
րաբաղ և ամեն ինչ հողի հաւասարացրեց: Նրա վրէժն
առնելու համար Թահմաս շահը աւերեց ու ասպատակեց
հարաւային Հայաստանը:

Երբ Թահմաս մեռաւ, Սուլթան Մուրադը կրկին յար-
ձակուեց պարսից վրայ և նորէն Հայաստանն ասպարէզ
դարձաւ աւերմունքի ու սրածութեան: Այս պատերազմ-
ները տեսեցին մի քանի տարի: Պատերազմի մէջ մեռաւ
Համզա, պարսից արքայորդին. նրան յաջորդեց Շահ-Աբաս,
որ հաշտութիւն ինդրեց Օսմանցիներին թողնելով ամբողջ
Հայաստանը, Վրաստանը, Ատրպատականը և Բաղդատը
(1585 թ.):

ՇԱՀ-ԱԲԱՍԻ ԱՐՃԱՒԱՆՔՆԵՐԸ

Օսմանցիք Հայաստանին տիրելուց յետոյ սկսեցին սաս-
տիկ հարստահարել ժողովրդին, ուստի առաջ եկաւ գաղթ:
Հայ իշխաններից շատերը Մելիքսէղէկ կաթուղիկոսի հետ
անցան պարսից սահմանը: Շահ-Աբաս նրանց բոլորին սի-
րով ընդունեց, որոնցից մանրամասն տեղեկութիւններ
առաւ Օսմանցոց մասին: Օսմանցիներից դժոն էին և

քիւրդ բէկերը, որոնք նոյնպէս Շահ-Աբասի կողմն անցան, երբ նա 1603-ին արշաւեց դէպի Հայաստան։ Տիրեց նախ Ատրպատականին, ապա առաւ Նախիջևանը, Երևանը և հաստ մինչև Կարս։ Այդտեղ Շահն իմացաւ որ Սինան փաշան իր դէմն է գալիս մեծ զօրքով։

Որովհետեւ յոյս չունէր թէ օսմանցիներին պատերազմով կարող է յաղթել, Շահ-Աբասը դիմեց մի ստոր և տմարդի միջոցի, որոշեց ամբողջ արևելեան Հայաստանը դարձնել անմարդաբանակ, որպէս զի թշնամին պաշար և օգնութիւն չգտնի, միւս կողմից նա ցանկանում էր գերի տարած հայերին բնակեցնել Պարսկաստան, որոնց միջոցով նա ուզում էր ծաղկեցնել իր երկրի առևտուրն ու արուեստները։

Ամիրգունա խանը պիտի գլուխ բերէր Շահի այս հրամանը. նրա հրամանով ժողովուրդն սկսեց տուն ու տեղը թողած հաւաքուել Արարատեան դաշտը։ Ով հակառակում էր, կոտորում էին. լեռներն ու այրերն ապաստանածներն անզամ բռնի տարում էին կամ սպանում։ Բնակութիւնները, զիւլ, քաղաք, աւան, իրենց պահեստներով կրակի էին մատնում։

Եյսպէս հաւաքուած ժողովուրդը կաղմեց մի ահազին բանակ, որին առաջ քշելով գալիս էր պարսից բանակը դէպի Ատրպատական, իսկ պարսից բանակին հետևում էր օսմանականը։

Ժողովուրդն հասաւ Արաքսի ափը. բայց այդ ահազին բազմութեանն անցնելու հնար չկար։ Փայտից տօփեր ու նաւակներ բերին, որոնք խիստ սակաւ էին։ Շահը վախենում էր, որ օսմանցիք կարող են վրայ հասնել և գերիներին խել, ուստի հրամայեց բոլորին գետը թափել, որ լողալով անցնեն։ Գետը սրնթաց էր ու խորը և ահա չորս կողմը բռնեց մի սարսափելի սուզ. ու վայնասուն։ ծեր, պառաւ, կին, երեխայ թափուեցան գետը. հայրն իր աջքով էր տեսնում որդու խեղդուելը, կինը մարդուն, մարդը կնոջը, հարազատը հարազատին անկարող էր օգնել, որովհետեւ մի կողմից պարսից սուրն էր սպառնում,

միւս կողմից Արաքսի կատաղի ջուրը։ Գետը ծածկուեց գիւկներով. փոքր երեխաների և մանուկների մեծ մասը խեղդուեց։

Ժողովրդի փոքր մասը միայն ազատուեց, այն էլ դժուար ճանապարհներով քշեցին Պարսկաստան։ Քաղաքացոց տեղաւորեցին Սպահան քաղաքում, իսկ զիւղացոց շրջակայ գիւղերում։ Այդ գերիների մէջ էին և Զուղայեցիք, հարուստ ու վաճառաշահ աւանից, որոնք առևտուր ունէին հեռաւոր Եւրոպայի և Հոլանդիայի հետ։ Շահ-Աբասը նրանց տեղաւորեց Սպահանի մօտ, անուանելով Նոր-Զուղայ, որի բնակիչները շուտով ձեռք առան Հընդկաստանի և Պարսկաստանի առևտուրը Եւրոպայի հետ և հասան մեծ հարստութեան ու պայծառութեան։

Հայերի կրած անսանելի զրկանքներն ու վնասները Շահ-Աբասն աշխատում էր ամոքել քաղցր վարմունքով և զանազան արտօնութիւններով։ Կրօնի լիակատար ազատութիւն տուաւ և շատ անգամ ինքը ներկայ էր լինում հայ եկեղեցու հանդէսներին։ Հայի և պարսկի մէջ դատ պատահած դէպքում աշխատում էր միշտ հայերի կողմը բռննել, ասելով, որ հայերի կեանքը շատ թանգ է նստել Շահի վրայ, մինչև բերել հասցըել է Պարսկաստան։ Կամենալով հայերին ընդմիշտ կապել Պարսկաստանի հետ, Շահ-Աբասը մտածեց էջմիածինը քանդել և մի նոր էջմիածին շինել Նոր-Զուղայում, սակայն, հայերի խնդիրքով յետ կանգնեց այս մտաղրութիւնից։

Օսմանեան Հայաստանն այդ ժամանակ շարունակ խոռվութեան մէջ էր, որովհետեւ երկրի կուսակալներն ապստամբելով սուլթանների դէմ, ասպատակում էին երկիրը, որի հետևանքը մի մեծ սով եղաւ։

Հայերից շատերը թողին ու գաղթեցին օտար երկիրներ։

Այդ խոռվութիւններից օգտուելով Շահ-Աբասը կըրկին ու կրկին արշաւեց Հայաստան, որովհետեւ բաղդի փոփոխակի աջողութեամբ սա մէկ պարսից ձեռն էր ընկնում, մէկ օսմանցոց։ Վերջապէս (1639 թ.) մի հաշտու-

թեամբ Կուրի և Արաքսի մէջ գտնուած երկիրները մնացին պարսից ձեռքը։ Այս հաշտութիւնը երկարատեև և բարեբեր եղաւ Հայաստանի համար, որովհետեւ տեսք ուժուն տարի։


ԷՇՄԻԱԾԻՆԸ ՎԵՐՍՏԻՆ ՀԱՅՐԱՊԵՏՈՒԹՅՈՒՆ

Կիլիկիայում հայոց թագաւորութիւնը թէպէտ վերջացել էր, բայց կաթուղիկոսները դեռ շարունակում էնու մնալ Սիս քաղաքում, ուր նրանք ենթակայ էին սարսափելի հալածանքների։ Հայաստանից հեռու լինելով, հայրապետական ընտրութիւն չէր կատարում և եկեղեցու մէջ էլ մտել էին կաթողիկ ոգով զանազան ծէսեր։

Այս ամենին վերջ տալու համար 1441-ին էջմիածնում մի ժողով գումարուեց, ուր կաթուղիկոս ընտրեցին կիրակոս Վիրապեցուն։ Սակ կաթուղիկոսը չէր մասնակցել այս ժողովին, ուստի հայերն այնուհետև ունեցան երեք կաթուղիկոս, որ նստում են էջմիածին, Սիս և Աղթամար։ Ընդհանուր հայոց կաթուղիկոս ճանաչուած է էջմիածին նստող հայրապետը, որին ընտրում է ամբողջ պատրիարք, իսկ միւսները մասնաւոր տեղական կաթուղիկոսներ են և ճանաչում են էջմիածնի գերիշխանութիւնը։

Էջմիածնում հայրապետի վերստին հաստատուելը հայ եկեղեցուն չփրկեղ հալածանքներից։ Անվերջ պատրիարքներն ու աւերածութիւնը էջմիածնին քցել էին ծանր պարտքերի տակ. կաթուղիկոսները շատ անգամ շղթայակիր թափառում էին հեռաւոր հայերի գաղթավայրերում փող հտւաքելու, որ պարտքերը վճարել կարողանան։ Շատ անգամ էլ մի քանի կաթուղիկոս էին նստում միաժամանակ, որ պարտըն իրենց մէջ բաժանելով թեթևացնեն։ Այս վիճակը շարունակուեց մինչև Մովսէս Գ. կաթուղիկոսը, որ մեծ ջանքերով էջմիածնն ազատեց պարտքերից և հարկատութիւնից։ Սրան յաջորդեց Փիլիպպոս Աղքակեցի (1633—1655) շինարար հայրապետը։

Սա նորոգեց էջմիածնը և շինել տուաւ գեղեցիկ



Ա. ԷՇՄԻԱԾԻՆ

գանգակատուն, որ հիմա էլ կանգուն է և հիմնեց էջմիածնում ուսումնարան, որտեղից դուրս պիտի գային ուսեալ հոգեորականներ։ Այսուհետեւ զնալով երուսաղէմ, մի ժողով կազմեց, ուր կարգաւորեց Սակ և էջմիածնի յարաբերոյթները։ Վերադարձին նա Կ. Պօլսում նոր պատրիարքը ընտրել տալով հանգստացրեց ժողովրդին, որ խոռվութեան մէջ էր պատրիարքների ընտրութիւն առթիւ։

Փիլիպպոս կաթուղիկոսի շնորհիւ էջմիածնը վերստին պայծառացաւ ու վերականգնեց իր նախնի հեղինակութիւնն ու կապը ցրուեալ հայերի վրայ։

ՂԱՐԱԲԱՂԻ ՄԵԼԻՔՆԵՐԸ ԵՒ ԳԱԻԻԹ ԲէԳ

Սիւնեաց լեռնոտ երկիրը պարսից խաների իշխանութեան տակ դեռ պահպանել էր մի փոքր ինքնուրոյնութիւն։ Հայ տանուտէրեր կային, որոնք կոչում էին Մելիքներ. դրանք աւանդական իշխաններ էին, որոնց իշխանութիւնն անցնում էր հօրից որդի. նրանք կառավարում էին իրենց ժողովուրդն աւանդական սովորոյթով. հարկը հաւաքում և տալիս էին պարսիկ խաներին. ունէին

իրենց բերդերն ու ամրոցները և հարկ եղած գէպքում կարող էին հանել փոքրաթիւ զօրք։ Ազատութեան ողին այս լեռնականների մէջ գեռ իսպառ չէր մարած և 17-րդ դարու վերջերին նրանք միաբան ուղարկեցին իրենց հայրենակից Օքիին եւրոպական արքունիքները, խնդրելով, որ իրենց օգնութեան գան և միասին պատերազմելով ազատւեն մահմեդական լծից։

Տասն և ութերորդ դարու սկզբին օգտուելով Պարսկաստանում տիրող խոռոշոյթից, կովկասեան լեռնականները յարձակուեցան հիւսիսային Հայաստանի վրայ և աւարի տալով հասան մինչև Սևան։ Հայերը ուտիացի իշխան Յովհաննիսի առաջնորդութեամբ լեռնականներին դուրս քշեցին Հայաստանից։

Այս արշաւանքից յետոյ երկիրը տակն ու վրայ եղաւ. հայ մելիքները կամենալով իրանց երկիրն ապահովել աւերածից, Վրաստանից հրաւիրեցին Դաւիթ Բէգին։ Դանունդով զարաբաղցի էր, մեծ անուն էր հանել Վրաստանում և հասել զօրապետի աստիճանի։ Դաւիթ բէգն անցաւ շարժման զլուխը և 1721-ին 400 հոգով մի քանի յաղթութիւններ տարաւ թուրք հովիւ գիւղերի վրայ։

Շուտով Դաւիթին միացան Տէր-Աւետիք քաջ քահանան, Մխիթար սպարապետը, Զավենուրի Թորոս իշխանը. Դենուազի Ստեփանոս Շահումեան իշխանը և Դաւիթ բէգի զօրքերի թիւն հասաւ 7000 հոգու։ Դաւիթը երկիրը մաքրելով թշնամիններից մի ամուր բերդ շինեց Հալիձորում և ամրացաւ այնտեղ։

Դաւիթի մարդկանց պատերազմներից անաջող անցան միայն Թորոս իշխանի կոիւը Փաթալի խանի հետ, որովհետեւ Թորոսին դաւաճանեց Երիցվանից Մելիք-Ֆրանդիւլը։ Սակայն հայերը զրա վրէժն առան Մեղրիի մօտ, ուր կոտորեցին մօտ 10,000 թուրք։

Շանը էին Դաւիթի կոիւները օսմանցոց հետ. Երբ Հաջի-Մուստաֆա զօրավարը մեծ զօրքով Սիւնիք եկաւ, հայերից շատերը դաւաճանութեամբ անցան թշնամու կողմը՝ Դաւիթը 450 զօրքով պաշարուեց Հալիձորում։ Սակայն

Մխիթար և Տէր-Աւետիք զօրավարները զիշերով դուրս եկան բերդից և սաստիկ կոտորածով փախցրին թշնամուն գերի առնելով 148 դրօշակ։ Մուստաֆան նոր զօրքով կըրկին պաշարեց Հալիձորը։ Դաւիթն այս անդամ մի երամակ էգ ձի բաց թողեց թշնամու բանակը. բանակի ձիաները կատաղած սկսեցին այս ու այն կողմը վազել. Դաւիթն էլ այդ ժամանակ յարձակուելով թշնամու վրայ մեծ կոտորածով հալածեց երկրից։

Պարսից Թահմազ շահը լսելով Դաւիթի քաջ գործերը, ընծաներով իշխանաց իշխանի Տիտղոսը տուաւ նրան և հաստատեց որպէս Սիւնեաց տէր։ Սակայն կարձատե եղաւ այդ իշխանութիւնը, որովհետեւ Դաւիթ բէգը մեռաւ 1728 թ. վեց տարի իշխելուց յետոյ։ Զօրքի և իշխանների ցանկութեամբ Դաւիթին յաջորդեց Մխիթարը։ Օսմանցիք կրկին յարձակուեցան Հալիձորի վրայ։ Պաշարածները դաւաճանորէն անձնատուր եղան և կոտորեցան։

Մխիթարը փախչելով բերդից նորից մի քանի աւանների տիրեց, բայց հայերը Խնձորեսք բերդում դաւով գլխատեցին իրանց զօրավարին։ Երբ գլուխը Թաւրիզի փախցին տարան, թուրք փաշան ցաւելով քաջի մահուան վրայ, գլխատել տուաւ դաւաճաններին։

Այսպիսով ամբողջ Հայաստանը նորից ընկաւ օսմանցոց ձեռքը։

Երբ Թահմազ Շահը զօրացաւ և հալածեց թշնամիններին, կրկին պատերազմ հրատարակեց թուրքաց, բայց կրկին ամօթալի պարտութեամբ ետ դարձաւ։ Նազը Ալին, Թահմազի քաջ զօրավարներից մինը, այս առթիւ հեռացրեց գահից իր թագաւորին և նորից պատերազմ հրատարակելով, սաստիկ ջարդ տուեց օսմանցիներին։ Դարաբաղի մելիքներն էլ. օգտուելով այդ հանգամանքից, զիշերով ոչնչացրին իրանց երկրի օսմանցիներին։

Յաջորդ տարին գլխաւոր ճակատամարտը տեղի ունեցաւ Արփաչայի (Ախուրեան) ափերին, ուր Նազը-Ալին զրեթէ ոչնչացրեց օսմաննեան բանակը 1736-ին։ Այս յաղ-

թութիւնից յետոյ Նադր-Ալին իրան հրատարակեց պարսից Շահ, Դա տեղի ունեցաւ Մուղանի անապատում, Արաքսի ափին:

Այդ հանդիսին հրաւիրուած էին նաև Աբրահամ Կրետացի կաթողիկոսն ու հայ մելիքները: Շահը մելիքներին հաստատեց իրանց ժառանգական իշխանութեան մէջ և իրաւունք տուաւ իրանց երկիրները կառավարել անկախօրէն, վճարելով մի որոշեալ տուրք պարսից Շահին: Աբրահամ կաթողիկոսը նորահաստատ թագաւորի սուրն օրհնելով կապեց նրա մէջքին: Նա այնքան զբաւեց շահի սիրտը, որ էջմիածինն ազատել տուաւ հարկերից և ետստացաւ իր կալուածները:

Նադր-Շահը դարձեալ մի երկու պատերազմ ունեցաւ օսմանցիների հետ, մինչև որ Շահի մի փառաւոր յաղթութիւնից յետոյ, 1746-ին. երկու տէրութիւնները հաշտուեցին. Արևելեան Հայաստանը Երևանի ու Նախիջևանի հետ մնաց պարսից, իսկ արևմտեան և հարաւային Հայաստանը մնաց օսմանցոց:

Հ Ա Յ Ի Ւ Թ Ա Ղ Թ Բ

Թաթարաց արշաւանքներից յետոյ երկու հարիւր-ամեայ պատերազմները օսմանցիների և պարսից մէջ Հայաստանը հասցրին վերջին ծայր աղքատութեան. երկիրը դարձել էր զբեթէ անապատ. շէն ու հոյակապ քաղաքները կործանուած, մշակուած դաշտերը խոպան, գիւղերն ու աւաններն աւերակ, բնակիչների մի մասը կոտորուած, միւսը գաղթած օտար երկիրներ. իսկ մնացեալը աղքատ ու թշուառ, ուժասպառ էր եղած հիմնովին: Այլևս հնարչկար հայրենի օջախը վառ պահելու. պէտք էր թողնել տուն, տեղ, հայրենիք և օտար աշխարհներում, օտար երկնի տակ ապաստան որոնել. ուստի սկսւում են մի շարք գաղթեր, կամ բռնի և կամ ինքնակամ:

Որովհետեւ օտարութեան մէջ հեշտ չէր հող ձեռք բերել և երկրագործութեամբ ապօքել, ապրուստի միակ զիւ-

րին միջոցը առևտուըն էր. և ահա հայերն իրանց նուիրում են առևտորի, հանդիսանում են ճարալիկ միջնորդներ արևելքի և արևմուտքի մէջ:

Գաղթն Հայաստանից սկսւում է շատ վաղ ժամանակներից. դեռ Սասանեան արքաները հայերին գաղթեցնում էին Միջին Ասիա, երկու նպատակներով. նախ մի զօրեղ պատուար կազմելու համար իրանց թշնամիների դէմ և երկրորդը հայերի ուժը հայրենիքում թուլացնելու համար: Նոյն պօլիտիկային էին հետևում և արաբներն ու յոյները: Բիւզանդիան (Պօլիսը) միշտ ահազին թուով հայ բնակիչներ է ունեցել, որոնցից շատերը յայտնի են եղել պատմութեան մէջ որպէս խոշոր պետական անձեր:

Բիւզանդիական կայսրների մէջ մի տասնեակից աւելի թագակիրներ հայ էին ծագմամբ և կառավարեցին երկիրը 200 տարի շարունակ: Այդ կայսրների իշխանութիւնը կործանիչ էր հայերի համար, որովհետև նրանք բազմաթիւ հայեր գաղթեցրին Բալկանեան թերակղզին կամ թշնամուդէմ կուռելու և կամ անմարդի տեղերը բնակելի գարձնելու համար:

Գաղթային մի մեծ հոսանք էլ սկսուեց Կիլիկիայից Ռուբինեան թագաւորութեան վերջանալուց յետոյ. հայերը նախ անցան մօտակայ Կիպրոս, Հոռոոս և Կրետէ կըղզիները, իսկ այստեղից դէպի Խտալիայի շահաստան քաղաքները. Պիզա, Ջենովա, Վենետիկ և այլ տեղեր. խիստ բազմամարդ և հարուստ էին հայերը Վենետիկում. կաթոլիկ հոգեորականների հալածանքից նրանք բոլորը խառնուեցան և կորան խտալացոց մէջ:

Գաղթային մի խոշոր հոսանք էլ կասպից ծովի վրայով անցաւ դէպի Թաթարաստան (Ղազան և Աշտարխան) Վոլգայի ափերը. հայերը թաթարաց բանակում առևտրականներ էին զէնքը ձեռին. պատերազմի ժամանակ նըրըանք զինուած օգնում էին թաթարներին, իսկ խաղաղ ժամանակ զբաղուած էին առևտորի: Կիսարարարոս թաթարների բռնութիւններից դժգոհ հայերը դաշն կապեցին ջենովացիների հետ, որոնց ձեռին էր գտնուում

այդ ժամանակ Խրիմը: Հայերը զէնքով ճանապարհ բաց արին իրանց համար և եկան հաստատուեցան Խրիմի թերակղում, ուր շուտով բազմացան ու հարստացան: Այնուհետև Խրիմի թերակղին փախստական հայերի սիրած գաղթավայրերից մինը դարձաւ: Սակայն հայերի ասողը շուտով թեքուեց, երբ մի կողմից թաթարները, միւս կողմից օսմանցիք սկսեցին սպառնալ և տիրել Խրիմին:

Այնուհետև 100,000 հայերից մի մասն ստիպուած գաղթեց Լեհաստան, միւս մասը կոտորուեց, երրորդ մասըն էլ անցաւ Մոլդովալաքիա (Ռումինիա): Խրիմում հայերի թիւն այսօր հազիւ 10,000 հոգու է հասնում. որոնց մի մասը հայ կաթոլիկ է: Ռումինիայի հայերի թիւը մօտ 14,000 է, որոնք խիստ հարուստ և բարեկեցիկ կեանք ունին, պարապում են մեծ մասամբ զիւղատնտեսական զանազան ճիւղերով և մեծ կալուածատէրեր են:

Մոլդավիայից հայերն անցան Տրանսիլվանիա և հիմնեցին հայաքաղաք, Գերլա և Պաշպալով քաղաքները: Նըրանք իրաւունք ստացան ներքին ինքնավարութեան և քաղաքի բոլոր գործերը, դատավարութիւն և ոստիկանութիւն կատավարուում էր հայ ծերակոյտի ձեռքով: Սրանք բոլորը կաթոլիկ են և լեզուն մոռացած, միայն եկեղեցական ծէսը կատարուում է հայերէն: Սրանք բոլորն էլ հարուստ են ու մեծափարթամ, ումանք նշանաւոր դիրքի և աստիճանի հասած՝ աղեցութիւն ունին նոյն իսկ ունգարական պարլամենտում:

ԼԵՀԱՍՏԱՆԻ ՀԱՅԵՐԸ

Հայերը Լեհաստան գաղթեցին Բագրատունեաց անկումից յետոյ, Ալֆասալանի ժամանակ և Խրիմից, երբ նըրան տիրեցին օսմանցիք: Մի ժամանակ հայ գաղթական-ների թիւն հասաւ 200,000 հոգու Լեհաստանում: Հայերի ընակութեան զիւղաւոր վայրերն էին. Իլվով կամ Լեմբերդ և Կամենեց: Հիմա զուտ հայ ընակչութեամբ մնացել է

Կուտի քաղաքը, ուր ապրում են մօտ 4000 հայ և դեռ խօսում են հայերէն¹⁾:

Լեհ թագաւորները կամենալով ծաղկեցնել առևտուրն իրանց երկրում, սիրով էին ընդունում հայերին և արտօնութիւններ տուին նրանց:

Կամենեցի և Իլվովի հայերն իրաւունք ստացան ներքին ինքնավարութեան, որ կոչւում էր Վոյթ: Վոյթը բաղկանում էր 12 հայերից, որոնք ընտրովի էին և կառավարում էին հայոց գործերը ազգային սովորոյթով և Մխիթարյաց գօշի Դատաստանագրքով: Դատավարութիւնը հայերէն էր. Անիի բարբառով, սակայն երբ Թաթարստանի հայերն եկան Լեհաստան, գործերն սկսեցին վարել նաև թաթարերէն, որովհետև նրանք մայրենի լեզուն մոռացել էին: Շուտով հայերն իրանց ձեռն առնելով երկրի հարստութիւնը, հասան, բարձր դիրքի և ազդեցութեան. հիմնեցին մեծամեծ եկեղեցիներ ու վանքեր. մինչև անգամ տպարան: Սակայն հայերի հանգիստը շուտով վրդովուեց: Պարսից հալածանքներից փախչելով, Լեհաստան էր եկել Մելքիսեդեկ կաթողիկոսը: Սա հակառակ ժողովրդի ցանկութեան ծածուկ Նիկոլ Թորոսովիչ անունով մի անբարոյական մարդու ձեռնադրեց եպիսկոպոս և հրամայեց ժողովրդին, որ հնագանդին Նիկոլին իբրև առաջնորդը անպատուելով դուրս արաւ եկեղեցուց կաթուղիկոսի նուիրակներին. ժողովուրդը գայթակղած ուզեց դատի կանչել Նիկոլին. իսկ սա կառավարութեան առաջ յայտարարեց. որ կաթուղիկոսի նուիրակը մի թուրք լրտես է և եկել է Լեհաստանը լրտեսելու: Այսպիսով Նիկոլն ազատուեց դատից և այնուհետև իր հարազատ ժողովրդին հալածելու համար զիմեց եզուխաների օգնութեան, որոնք այս ժամանակ մեծ գեր էին խաղում Լեհաստանում: Նիկոլը եզուխաներին խոստացաւ ուրանալ իր հաւատը և ճանաչել պապի իշխանութիւնը: Այնուհետև եզուխաները պահանջեցին, որ եկեղեցին բաց անեն և

¹⁾ Կարգա. «Այց Լեմբերդի հայերին». Հայ-հեղինակներ, երես 254.

յանձնեն Նիկոլին. Երբ հայերը մերժեցին, նրանք զինուորների միջոցով կոտրեցին եկեղեցու գոները և եկեղեցին յանձնեցին Նիկոլին:

Նիկոլը գրաւեց և հայոց միւս եկեղեցիներն ու նրանց կալուածները. փակեց բոլորը և ժողովրդին միանգամայն զրկեց հոգևոր պիտոյքից: Հայերը դիմեցին կաթուղիկոսին. սրա միջնորդութեամբ Վլադիսլաւ թագաւորը և իլվովի կաթողիկ եպիսկոպոսը խղճացին հայերին և հրամայեցին, որ Նիկոլը եկեղեցիները ժողովրդին տայ: Երբ եղուիտները մերժեցին այս հրամանը, թագաւորը ինքը գնաց եկեղեցի, որ ժողովրդին յանձնէ: Խորամանկ Նիկոլը եղուիտների խորհրդով դուրս եկաւ թագաւորի գիմաց եկեղեցական զգեստով և հաղորդութեան սկիհը ձեռին: Թագաւորը չհամարձակուեց նրան ձեռ տալ: Յուսահատ հայերը դիմեցին Հռոմ, բայց այնտեղ էլ եղուտների սիջոցով յաղթութիւն տարաւ Նիկոլը:

Կորին ստացել էր խիստ ծանր կերպարանք: Նորածին մանուկները մնացել էին անկնունք. հարսներն անպսակ, մեռեներն անթաղ:

Շատերն իրանց հոգևոր պէտքերը լրացնելու համար գնում էին ուրիշ քաղաք. Երբ վերադառնում էին, Նիկոլը նրանց ենթարկում էր տուգանքի: Մի բան էր պահանջում հաւատուրացը. «ուրացէք հայրենի կրօնը»:

Այս հալածանքի պատճառով Լեմբերդի 50,000 հայերի մեծ մասը գաղթելով ցըռւեցան զանազան տեղեր և աեղում հազիւ մնաց 5000 հոգի:

Երբ այսպէս կործանեց ու ոչնչացրեց իր հօտը, նոր խելքի եկաւ անօրէնը և կամեցաւ բանը հաշտութեամբ վերջացնել: Դիմեց Փիլիպոս կաթուղիկոսին, որ այդ ժամանակ Պոլիս էր գտնում և մեղայ եկաւ. կաթուղիկոսը նրան ներեց և զրաւոր խոստում առաւ, որ իր հօտը էջմիածնից չի բաժանի և հայ ծէսը կմնայ: Իլվովցիք չը հաւատացին Նիկոլին, բայց զիջելով կաթուղիկոսի նոութակին, հաշտուեցան Նիկոլի հետ: Վերջինս մեծերից յոյ-

աը կտրելով, աշխատեց մանուկ սերունդը կրթել կաթովիկ հոգով և իլվովում բաց արաւ մի դպրոց:

Նիկոլի սկսածը շարունակեց և իր նպատակին հացըց նրա աշակերտ Վարդան Յունանեան կրօնաւորը: Նա իլվովի հայ ժողովրդին իսպառ բաժանեց մայրենի եկեղեցուց և միութիւն հրատարակեց Հռոմի հետ (1689 թ.):

Այդ օրուանից Լեհաստանի հարուստ ու փառահեղ գաղթականութիւնն հետզիւտէ նուազելով, այսօր հազիւ 5000 հայ են մնացել:

ՀՆԴԿԱՍՏԱՆԻ ՀԱՅԵՐԸ

Հայերն Հնդկաստան անցան Պարսկաստանից, գլխաւորապէս Նոր-Զուղայից և այստեղ էլ տեղական իշխաններից մեծամեծ արտօնութիւններ ստանալով, մեծ հարըստութիւն դիզեցին և սկսեցին գեր խաղալ որպէս զինուորական ու քաղաքական խոշոր պաշտօնեաններ: Հնդկաստանում հայոց թիւը 10,000-ից աւելի չէ եղել, այն էլ ցըռւած այդ ահազին թերակղու զանազան քաղաքներում. Պուրատ, Մաղրաս, Կալկաթա, Չիչա և Բօմբէյ:

Երբ անգլիացիք աչք դրին ձեռք գցելու Հնդկաստանը, հայերը պատուաւոր միջնորդի գեր կատարեցին: Արևելեան Հնդկաստանի ընկերութեան անդամներից էին և մի քանի նշանաւոր ու ազգեցիկ հայեր:

Հայ գաղթականների մէջ Հնդկաստանի հայերը քանում են առաջին տեղը նրանով, որ իրանք մեծ հոգ տարան ուսումն ու կրթութիւնը արածելու թէ իրանց մէջ և թէ բնիկ հայրենիքում:

Նրանք իրանց առասպեկտական հարստութեան հետ մի քանի անգամ ծրագիրներ յղացան Հայաստանը փողով աշատելու և զրա համար զբագրութեան մէջ մտան նոուաց կայսրների հետ:

Քաղաքական այդ զբագիրները թէպէտ վիժեցին, բայց մեր մտաւոր կեանքում նրանք պատուաւոր տեղ են բըռնում: Առաջին հայ թերթը լոյս տեսաւ Մաղրաս քաղա-

քում 1793 թ. «Ազգարար» անունով՝ Ամենահին քրիստոնեայ եկեղեցին Հնդկաստանում, Զիջրայի հայոց եկեղեցին է, հիմնուած 1695-ին:

Նշանաւոր է և Կալկաթայի հայոց եկեղեցին իր գեղեցիկ զանգակատնով և «հայոց հիւրանոցով», ուր ամեն մի պանդուխտ հայ իրաւունք ունի Յ ամիս ձրի ապրելու:

Կալկաթայում 1840 թուականներից սկսաւ իր գործունէութիւնը «Սրարատեան ընկերութիւնը», որ հիմնեց «Մարդասիրական ճեմարան», մամուլ և տպարան: Այդ ընկերութեան աջակցութեամբ և Մեսրոպ Թաղեադեանի խմբագրութեամբ երկար ժամանակ լոյս էր տեսնում «Ազգասէր» լրագիրը: Դա անդրանիկ լրագիրն էր, որ գործ էր ածում մեր արևելեան աշխարհաբար լեզուն: Կալկաթայի պէս հայերն ունէին եկեղեցի, դպրոց, հիւրանոց ու տպարան նաև Մադրասում:

Մադրասայի հարուստ Սամուէլ Մուրատը մի մեծ գումար թողեց Միփթարեաններին, որով բացուեց Մուրատեան դպրոցը: Մի ուրիշ մեծահարուստ, Ռափայէլ Ղարամանեան, նոյնպէս բաց արաւ Վենետիկում Ռափայէլեան դպրոցը. 1870-ին այս երկու դպրոցները միացան Մուրատ. Ռափայէլեան անունով և գոյութիւն ունին ցարդ Վենետիկում Միփթարեանների հսկողութեան տակ:

Նոյն Հնդկաստանի հայերն էին որ մի քանի հարուստ կտակ թողին Նոր-Նախիջևանի հայոց անունով դպրոց բանալու²⁾:

Անգլիացոց տիրապետելուց յետոյ Հնդկաստանի հայերը չդիմանալով մրցման, կորցրին իրանց նշանակութիւնը և ցրուեցան Հնդիկ արխիպելագոսի զանազան կղզիները գլխաւորապէս Զաւա, այնտեղից էլ սնցան մինչև Զինաստանի ափերը:

1) Կարգա «Միփթարեաններ ուղուածը». Հայ Հեղինակներ. Գ. տպ. էջ 310:

2) Կարգա, Հայ հեղինակներ. Միքայէլ Նալբանդեանի կհնասպրութիւնը, երես 60. «Հնդկաստանով հայերը». եր. 267. և Թաղիադեանի կենսագրութիւնը էջ 5:

ՈՒԽԱՍՏԱՆԻ ՀԱՅԵՐԸ

1659-ին Պարսկաստանի հայ առևտրական մի ընկերութիւն կամենալով Ռուսաստանում առևտրի արտօնութիւն ստանալ, մի թանկագին ընծայ ուղարկեց Ալէքսէյ Միխայիլովիչ թագաւորին: Դա թանկագին մի զան էր, զարդարուած ակնեղէններով, որ շինել էին հայ արհեստաւորները: Կազմուեցաւ մի առևտրական դաշինք, որով Հնդկաստանի և Պարսկաստանի ապրանքները կասպից ծովով հայերը տանում էին Ռուսաստան, իսկ այնտեղից դուրս էին տանում թանկագին մորթիներ ու մետաղներ:

Կետրոս Մեծն էլ ի նկատի ունենալով իր երկրի բարդաւաճումը, ամեն կերպ աշխատում էր հայերին գրաւել Ռուսաստան: Առաջին թթենին տնկողը և մետաղն առաջին գործարան հիմողը Ռուսաստանում հայերն էին:

Պետրոս Մեծի հետ էր, որ Ղարաբաղի հայ մելիքներն սկսեցին իրանց քաղաքական յարաբերութիւնները:

Տանութերորդ դարում Ղարաբաղը բաժանուած էր հինգ մելիքութիւնների, որոնք կոչւում էին Խամսայի մելիքներ (հինգ մելիքներ). Ջրաբերդ, Գիլիստան, Վարանդա, Խաչէն և Տիգակ: Բնակիչների թիւը մօտ 300,000 էր, որոնց երկու երրորդը հայ, մի երրորդը մահմեդական էր:

Այդ ժամանակները Եւրոպայից Ղարաբաղ, իր հայրենիքը, վերադարձաւ Խորայէլ Օրին. նա երկար ժամանակ ապրելով Ֆրանսայում և Բաւարիայում, հմտացել էր զինուորական արուեստին, գրաւել էր ՊՓալցի իշխանի սիրաը և նրա հաւանութիւնն առնելով, կամենում էր բաւարական զօրքերի և Ղարաբաղի մելիքների օգնութեամբ աղատել արևելեան Հայաստանը. 1699 թ. մելիքները գաղտնի ժողով կազմեցին Օրիի ղեկավարութեամբ և աղերսական թղթեր ուղարկեցին Պետրոս Մեծին, Բաւարիայի իշխանին և Հոռմի պապին:

Այդ թղթերն յանձնուեցան Օրիին և Մինաս վարչապետ Տիգրանեանին:—

Պետրոս Մեծը հանձարեղ հեռատեսութեամբ հասկացաւ այս պատգամաւորութեան նշանակութիւնը և անմիջապէս Օրիին դեսպանութեամբ ուղարկեց Պարսկաստան, որի նպատակն էր լրտեսել թշնամու երկիրը և ուսքի կանգնեցնել հայերին: Օրին աջողութեամբ կատարելով դեսպանութիւնը, յայտնեց կայսրին, որ հայերն ամեն բոպէ պատրաստ են կայսրին օգնելու:

Երբ Պետրոս Մեծը տիրեց Դերբենդին ու Բագուին, հայ մելիքները վրաց Վախթանգ թագաւորի հետ զօրքով ընդ առաջ գնացին դէպի կասպից ծովը, բայց ուստաները յանկարծ թողին զրաւած երկիրները և հեռացան: Հայերի այս վարմունքը զայրացրեց Օսմանցիներին, որոնք յարձակուեցան և գրաւեցին Ղարաբաղը. այդ ժամանակ էր ահա, որ տեղի ունեցան Դաւիթ բէպի կոփառերը: Վերջի վերջոյ մելիքները Ռուսաստանից յուսախար զառնալով, ճանաչեցին Նադիր Շահի գերիշմանութիւնը:

Այնուհետև Խամսայի մելիքութեան մէջ սկսուեց ներքին կռիւ: Մելիք Շահնազարն սպանելով իր աւագ եղբօրը, խեց նրանից Վարանդայի իշխանութիւնը: Նրա այս վարմունքը պատեղ կամեցան Զրաբերդի Մելիք Աղամը և Գիւլիստանի Մելիք Ուսուփը: Մելիք Շահնազարն իր աղջիկն ու Շուշու Բերդը տալով Փանահ-խանին, դուրս եկաւ հայ մելիքների դէմ: Տասներկու տարուալ անըդ-հատ կոփառերից յետոյ Մելիք Աղամն ու Մելիք Ուսուփը յաղթուած՝ փախան Վրաստան և նրանց երկիրներին տիրեց Փանահ-խանը. նրանք կրկին տէր դարձան իրանց երկիրներին Փանահի իշխանութիւնը ճանաչելուց յետոյ:

Հայոց յարաբերութիւնները Ռուս-արքունիքի հետ վերստին նորոգուեցան Եկատերինէ Բ. կայսրուհու օրով: Այժմ հայոց գործերը վարողը Յովսէփի եպիսկոպոս Արզութեան Երկայնաբազուկն էր, որ վերջն ընտրուեց կաթողիկոս:

Պարսկաստանի խոռվութիւններից օգտուելով ուսւ

զօրքերը գրաւեցին Կասպից ծովափնեայ քաղաքները, և հասան ու տիրեցին Շամախի քաղաքին: Մելիք Աղամի և Ուսուփի որդիքը, Մէջլում և Աբով, մելիք Բախտամի հետ (Տիգակի մելիք) կրկին հաւատարմութեան թուղթ տուին ուռւաներին: Այս թուղթը խիստ թանկ նստեց հայերին, որովհետեւ Փանահ-խանի որդին իբրայիմ, տակն ու վրա արաւ մելիքների երկիրը և ժողովրդից մի ահազին հատուած ստիպուած գաղթեց Վրաստան, Ղղար և Աժտար-խան:

Իբրահիմ խանը չէր ուզում ճանաչել Մամադ խանի գերիշմանութիւնն, ուստի 1795-ին Աղա-Մամադ խանն յարձակուեց Ղարաբաղի վրայ և պաշարեց Շուշին, Իբրահիմի հետ այս անգամ միացել էին և հայ մելիքները, բացի մելիք Մէջլումից: Շուշին չառած շան ուղերուեց Վրաստան և թեթև պաշարումից յետոյ տիրեց Թիֆլիզին:

Աւերն ու կոտորածը Թիֆլիզում տևեց երեք օր ու գիշեր, 12,000 հայ և 4,000 վրացի մանուկ և աղջկի գերի տարուեցան: Յաջորդ տարին Շուշին արդէն առնուած էր. բայց հայ մէլիքներն ազատուեցան պատժից, որովհետեւ Շահի սենեկապետը սպանեց իր իշխանաւորին քնած ժամանակ և պարսից զօրքերը հեռացան Շուշուց (1797): Շուստով Ղարաբաղին տիրեց Պատեօմկին զօրավարը:

ՊԱՐՍԻՑ ՆՈՐ ՅԱՐՉԱԿՈՒՄՆԵՐԸ

Ֆաթալի շահի որդին՝ Արաս Միրզան կամենալով նորէն ետ առնել ուստաց զրաւած երկիրները՝ կրկին պատերազմ հրատարակեց: Կոիւլ տևեց մի քանի տարի. ուստաները սակաւաթիւ էին, բայց նրանց մեծ օգնութիւն էին հասցնում հայերը զէնքով, կամաւոր զօրքով և պաշարով, մինչև որ Արաս Միրզան ստիպեց հաշտութիւն խնդրել: Գիւլիստանի դաշինքով 1813-ին Ղարաբաղը մնաց ուստաներին:

1826-ին Արաս Միրզան կրկին անցաւ սահմանը և 80,000 զօրքով Շուշին պաշարեց: Զնայելով սուս զօրքի թիւը խիստ քիչ էր բերդում և պաշարը սակաւ, բայց

հայ բնակիչների անձնուէր քաջութեամբ պաշարեալներն աշողութեամբ դիմագրում էին թշնամուն: Արաս Միրզայի առաջն առնելու դուրս եկաւ իշխան Մատաթեանը, Թիֆլիզից: Շամքորի մօտ նա ջարդեց պարսից սուաջապահ գունդը և խելով նրանց ուզմամթերքը շտապեց դէպի Գանձակ, ուր տեղի ունեցաւ զլխառոր ճակատամարտը. Արաս Միրզան յաղթուեց ու հալածուեց:

Այնուհետև Մատաթեանը անցաւ պարսից սահմանը, մտաւ Հարազաղ և տիրեց Ահար քաղաքին:

Միւս կողմից դէպի պարսից սահմաններն առաջացաւ զլխառոր հրամանատար Պասկեիչը. Նրան ընկերացած էր Ներսէս Եպիսկոպոսը, որ առաջնորդում էր հայկամատորների խմբին: Շուտով առնուեց Էջմիածինը. Սարդարաբադը, Նախիջևանը, Երևանը և ամբողջ Պարսկահայաստանն անցաւ ուռւաց ձեռը:

Այնուհետև ոռւսները մտան բուն Պարսկաստան, տիրեցին Ատրպատականին, Ուրմիային և հասան մինչև Թաւրիք: Այստեղ պարսիկներն հաշտութիւն խօսեցին և Թուրքմէնչայի դաշնադրութեամբ Արաքսը ճանաչուեց սահմանագիծ երկու տէրութիւնների:

Այս հաշտութիւնից յետոյ ոռւսաց առաջնորդութեամբ 40,000 հայ թողին իրանց տուն ու տեղը և գաղթեցին դէպի Ոռւսահայաստան:

Նոյն տարին Պասկեիչն ստիպուած էր իր զէնքն ուղղել տաճկաց դէմ: Նա շտապով տիրեց Կարսին, առնելուեց Ախալցխան ու Արտահանը և զօրքը հետզետէ կենդրունացաւ էրզրումի մօտքերը, ուր երկու ճակատամարտումն Օսմանցիք չարաչար յաղթուեցան:

Էրզրումը, չընայելով իր ուզմական ամրութիւններին, շուտով անձնատուր եղաւ: Ոռւսաց բանակը հասել էր մինչև Աղրիանոպօլիս: Այդտեղ էլ Կայացաւ հաշտութիւնը, որով Ոռւսաստանին մնաց Ախալցխան, Ախալքալաքը, Անապան և Փոթին: Այդ պատերազմի ժամանակ էլ մօտ 90,000 հայ Կարապետ եպիսկոպոսի առաջնորդու-

թեամբ Տաճկաստանից գաղթեցին դէպի ոռւսաց սահմանները և հաստատուեցան Աքբարանդրոպօլի, Ախալքալաքի, և Ախալցխայի գաւառներում:

ՊՈԼՈԺԵՆԻՔ, ԴՊՐՈՑՆԵՐ, ՄԱՄՈՒԼ.

Էջմիածնին տիրելով, Ոռւսաստանը տէր դառաւ գրեթէ ամբողջ հայութեան սրտին: Հարկաւոր էր որոշել Էջմիածնում նստող կաթուղիկոսների իրաւասութեան սահմանը և ապա 1836 թ. Յովհաննէս Կարբեցի կաթուղիկոսի օրով կազմուեցաւ մի կանոնադրութիւն, որ կոչւում է պօլօժենիչ: Այս օրէնքով հայ եկեղեցու գլուխ և պետ ճանաչում է հայ-ընդհանրական կաթուղիկոսը: Նրա ընտրութեան մասնակցում են համայն հայերն Էջմիածնի տաճարում, իրանց պատգամաւորների միջոցով: Ընտրուածը հաստատում է ոռւսաց կայսեր ձեռքով:

Կաթուղիկոսին օգնում է Սինողը, որ ունի ութ անդամներ: Անդամներին ընտրում է կաթուղիկոսը և հաստատում կայսրը: Սինողի ատեանապետը վեհափառ Հայրապետն է: Սինողի հսկողութեան տակ են գտնւում ոռւսահայոց գրեթէ բոլոր հոգևոր գործերը: Սինողի իրաւասութիւնը արտասահմանի հայութեան վրայ չի տարածում:

Սինողը գտնւում է Ներքին գործոց նախարարութեան հսկողութեան տակ: Տէրութեան կողմից սինողում շարունակ մասնակցում է մի պաշտօնեայ, որ կոչւում է պրօկուրօր:

Նա հսկում է, որ պետական օրէնքներին հակառակ որևէ գործ չկատարուի Սինողում:

Ոռւսաստանի հայութիւնը բաժանվում է վեց թեմերի. Երևանի, Թիֆլիզի կամ Վրաստանի, և Իմերեթի, Շուշու, Շամախի, Բեսսարաբիայի և Աստրախանի: Թեմերը կառավարում են առաջնորդներն իրանց ստորագրեալ կոնսիստորիաներով և հոգևոր ատեաններով: Սրանք բոլորը ենթակայ են սինողին: Հոգևոր պիտոյըներին բաւարարու-

թիւն տալու և կրթուած հոգեորականներ պատրաստելու համար ամեն մի թեմում օրէնքով պիտի լինի մի մի ժողովոր միջնակարգ դպրոց:

Այդպիսի դպրոցներից ամենահինն ու յայտնին Ներսիսեան դպրոցն է, Թիֆլիզում, որ հիմնեց Ներսէս Եպիսկոպոսը (ապա կաթուղիկոս) 1825 թ.: Այս դպրոցի գերը ուսուահայ լուսաւորութեան գործում շատ մեծ ու նշանաւոր է: Սա առաջինն էր, որ տարէց տարի ստուար բազմաթիւ կրթուած սերունդներ տուաւ կովկասեան հայութեան, որոնք կեանքի ամեն ասպարիզում սկսան մեծ գերխաղալ: Այս դպրոցում հիմնուեց ու զարգացաւ ներկայ աշխարհաբար լեզուն, որա սաներն ու ուսուցիչներն էին առաջին հայ թերթի և հայ թատրոնի հիմնողները Կովկասում: Առաջին տպագրական մամուլը Թիֆլիզում, նոյնպէս այս դպրոցին էր պատկանում: Մայրենի լեզուն մոռացած հայութեան մէջ հայերէն նորէն տարածողը այս դպրոցի սաներն եղան: Գաւառական դպրոցների ուսուցիչների ստուար բազմութիւնը միշտ եղել են այս դպրոցի սաները, ինչպէս նաև քիչ թէ շատ կրթուած քահանաներն ու վարդապետներն ամբողջ Կովկասում:

Հայերի լուսաւորութեան գործին նպաստեց նաև Լազարեան ճեմարանը Մոսկուայում, որ հիմնել էր Յովակիմ Լազարեանը 1815 թ.: Այդ դպրոցից էլ գուրս եկան նշանաւոր հայ ուսեաներ ու հեղինակներ և այդ դպրոցի շուրջն էին խմբուած մի ժամանակ հայ մամուլի ներկայացուները:

Լազարեան տոնմը բացի այդ դպրոցից երկու դար շարունակ ահազին ծառայութիւններ է մատուցել հայ ազգին իր հեռատես գործունէութեամբ:

Լազարեանները չին Զուղայից էին, որոնք Շահ.Աբասի սի սահիպմամբ գաղթեցին և հաստատուեցան Սպահան, այնտեղ նրանք հայոց ազգապետ էին ճանաչուած և պարսից գանձարանի տեսուչ էին:

Պարսկաստանի խոռվոյթների ժամանակ նրանք գաղթեցին Ռուսաստան և բնակութիւն հաստատեցին Մոս-

կուա: Այստեղ նրանք հիմնեցին մետաքսի գործարան, որով արժանացան Եկատերինէ կայսրուհու ուշագրութեանը և ստացան ազնուականութիւն:

Լազարեաններն այնուհետև մօտիկ յարաբերութեան մէջ էին ուսու արքունիքի հետ և շարունակ բարեխօս ու միջնորդ էին հայ-ազգի և ոսու արքունիքի յարաբերութիւնների ժամանակ:

Նրանք իրանց ծախքով կառուցին Մոսկուայի և Պետերբուրգի հայ եկեղեցիները և առատ ու հաստատուն եկամուտներով ապահովեցին: Նրանց շնորհիւ Աստրախանի, Ղզլարի, Մողգոկի և Նոր-Նախիջևանի հայերը բաւական խոչըր արտօնութիւններ և աջակցութիւն ստացան կառավարութիւնից:

Ռուսաց տիբապետութեան և հին-Հայաստանի սահմանները կրկին գաղթեցրած հայերի շնորհիւ կովկասը մի նոր կեանք առաւ, երկու կողմի համար էլ շահաւէտ: Հայերն ուսուաց հովանաւորութեան տակ վերջապէս հասան իրանց գարերով կորցրած ու որոնած նպատակին: Կեանքի, գոյքի, կրօնի ու լեզուի ազատութեան և այնուհետե նուիրուեցան իրանց սովորական պարապմունքներին: Երկրագործութեան, արհեստների, ուսման և առևտրի: Ռուսաց համար էլ դա շահաւէտ էր, որովհետև նոր տիբած կիսաւեր ու վայրենացած երկրում նրանք ի դէմս հայերի գտան մի ժիր, հաւատարիմ, ընդունակ ու աշխատասէր ժողովարդ, շնարար և լաւ հարկատու, որ գիտէր երկի մշակել և արդիւնաբերութիւնը ծաղկեցնել: Կեանքի և բը գոյքի ապահովութիւնը բարւոքեց հայերի տնտեսական գրութիւնը: Նրանք այնուհետև մտածեցին նաև ուսման և կրթութեան մասին, մի մասը մտաւ պետական դպրոցները, միւս մասը հայ ծիսկան կամ միջնակարգ դպրոցները, որոնք հետզհետէ սկսան աճել ու տարածուիլ:

Սկսան դպրոցներ բացուել նաև աղջկանց համար, որոնցից անուն հանեցին մանաւանդ Գայիխանեան և Յովհանեան ուսումնաբանները Թիֆլիզում:

Պարբերական մամուլն էլ առաջինն սկսուեց Թիֆլիզում

Կովկաս թերթն էր, որ հրատարակուել սկսուեց փոխարքայ Վարօնցովի նախաձեռնութեամբ ոռուսերէն և հայերէն 1847 թ.: Դրա խմբագիրները ներսիսեան դպրոցի ուսուցիչներն էին: Կովկասը դադարելուց յետոյ 1850-ին ըսկուեց «Արարատ» աշխարհաբար թերթը Գաբրիէլ քահ. Պատկանեանի խմբագրութեամբ: Պարբերական մամուլի մէջ ամենից մեծ դեր կատարողն ու մեծ ազդեցութիւն թողնողը եղաւ «Հիւսիսափայլ» ամսաթերթը, որ հիմնուեց Մոսկուայում 1858-ին Ս. Նազարեանի խմբագրութեամբ և Միքայէլ Նալբանդեանի աշխատակցութեամբ: Այսուհետեւ հայ մամուլն աճեց ու բարգաւաճեց զիսաւորապէս Թիֆլիզում զարկ տալով հայ կեանքի բազմակողմանի քննադատութեան և զարգացման: Այդ կողմից առաջնութեան և տեսականութեան դափնին պատկանում է Գ. Արծրունու հիմնած «Մշակ» լրագրին:

Միայն պարբերական մամուլը չէր բարգաւաճողը. առաջ եկան տաղանդաւոր ու բեղմնաւոր գիտնականներ, բանաստեղծներ, վիպասաններ, թատրերգուներ, դերասաններ, երաժիշտներ, նկարիչներ, ու ճարտարապետներ: Հայ ազգը ցոյց տուաւ, որ ընդունակ է ըմբռնելու եւրոպական կուլտուրայի բազմազան ճիւղերը, իւրացնելու այն և պատուաստելու իր մանուկ սերնդին:

Աբովեանը, Գամառ-Քաթիբան, Պոօշեանը, *) Ռաֆֆին, Սունդուկեանը, գերասան Ամերիկեանն ու Զմշկեանը, Միքայէլ Նալբանդեանն ու Շահ-Ազիզը ցոյց տուին, որ Խորենացիների և Եղիշէների տաղանտը դեռ մեռած չէ հայ ազգի մէջ:

Հիմնուեցան այսուհետեւ մարդասիրական և բարեգործական ընկերութիւններ կրթական կամ բարեգործական նպատակներով: Թիֆլիզում հիմնուեց գրքեր հրատարակելու մի ընկերութիւն: Գաւառներում ծխական դպրոցների կողքին բաց արին էժանսպին գրադարաններ ու

*) Սրանց բոլորի մասին կարդա Հայ-Հեղինակներ:

ընթերցարաններ, ուր հայերէնի հաւասար երբեմն նաև աւելի ստացւում ու կարդացւում էին ոռուսերէն թերթեր ու գրքեր:

ՀԱՅԵՐԸ ԹԻՒՐՑԻԱՅՈՒՄ

Ոչ մի ազգի տիրապետութիւնը հայերի համար այնքան ծանր, երկարատև ու կորստաբեր չէ եղել, ինչպէս թուրքերինը: Թուրքերի քաղաքականութիւնն էր ջնջել տիրած ազգի ազնուական ցեղերին, որոնք այս կամ այն կերպ դեռ կարող էին ձգտում ունենալ ազատութեան: Թուրքերի հասկացողութեամբ հպատակը ռայա-ստրուկ է, որի ինչքը և գոյքը պատկանում է Սուլթանին: Նրանք սովորութիւն ունեին ժողովելու հպատակ ազգերի մանուկներին, թլիփատում էին և մեծացնում իրեւ մահմետական, զբանցից էր կազմում ենիչերի կոչուած արիւնաբու գօրքը: Հարկը հաւաքում էին կապալառուների միջոցով. ուստի հարկանանութիւնը կատարւում էր ծայրայեղ անխիղմ կերպով: Այս ամենը պիտի կը էր օսմանեան հպատակ հայը, զրա համար էլ Հայաստանի աւերածութիւնն ու աղքատութիւնը, ժողովրդի տղիտութիւնն ու կուլտուրական անկումը հասաւ ծայր-աստիճանի: Հայը իրաւունք չունէր զէնք կրելու և հագնելու այն հագուստը, որ որոշուած էր մահմետականի համար:

Այսպիսի ճնշումների տակ աղքատացած ժողովուրդն ստիպուած էր պանդիտելու ծովափնեայ քաղաքներն ու Պօլիս, ուր նա սկսում էր պարապել արհեստներով և առեստով: Որովհետև քաղաքներում, եւրոպայի ազդեցութեան տակ, քիչ թէ շատ կեանքի ապահովութիւն կար, հայերը վաճառականութեան և արհեստների շնորհիւ ձեռք բերին բաւական մեծ հարստութիւն և իրանց ձեռը կենդրոնացըին առևտորի խոշոր ճիւղերը: Հարստութեան մի այլ աղբիւր էլ տէրութեան կապահներն էին որ վերցնում էին հայ վաճառականները:

Այսպէս հարստացած հայերից մեծամեծները կոչւում

Էին ամիրա և շնորհիւ իրանց վայելած դիրքի կառավարութեան առաջ, մեծ ազդեցութիւն ունէին հայերի ներքըին գործերի վրայ:

Օսմանեան կառավարութիւնը հայոց ներքին կեանքին շատ չէր խառնուում, թողնելով կառավարութիւնը գլխաւորապէս հայ հոգեորականներին, որոնց գլուխ ճանաչւած է հայոց պատրիարքը Կ. Պօլսում: Առաջինը Յովակիմ եպիսկոպոս Բրուսայի առաջնորդն էր, որ 1461-ին հաստատուեց հայոց պատրիարք և նրան յանձնուեց աշխարհիկ և հոգեոր գործերի վարումը:

Պատրիարքներն ընտրւում և տապալւում էին մեծ մասսամբ նշանաւոր ամիրաների կամքով. նրանց խորհրդով էլ պատրիարքը կառավարում էր հայ ազգի գործերը: Պատրիարքն իր հաստատութեան համար տէրութեան մի որոշ տուրք պիտի տար. սա մի չարիք դարձաւ և անարժան հոգեորականներն այս տուրքը բարձրացնելով մի մեանց ձեռից խլում էին իշխանութիւնը և ապա աշխատում նոյնը կրկնակի հանել ժողովրդից: Այս ամենին վերջ տուաւ Յովհաննէս կոլոտ բաղիշեցին, որ 26 տարի պատրիարք մնալով, բարձրացրեց պատրիարքի դիրքն ու պատիւը: Երուսաղէմի պատրիարքութիւնը նա յանձնեց իր ընկեր Գրիգոր վարդապետին: Այս երկուսը միասին աշխատեցան և պայծառացրին Երուսաղէմի վանքը: Գրիգոր պատրիարքը ութ տարի վիզը շղթայ քցած շրջեց, փող հաւաքեց և պարտքից ազատեց Երուսաղէմի հայոց վանքը, դրա համար էլ կոչուեց շղթայակիր:

ԿԱԹՈԼԻԿ ՀԱՅԵՐԻ ԽՆԴԻՐԸ

Մինչդեռ հայ պատրիարքները կաշառներով աշխատում էին իշխանութեան գլուխ անցել և մինը միւսին տապալել, կաթոլիկ հոգեորականները, մասնաւորապէս եղութաները բուն էին դրել Կարին, Գերջան, Կարս, Կ. Պօլիս և սկսել էին քիշ-քիչ իրանց որոգայթների մէջ քցել հայերին:

Կաթոլիկ հայերը բացարձակ ջոկնուել և առանձին եկեղեցի հիմնել անկարող էին, որովհետեւ թուրք կառավարութիւնը վախենալով եւրոպական միջամտութիւնից, այդ թոյլ չէր տալիս և բոլոր հայերի համար պատասխանատու էր ճանաչում միայն հայ պատրիարքին:

Երբ թուրք կառավարութիւնը տեղեկացաւ որ հայ կաթոլիկներ կան, առաջարկեց Պօլոս պատրիարքին, որ բաժանմանը վերջ տայ: Հրամանը յայտնուեց հայ կաթոլիկներին և գործը խաղաղութեամբ վերջացնելու համար որոշեցին ժողով գումարել և փոխադարձ համաձայնութեան գալ: Ժողովի համաձայնութեան թուղթը կարդացուեց մայր եկեղեցում և ստորագրուեց երկու կողմից:

Ժողովրդի մէջ, սակայն, դժգոհներ կային. դժգոհն էին մանաւանդ լատին հոգեորականները: Նրանց դրդմամբ մի հայ կաթոլիկ լուսաւորչականի շորեր հագած սկսեց զրգուել արհեստաւոր հայերին, թէ պատրիարքը ուրացել է Լուսաւորչին և Պատին է ճանաչում եկեղեցու գլուխ: Գրգուռած ժողովուրդը հաւաքուեց մայր եկեղեցի և սկըսաւ պատրիարքից բացարձութիւն պահանջել: Պատրիարքն ապաստանեց մի թուրքի տուն: Ժողովուրդը շարդելով պատրիարքարանի դռները ոչպի չգտաւ այնտեղ:

Հարկ եղաւ զօրքի միջամտութեան, շատերին ձեռքակալեցին և բանտարկեցին ու մի քանիսին էլ կախեցին:

Այս խոռվոյթին վերջ տալու համար Պեղճեան Յարութիւն ամիրայի խորհրդով որոշեցին մի կաթոլիկ վարդապետ ճանաչել հայ կաթոլիկների գլուխ և պատրիարքի փոխանորդ ու նրա միջոցով տէրութեան կարգադրութիւնները յայտնել կաթոլիկ հայերին:

Այս հանգամանքից կաթոլիկներն օգտուելով մատնութեամբ կամեցան բաժանուել հայերից և ունենալ անսութեամբ կամեցան բաժանուել հայերից և ունենալ անկարող պատրիարք: Սակայն Սուլթանը բաւականացաւ հայ կախ պատրիարք: Սակայն Սուլթանը բաւականացաւ հայ կախ պատրիարքի երաշխաւորութեամբ: Այդ ժամանակ սկըսապատրիարքի յունական ապստամբութիւնը և Նաւարինի առաջւել էր յունական ապստամբութիւնը և Նաւարինի առամիացեալ եւրոպացիների ձեռքով այրուեց օսմանեան նախարարմը: Օսմանեան կառավարութիւնը կասկածելով հայ ւատորմը:

կաթոլիկների վրայ որ յարաբերութիւն ունին եւրոպացոց հետ, անասելի բռնութեամբ աքսորել տուաւ Պօլից մօտ 12,009 հոգի. ձմեռուայ ցրտի ու քաղցի պատճառով բազմաթիւ երեխաներ կոտորուեցին:

Պատերազմը վերջանալուց յետոյ աքսորուած հայկաթոլիկները վերադարձան և իրաւունք ստացան անկախ եկեղեցական համայնք կազմելու սեփական պատրիարքի իշխանութեան տակ:

Այս անցքերի մէջ մեծ դեր խաղացողը Յարութիւն ամիրա Պեղճեանն էր, հասարակ ծնողների զաւակ, անսահման բարի, առատաձեռն և պետական մեծ տաղանտի տէր, նա բարձրացաւ իր տաղանտի շնորհիւ և դարձաւ արքունի դրամահատութեան գլխաւոր:

Նա վայելում էր սուլթանի անսահման հաւատը և իր դիրքն ու ազգեցութիւնը գործ էր դնում անխտիր բոլոր ազգերի բարեկեցութեանը նպաստելու:

Նա իր ծախսով շինել տուաւ հայոց և յունաց եկեղեցիներ, հիմնեց ուսումնարաններ: Շինեց Ս. Փրկչի վանքը և հիմնեց ազգային հիւանդանոցը: Հիմնեց մոմարան և իրաւունք ստացաւ մոմավաճառութեան, որից մինչեւ այն ժամանակ զուրկ էին քրիստոնեաները: Պեղճեանը մեռաւ 1833-ին, բոլորն առանց ազգի և կրօնի խարութեան ողբացին նրա մահը:

ԲՈՂՈՔԱԿԱՆ ՀԱՅԵՐԻ ԽՆԴԻՐԸ

Հայ կաթոլիկների հարցը նոր էր վերջացել, որ առաջ եկաւ հայ-բողոքականների խնդիրը: 1830 թուականներից ամերիկացի բողոքական միսիօնարները հաստատուելով իզմիր, Պօլիս, բաց արին դպրոցներ, ուր հայ աղքատ երեխաներին սովորեցնում էին ձրի, կերակրում և միևնույն ժամանակ կրթում աւետարանական ոգով: Մեծերի համար էլ բաց էին արել կիրակնօրեայ դպրոցներ: Նրանք ո. Գիրքը թարգմանեցին աշխարհաբար և սկսեցին ձրի տարածել ժողովրդի մէջ: Հիմնեցին նոյնպէս աշխար-

հարար լրագիր և այսպիսով գրաւեցին բաւականաչափ հետեւողներ: Յակոբ պատրիարքն սկսեց եռանգով ընդդիմանալ բողոքականներին և շատերին աքսորել տուաւ ՓոքրԱսիա: Տեսնելով որ դրանով բանն առաջ չի գնում, սկըսաւ ուշ դարձնել ուսման և կրթութեան վրայ, որի միջոցով միայն կարելի էր կոռուկ միսիօնարների հետ: Ուսման գլխաւոր կենդրոնը Խւալիւտարի ճեմարանն էր՝ հիմնուած 1838-ին, որ դրամական մեծ նեղութեան մէջ էր:

Պատրիարքի խորհրդով որոշուեցաւ ժողովրդից որոշ տուրք առնել ազգային հիմնարկութիւններն ապահովելու համար: Այդ տուրքի գանձելը յանձնուեց ժողովրդից ընտրուած 24 հոգու, սակայն տարածայնութիւն առաջ եկաւ, որովհետեւ ամիրաներն իրանց կողմից այդ ժողովին չուզեցին մասնակցել, անպատճութիւն համարելով հասարակ ժողովրդի հետ գործելը: Ժողովրդի ընտրեալները չկարողացան առանց ամիրաների աշակցութեան գործը վարել. նրանք հարկաւոր դրամը չգտան և հրաժարուեցան գործից: Դպրոցն սկսեց կաղալ: Վերջը երկար կոիւներից յետոյ կառավարութիւնը լսեց ժողովրդի ձայնը և իրաւունք տուաւ ազգային գործերը վարելու 27 հոգուց բաղկացած մի մարմնի, որը պատրիարքից և ամիրաներից անկախ էր (1841 թ.). ամիրաներն ու ժողովուրդը հաշտելով միաբան սկսան գործել այն ժամանակ, երբ պատրիարք ընտրուեց Մատթէոսը:

Ուսւ թուրքական պատերազմների պատճառով տաճկահայոց կապը կտրուել էր էջմիածնից և կառավարութեան հրամանով տաճկահայ եկեղեցիներում հայ կաթուղիկոսի անունը չէր յիշում: Մատթէոս պատրիարքը վերըստին հաստատեց այդ կապը և որոշեց այնուհետև Պօլսի պատրիարքին ճանաչել կաթուղիկոսի փոխանորդ, ուստի պատրիարքին ճանաչել անպատճառ պիտի լինէր էջմիածնում ձեռնադրուած եպիսկոպոս: Մատթէոս կաթուղիկոսի օրով տաճկահայերն էլ պատգամաւորի միջոցով մասնակցին ներսէս Ե-ի ընտրութեան (1843 թ.).

Ազգային սահմանադրութիւն

Մատթէոսի օրով հայոց մտաւոր կեանքը մեծ զարկ ստացաւ Պօլսում։ Հիմուեցան բազմաթիւ թաղական դպրոցներ, բացուեցան ընթերցարաններ։ Ինքը պատրիարքը հիմնեց «Հայաստան» անունով մի լրագիր։ Նա ազգային գործերը վարում էր ժողովրդի աջակցութեամբ։ Այս բանն ամիրաներին դուք չէք գալիս։

Պատրիարքի ինքնիշխանութիւնը սահմանափակելու համար ամիրաները մի հրովարտակ ձեռք բերին, որի զօրութեամբ պատրիարքարանում երկու ժողով պիտի գումարուէր։ Կրօնական և քաղաքական։ Այդ ժողովներին պիտի նախագահէր պատրիարքը և առանց ժողովների որոշմանը ոչ մի գործ պիտի չկատարէր (1847)։

Կրօնական ժողովը բաղկանում էր 14 հոգուց և իրաւունք ունէր կառավարելու ազգի հոգեսոր գործերը, հոգալ ժողովրդի պիտոյքը, պաշտպանել նրան փաշաների և այլազգիների ճնշումներից, առաջնորդները նշանակել և վէճերը քննել։

Քաղաքական կամ գերազոյն ժողովը բաղկանում էր 20 աշխարհիկ անձերից։ Դրա պարտականութիւնն էր հոգալ ուսման, հիւանդանոցների, որբանոցների և այլ այս տեսակ հիմնարկութիւնների կարիքը։ Այդ ժողովների անդամները փոխում էին երկու տարին մի անգամ ընտրութեամբ։ Այսպիսով ամիրաներն իրանց ձեռքով հիմք դըրին ժողովրդական և ընտրական սկզբունքին տաճկահայոց մէջ։

Մի տասը տարի անցնելուց յետոյ այս ժողովները կեանք ու կենդանութիւն ստացան մի խումբ երիտասարդների շնորհիւ, որոնք Պարիզում կրթուած և ֆրանսական ազատութիւնը վայելած, ուղեցան նոյն կարգերը մտցնել և Պօլսի հայոց մէջ։ Որոշուեցաւ մշակել մի մանրամասն կանոնադրութիւն, որով ժողովրդի իրաւունքները լայնացան և ընտրական սկզբունքը հիմք դարձաւ վարչական

գործերի։ Այսպիսով 1860-ին հաստատուեցաւ «Ազգային Սահմանադրութիւնը», որի գլխաւոր կազմակերպողներն էին Պալեան Նիկողայոս, Գրիգոր Օտեան, Ռուսինեան և ուրիշները։

Ազգային սահմանադրութեամբ հաստատուամ էր մի երեսփոխանական ժողով, ընտրուած ազգից։ Սրա անդամների թիւը 140 էր, որից 20-ը եկեղեցական, 40-ը գաւառից ընտրուած աշխարհականներ էին, մնացեալ 80-ը Պօլսի թաղերից էին ընտրուամ։ Սա կոչւում էր Ազգային ընդհանուր ժողով, որը և վարում էր ազգի ընդհանուր գործերը։

Այս ազգային ժողովին էին ենթարկւում կրօնական և քաղաքական ժողովները, առաջինը բաղկանում է 14 հոգերականներից, երկրորդը 20 աշխարհականներից, որոնք և վարում էին ազգի սովորական գործերը։

Նոյն տեսակ ժողովներ կային և գաւառներում, որոնք վարում էին գաւառական գործերը առաջնորդի նախագահութեամբ։

Սահմանադրութիւնն իր դէմ զինեց խաւար ուժերին և առիթ դարձաւ կուսակցական կոիւների։ Տէրութիւնը միջամտեց և սահմանադրութիւնն առժամանակ դադարեց։ Վերջը, ժողովրդի տրտունջին ու բողոքներին բաւականութիւն տալով՝ կառավարութիւնը նորից հաստատեց սահմանադրութիւնը 1869 թ. որի շնորհիւ պատրիարքը ընտրուեց ժողովրդից իսկայ սիրուած Խրիմեան Հայրիկը։

Սա էր որ առաջին անգամ տպարան հիմնեց Հայաստանում, Վարագայ վանքում, բաց արաւ գիշերօթիկ գըպը և սկսաւ հրատարակել «Արծիւ Վասպուրականի» թերթը։

Սրա օրով Ազգային ժողովն առանձին ուշ դարձրեց գաւառական հարստանարութիւնների վրայ, որին ենթակայ էր ժողովուրդը հայ վաշխառուների և մանաւանդ կայ էր ժողովուրդը հայ վաշխառուների կողմից, կազմուեց մի ընդառնակ և քուրդ աւազակների կողմից, կազմուեց մի ընդառնակ և զանիքուն զեկուցագիր եւ մատուցուեց կառավարութեան դաստիարակութիւնը խոստացաւ բարոքել հայերի դրութիւնը։

Այս զեկուցագրով իսկապէս հիմք էր դրւում հայոց խընդին Տաճկաստանում, որի հետևանքները մենք յետոյ կը տեսնենք:

Խրիմեանը հրաժարուեց 1873.-ին և յաջորդ տարին պատրիարք ընտրուեց Ներսէս Վարժապետեանը:

1840 թուականներից կաթոլիկ հայերից կրթուածներն սկսան հետզհետէ մօտենալ իրանց լուսաւորչական եղբայրներին և կազմեցին Համագույշաց անունով մի ընկերութիւն, որի նպատակն էր գպլոցներ բանալ և կրթութիւնը տարածել ժողովրդի մէջ։ Այդ կաթոլիկներից ոմանք վերջը անցան մայրենի եկեղեցու գիրկը։

Հայոց հարցը

Ծանր հարկերից ճնշուած քրիստոնեանները Բալկանեան թերակղում ապստամբեցան թուրքաց դէմ. նրանց օգնութեան հասան Չերնոգորեան և Սերբեան, Եւրոպական պետութիւններն առաջարկեցին Սբդուլ Համիտ Բ.-ին բարենորոգումներ մտցնել Բալկանեան քրիստոնեանների համար։

Սուլթանը դրան պատասխանեց մերժումով և կոտրածով։ Այն ժամանակ Բալկանեան սլաւոնների համար զէնք վեր առաւ Ռուսաստանը և 1877.-ին սկսուեց պատերազմը երկու կողմից. Բալկանեան թերակղում և կովկասում։ Չնայելով օսմանեան զօրքի քաջ գիմադրութեան, ռուսները մեծ կորուստներ տալով յաղթեցին և առաջ դնացին, մի կողմից համելովկ. Պօլսին, միւս կողմից առնելով Բաթումը, Կարսը և Էրզերումը։

Տասն ամսից յետոյ ոռւսաց զլխաւոր բանակը կանգ առաւ Պօլսի մօտ, Այա Ստեֆանօ զիւղում և կնքուեցաւ դաշինք։ Ներսէս պատրիարքի խնդրանոք Մեծ իշխան Նիկողայոսը այդ գաշինքի մէջ մտցնել տուաւ 16.-երորդ յօդաւածը, հետեւալ բովանդակութեամբ. «Որովհետեւ ոռւսաց

զօրքերը Հայաստանի մէջ գրաւած երկիրներից հեռանալուց յետոյ յիշեալ աեղերում կարող են անկարգութիւններ տեղի ունենալ, որոնք երկու պետութիւնների լաւ յարաբերութիւնները կարող են խանգարել, Բարձր Դուռը յանձն է առնում անյապաղ իրացնել այն բարւոքումներն ու բարենորոգումները, որ պահանջում են տեղական պիտոյքները հայոց բնակած նահանգների մէջ, և երաշխաւորել նրանց ապահովութիւնը չերքէների և քրդերի դէմ։ Բ. Դուռը այս նպատակի համար ձեռք առնուած միջոցները պարբերապէս պիտի ծանօթացնէ պետութիւններին, որոնք պիտի հսկեն նրանց գործադրութեան վրայ։

Այս գաշնազրութեան պայմանները խանգարելու համար Անգլիան գլուխ բերեց մի նոր վեհաժողով։ Այդ ժողովը կայացաւ Բերլինում, 1878.-ին, վեց մեծ պետութիւնների ներկայացուներից և մի նոր գաշինք մշակեց, որով Ռուսաստանն ստացաւ պատերազմական տուգանք և պրաւած երկիրներից կարսի ու Բաթումի շրջանը. Բալկանեան մանը իշխանութիւնների անկախ լինելը ճանաչուեց և Բօլգարեան գարձաւ օսմանեան վասալ իշխանութիւն։

Տաճկանայոց համար Բերլին բարեխօսելու գնացին երկու եպիսկոպոս. Մկրտիչ Խրիմեանը և Խորէն Նարպէյ, որոնք անցնելով Եւրոպական արքունիքները՝ միացան Բերլինում և մի յիշատակագիր ներկայացրին Վեհաժողովին, հայերի համար ինդպելով ներքին ինքնավարութիւն քրիստոնեայ պաշտօնեաններով։

Վեհաժողովը հայերին նուիրեց 61.-երորդ յօդուածը որ հետեւալն է։ «Բարձր Դուռը յանձն է առնում անյապաղ զիւրացնել այն բարւուքումներն ու բարենորոգումները, որ պահանջում են տեղական պիտոյքները հայոց բնակած նահանգների մէջ, և երաշխաւորել նրանց ապահովութիւնը չերքէների և քրդերի դէմ։ Բ. Դուռը այս նպատակի համար ձեռք առնուած միջոցները պարբերապէս պիտի ծանօթացնէ պետութիւններին, որոնք պիտի հսկեն նրանց գործադրութեան վրայ։

Հայաստանն իր անկախութիւնը կորցնելուց յետոյ այս առաջին անգամն է, որ միջազգային դաշնագրի նվազեց գառնում։ Այս վերջին յօդուածով հայերի վիճակի տը-

նօրէն դառնում էին լուսաւորեալ Եւրոպայի վեց մեծ պետութիւնները, այն ինչ առաջին յօդուածով միայն Ռուսաստանն էր պահանջում հայոց վիճակի բարւոքումը:

Այս յօդուածը ցնցեց ամբողջ հայութիւնը. ամենքը կարծում էին, որ բազմաշարչար հայ ժողովուրդը վերջապէս հաճգիստ պիտի գտնի Եւրոպայի հովանաւորութեամբ:

Յայտնի է սակայն, որ երկու ծծմայր ունեցող որբը միշտ սոված է մնում. նոյնը պատահեց և հայերին, որոնք մէկի փոխարէն վեց ծծմայր ստացան: Ռուսաստանը, որ հայոց հարցի ստեղծողն էր, Բերլինի դաշինքից յետոյ յայտնապէս սկսաւ թշնամանալ հայերի հետ. Գերմանիան կամենալով շահել Թիւրքիային, նոյնպէս հակառակորդ էր հայոց հարցին: Այսպիսով երկու մեծ և զօրեղ տէրութիւններ ներքուստ հակառակ էին մեր հարցին: Անգլիան բարեկամ էր ձևանում մեզ, որպէսզի հայերին կանգնացնի ոռւսաց դէմ: Տարաբախտաբար Կիպրոսի դաշինքով հայոց հարցի պաշտպանը դարձաւ Անգլիան, որով աւելի գրգռեց ոռւսներին մեր դէմ:

Թուրքիան 61-րդ յօդուածը չիրագործելու համար հին հայ վելայէթներն այնպէս բաժանեց, որ ոչ մի վիլայէթում հայերը մեծամասնութիւն չէին կազմում. Քիւրքերին զինելով կազմակերպեց համիդէի զօրքը, որով նրանք աւելի վտանգաւոր և սպառնալի դարձան հայերի համար: Հարստահարութիւնները շատացան. հարկերը աւելի բարդւեցան և ժողովրդի գրութիւնը, որ պատերազմի ժամանակ վտանգուած էր աւերմունքից ու սովից, աւելի անտանելի դարձաւ:

Սուլթան Համիդը որոշել էր հայոց հարցը ջնջել հայերին ոչնչացնելով: Քաղաքականութեան անծանօթ, բայց հայրենասէր ու ազատասէր հայ երիտասարդութիւնը քընած չէր: Տեսնելով Բալկանեան ազգերի ազատութիւնը և ինկատի ունենալով Եւրոպայի երաշխիքը 61-րդ յօդուածով, հայ երիտասարդութիւնն սկսաւ աշխատել խօսքով ու գործով: Կովկասեան հայերն իրանց ներքին բարւոքումը թողած, մտածում էին միայն տաճկահայոց աղա-

տութեան մասին: Այդ զգացումներն ու մտածումներն առաջ բերին մի ամբողջ գրականութիւն. Ռաֆֆին իր վառվուն և ազդու վէպերով սկսաւ նկարագրել տաճկահայի անտանելի գրութիւնը և ծրագիրներ մշակել նրա ազատութեան: Մանուկ սերունդը հիմնօգած էր այդ վէպերով ու ծրագիրներով. մի առիթ էր պէտք որ, նա զինավառ օգնութեան համնէր իր եղբայրներին:

Բնիկ երկրում այս ամենն զգացում էր աւելի խիտ ու խիստ գոյներով:

Այնտեղ միայն Ռաֆֆու գրքերից չէին սովորում ձանաչել իրանց կեանքի դառնութիւնը, այլ քար և սարսափելի իրականութիւնից: Եւ անա, Փորթուգալեանը Մարսելում հիմնում է առաջին յեղափոխական թերթը «Արմենիա» անունով:

Կովկասից սկսում են փոքրիկ, խմբական խուժումներ գէպի Տաճկա-Հայաստան:

Թուսաստանի վերաբերմունքը դէպի հպատակ ազգերը և մասնաւորապէս դէպի հայերը փոխուել էր Ալէքսանդր Ալէքսանդր Պ-ի թագաւորելուց յետոյ 1881-ից: Դրա օրով իշխում էր յետադէմ ոռւս կուսակցութիւնը, որի նշանաբանն էր. «Թուսաստանը ոռւսների համար», ուստի սկըսում է մի սարսափելի հալածանք օտարազգիների դէմ, որոնց առաջին շարքերում ճանաչուած էին լեհերը, հայերը, հրէաները և գինները: 1884-ին փակուեցան հայոց դպրոցները, բայց նորէն բացուեցան, երբ կաթուղիկոս ընտրուեց Մակարը: Սա խոհեմ և հեռատես քաղաքականութեամբ գրաւել էր կառավարութեան համակրանքը, թէպէտ ժողովուրդը նրան չէր սիրում: Մրա ժամանակ սկսուեց հայ զինուորագրութիւնը Կովկասում:

Մակարի մահից յետոյ միաձայն կաթուղիկոս ընտրուեց Խրիմեան հայրիկը և Կովկաս մտաւ. Հտեսնուած թափորներով:

Շատ չանցած կովկասեան կառավարիչ նշանակուեց իշխան Գոլիցին և ինչպէս Տաճկա-Հայաստանում, այնպէս էլ կովկասում տիրեց միատեսակ քաղաքականութիւն.

ջնջել ու ոչնչացնել հայութիւնը սահմանների երկու կողմում միաժամանակ և գրեթէ միատեսակ։ Հայաստանի կառավարիչ Զէքի փաշան և Գօլիցինը կարծես մի խնձոր լինէին երկու կէս արած։

ՍԱՍՈՒՆԻ ԶԱՐԴԸ ԵՒ ՔՆՆԻՉ ՑԱՆՉՆԱԺՈՂՈՎԸ

Սասունը լեռնոտ և կիսով չափ անկախ մի գաւառակէ է. 1890 թուականներից Սասունը լեռներում բուն էր գրել մի յեղափոխական խմբակ. 1894-ին երբ քուրդ աշխրէթները ներս են խուժում Սասունը կողոպտելու, տեղացի հայերը նրանց յաղթելով ետ են մղում։ Կառավարութիւնն հայերի այդ յանդիմութիւնը պատճեց կանոնաւոր զօրքերով, ուր 600-ից աւելի հայեր կոսորուեցան և Սասունի գիւղերն այրուեցան ու հիմնայատակ եղան։ Անզլիայի, Ռուսիայի և Ֆրանսիայի ներկայացուներից մի յանձնաժողով կազմուեց, որ ներկայ պիտի լինէր այս ջարդի քննութեանը։

Քննութիւնից երևաց, որ հայերն ապստամբ չեն, այլ ինքնապաշտպանութեան համար էին զէնք վեր առել։ Այս քննութեան առթիւ, Անզլիայի ձեռներէցութեամբ կաղմուեց բարենորոգումների ծրագիր հայոց բնակած վեց նահանգների համար. (Վան, Բիթլիզ, Սվազ, Խարբերդ, Տիարպեքիր և Էրզրում) և 1885 ին ներկայացուեց սուլթան Համբիլին։ Այս ծրագրի իրագործման թէպէտ միացել էր Ռուսիան, բայց ներքուստ հակառակ էր որևէ ճնշում գործ գնելու թուրքաց վրայ։ Սուլթանն էլ լաւ հասկանալով իրերի գրութիւնն սկսեց ձգձգել համաձայնութիւն տալը. Հայերը ձանձրացած երկար սպառելուց, Գօլսում կազմակերպեցին Պալը-Ալիի ցոյցը և (1895 թ. հոկտեմբերին) կառավարութիւնից խուսափելով փակւեցան եկեղեցիներում։ Վերջապէս հոկտ. 16-ին Սուլթանն ընդունեց բարենորոգումների ծրագիրը։ Սակայն ծրագրի ոչ մի կէտը չկատարուած, սկսուեց ի կատար ածուել մի այլ գոլսային ծրագիր. սկսուեցին կանոնաւոր և կազմակեր-

պուած ջարդերն ամեն հայաբնակ տեղերում։ Մի տարուայ ընթացքում այդ ջարդերին զոհ գնացին մօտ 150 հազար հոգի, մեծ մասամբ տղամարդիկ։

Այս կոտորածների շնորհիւ բազմաթիւ հայեր դուրս գալով երկրից, գաղթեցին Կովկաս, Պարսկաստան, հարաւային Ռուսաստան, Բօլգարիա, Եգիպտոս, Եւրոպա և Ամերիկա։ Երկիրն սկսուեց աւերուիլ և կոտորածներին յաջորդող սովը, աղքատութիւնը և հիւանդութիւնները, որ տեսում են մինչև այսօր, լրացնում են պակասը։

Այս ամենի վրայ Եւրոպայի ուշագրութիւնը գարձնելու համար մի խումբ գաշնակցական երիտասարդներ կազմակերպեցին բանկ Օտատօմանի առումը 1896-ի. օգոստոսին։ Ռումբի պայթումին զոհ գնաց նրանց առաջնորդ Բաբէնը. մնացեալներն աղատուեցան ոռուսաց դեսպանատան միջնորդութեամբ՝ իսկ Պօլսում այդ առթիւ կոտորուեցան 10,000 հայ. մեծ մասամբ գաւառացի մշակներ։ Այսպիսով 61-րդ յօդուածը և 1895-ի բարենորոգման ծրագիրը, մշակուած դեսպանների ձեռքով, փոխանակ բարերի, հիմք դարձան հայ աղգի կրած ամենասոսկալի կոտորածներին։

ԶԷՅԹՈՒՆԻ ԱՆՑԲԵՐԸ

Ռուբինեան թագաւորութեան անկումից յետոյ էլ Կիլիկիայի անառիկ լեռնիրում դեռ մնացել էին տեղեր, հայերը քաջութեամբ դիմադրելով թշնամիներին պահպանել էին կէս անկախ մի դիրք։ Այսպիսի տեղերից էին Զէյթունն ու Հաճինը, որ բազկացած է 10 գիւղերից, վեցը զուտ հայաբնակ, իսկ չորսը խառը թուրքմենների հետ։ Այս ժողովուրդը կառավարում է չորս հայ իշխաններով։ Սրանք իրանց ներքին գործերի մէջ անկախ, մի փոքրիկ հարկ են վճարում միայն թուրք կառավարութեան։ 1862-ին կոփւ ծագեց Զէյթունում Ալաբաշ հայ գիւղի և թըրքարենակ Ֆէթման գիւղի մէջ։ Այս առթիւ Մարաշի Ազիզ փաշան 30,000 զօրքով յարձակուեց հայերի վրայ, կամի-

Նալով նուաճել Զէյթունը, Ալաբաշն առան և հիմնայատակ արին: Թուրքերը յետոյ գնացին Զէյթունի վրայ, բայց զէյթունցիք յաղթութիւնը տարան և մեծ աւարչիցին թշնամուց: Կառավարութիւնը պահանջեց, որ չորս հայ իշխանները Մարաշ գան: Հայերը հասկանալով նրանց միտքը, մերժեցին և անմիջապէս պատգամաւորներ ուղարկեցին Պարիզ Նապօլէօն Գ. կայսեր միջնորդութիւնը ինդրելու: Ֆրանսիայի միջնորդութեամբ զէյթունցիքանտարկուած հայերն ազատուեցան և սուլթանի հրովարտակով Զէյթունի վարչութիւնը, գատավարութիւնը և ուժիկանութիւնը յանձնուեցաւ տեղացիներին:—

Նշանաւոր էր և մեծ տպաւրութիւն թողեց Եւրոպայում Զէյթունի ընդհարումը 1895-ին. մինչդեռ ամբողջ Տաճկահայաստանում հայերը կոտորւում էին առանց ընդդիմութեան, Զէյթունցիք գերի վերցրին գայմագամին իր սպաններով և 600 զինուորներով: Զէյթունի վրայ գնաց թէմզի փաշան 10,000 զօրքով և պարտութիւն կրեց: Հաշտութիւնը կայացաւ Եւրոպայի դեսպանների միջնորդութեամբ, փոխադարձ զիջումներով: Այնուհետև Զէյթունի գայմագամը քրիստոնեայ է նշանակում:—

Հայոց թիւր և պարապմութիւն ներկայում

Բնիկ երկրում՝ Հայաստանում, հայերը պարապում են ըստ մեծի մասին հողագործութեամբ և անասնապահութեամբ: Քաղաքներում՝ նրանք մեծ մասամբ զբաղուած

են արհեստներով և վաճառականութեամբ: Հեռու գաղթավայրերում միայն նրանց պարապմունքի առարկան է գըլխաւորապէս առևտութը:

Ուր էլ զնան, հայերը քիչ թէ շատ ապահովուելուց յետոյ ձեռք են զարնում կուտուրական գործերի: Ամեն մի գաղթավայրում հայ տպարանն ու մամուլը անպակաս է, սկսուած հեռաւոր Ամերիկայից մինչև Եգիպտոս, Բուլղարիա և Շվեյցարիա: Յաւալի է, որ որակը համապատասխան չէ այդ մամուլի մէջ քանակի շատութեան: Ներկայում հայերը բնակուած են գլխաւորապէս իրանց նախնի երկրում. Տաճկահայաստանում նրանց թիւը համար է մօտ 600,000 հոգու. մնացեալ Ասիական թուրքիայում նոյնպէս 600,000 հոգի. Եւրոպական թուրքիա. 200,000. Տաճկահայաստանում հայերն ամենից խիտ բնակուած են Մշոյ գաւառում և Վանայ նահանգում, ուր կազմում են ազգաբնակութեան մօտ 30^{0/0}-ը:

Կովկասում հայոց թիւը համար է 1,200,000 հոգու. Հայերը կովկասում կենդրոնացած են գլխաւորապէս Եւրեանի նահանգում, ուր հայերը բնակութեան կէսից աւելի են, Գանձակի նահանգում, ուր կազմում են բնակութեան մէկ երրորդը:

Թուսաստանում հայերի թիւը համար	է մօտ 100,000 հոգու, որոնք բնակուած են Բեսարաբիա, Խրիմ, Նոր-Նախիջևան, Հիւսիսային Կովկաս և Աստրախան: Գաղթային մի մեծ հոսանք էլ այժմ նկատելի է գէպի Անդրկասպեան երկիրները, ուր հայոց թիւը համար է մօտ 10,000 հոգու:	30,000 է.
Ամերիկայում հայոց թիւը	· · · · ·	30,000
Աֆրիկա, Եգիպտոս	· · · · ·	15,000
Եւստրիա, Բուլղարիա և Ռումանիա	· · · · ·	20,000
Պարսկաստան	· · · · ·	50,000

Բոլոր հայոց թիւն է ուրեմն մօտ 3,000,000

միջապէս շփուելով լատին ազգերու հետ, առին անոնցմէ գրական ճաշակը, գաղափարներու շնորհածեւ արդ ու զարդեր, վերջապէս ձևեցին աշխարհաբարը անոնց կաղապարի վրայ:

Ընդհակառակն Կովկասահայք, աւելի ուշ իմացան «որ ժամանակ է թօթափելու գրաբարի ծանր ու կաշկանդիչ կապերը» և ապա շփուելով գերման ցեղին հետ, ինչպէս դիտուած է յաճախ, ստացան անոնցմէ աշխատանքի տոկունութիւնը: Բայց գերման լեզուն նշանաւոր չէ փափկութեամբ, ինչպէս իր գրագէտները՝ ճաշակով: Ռուսահայք ալ զրկուեցան անոնցմէ շատ տարիներ:

«Ի նկատի ունենալով նուազայնութեան օրէնքը, մեր արևմտեան լեզուն մի փափուկ, ցածր և համեմատաբար արագ խօսելու, հետևաբար սալոնի լեզու է: Մինչև արևելեանը բարձր և կոպիտ խօսելու, ուրեմն լեռնային լեզու է»:

Բայց Ռուսահայք ծանօթանալով արևմտեան հայերէնի, ու նաև ուղղակի, ֆրանսական ձգիչ մատենագրութեան հետ, սկսան նրբանալ նաև ճաշակի մէջ: Այսպէս ուրեմն հայութեան երկու մեծ զանգուածները տարրեր ճամբաներու հետեւելով, յարեցան լատին և սլաւ կամ գերման ցեղերու, բնականաբար առանց զերծ մնալու կիմամային անխուսափելի ազդեցութենէն:

Արևմտեան հայք, նախ և առաջ, դեռ բուն գրական գործին ձեռք չի զարկած, սկսան լեզուական օրէնքով աւանդել և անոնց համեմատ հայացնել օտարազգի գլուխ գործոցներ:

Կավկասահայք ընդհակառակն, անմիջապէս և բուռն եռանդեամբ գործնականին մէջ մտան, գրաբարի կաշկանդիչ կապերէն ազատուելու համար, ինչպէս կըսէ Վանցեան: Բարեբախտաբար շնորհիւ տաղանդաւոր անձինքներու չկասեցան ծանր գործը առաջ տանելէ, և յաջողե-

ՄԵՐՈՒԼԻ ԿՐԻԹԻՔ

ՊԱՏՄԱԿԱՆ ՔԵՐԱԿԱՆՈՒԹԻՒՆ

Արեւելահայ լեզուի

Հեղուաբանականին հաւասար տեղ կը բռնէ՝ Վանցեանին երկին մէջ՝ պատմական բաժինը, ըլլալով նոյնքան ինամւած և օգտաշահ:

Այս երկը, հայրենասիրական զգացումով ոգեզառ, ոչ միայն իբրև շարժանկարի (սինէ մաթոկը ափ) տեսարաններ կանցնէ ընթերցողի առջևէն Կովկասահայ մտքի յաղթանակները՝ այլ Պ. Վանցեան միանդամայն իբրև անաչառ դատաւոր՝ համեմատութեան դնելով Պօլսահայ և Կովկասահայ մատենագրութիւնը, չի վարանիր յափշտակւած նայուածքը մուղղել առաջնոյն և վերջնոյն ստորնութիւնը խոստովանուիլ, — եթէ ոչ ամեն մասի՝ գէթ ճաշակի մէջ:

Այս յայտնի է, իրաւցնէ, որ Կովկասահայք չունեցան մինչև մեր օրերը՝ գրեթէ լեզուին այն անոյշ ձևերը, դարձուացքները, փափկութիւնները և նրբութիւնները, որով պօլսահայ բարբառը այնքան հրապոյր ու շնորք կը զգենու:

,,Մի ուրիշ տարօրինակութիւնն արևելեան բարբառների այն է, որ ձեռափոխուելու և զարգանալու յայտնի ձգտումների հետ՝ զուրկի են նրբութեան և կոկութեան զգացումներից”:

Որոշ է դարձեալ որ գրաբարի ցանկապատէն գուրս ստորդները առաջին անդամ Տաճկահայք եղան, որոնք ան-

յան հաստատուն ուղղութիւն մը տալու լեզուին և մատենագրութեան:

Պր. Վանցեանի երկը շահեկան է ոչ միայն արևելեան լեզուի, այլ և գրաբարի պատմութեամբ հետաքրքրութիւն երուն. նա կը ջանայ ցուցնել գրաբարէն ալ հին հայերէն մը՝ մեր արդի գաւառաբարբառներուն մէջ:

Գր. Վանցեանի հետ կը շրջինք ոչ միայն մերձաւոր անցեալին, այլ և խորագոյն հնութեան մէջ: Իր գիրքը կրթութիւն մ'է և զբոսանք. հաճոյակական է ինչպէս դաշտագեղ դաշտի մը մէջ հնախօսական պեղում մը:

«Բազմավէպ» 1907 թ. յունիս.



Գրադրութեան Վանցեանի „Արմանքան ավորութեան առաջնային աշխատանքներին” համար աշխատանքներին, կազմողի պատկերով
Հայոց Առաջնային աշխատանքներին 1907 թ. յունիս:

Издание христоматии, какъ учебнаго пособія, требуется отъ составителя умѣнія систематизировать литературный материалъ такъ, чтобы ученикъ по избраннымъ образцамъ изящной литературы могъ легко ознакомиться съ характеромъ творчества авторовъ и вмѣстѣ съ тѣмъ усвоить литературное знаніе языка. Этому требованію въ достаточной степени удовлетворяетъ вышедшій вторымъ изданіемъ сборникъ Гр. Ванцяна „Армянские авторы“, въ которомъ нашли мѣсто отрывки изъ произведеній корифеевъ армянской литературы съ краткимъ биографическимъ очеркомъ послѣднихъ, что такъ необходимо для полноты знанія ученика жизни и дѣятельности изучаемыхъ авторовъ.

Сборникъ г. Ванцяна можетъ служить для учениковъ армянъ полезнымъ учебнымъ пособіемъ по классу армянского языка и словесности, который до послѣдняго времени у насъ не существовалъ.

«Тифл. Листокъ»

ՑԱՆԿ

Զօն աշակերտներին, կազմողի պատկերով	Էջ
Ուսուցիչներին	4
Հայերի ծագումը	5

ԱՌԱՋԻՆ ՇՐՋԱՆ

Հայ ազգի ծագումն ըստ աւանդութեան	7
Հայկի յաջորդները մինչև Արամ	9
Արամ նահապետ	10
Արա գեղեցիկ	12
Պարոյր Հայկացն և Հրաչեայ	13
Ուրարտացիներ կամ Խալդեր	14
Տիգրան Ա. Երուանդեան	16
Տիգրանի յաջորդները	17
Մակեդոննեան սելիկեան իշխանութիւն	18

ԵՐԿՐՈՐԴ ՇՐՋԱՆ

Արշակունիք Հայաստանում	19
Վաղարշակի հաստատած կարգերը	20
Արտաշէս Ա.	21
Տիգրան Երկրորդ մեծ	23
Արտաւազդ	28
Տիգրան	29
Անանուն	30
Երուանդ	31
Արտաշէս Բ.	32
Հեթանոս հայոց կրօն	40

ԵՐՐՈՐԴ ՇՐՋԱՆ

Տրդատ և Լուսաւորիչ	42
Տրդատի յաջորդները	45

Վասմշապուհ և տառերի գիւտը	49
Վասմշապուհի յաջորդները	50
Առաջին կրօնական պատերազմ	51
Վասակի դատաստանը	56
Վահան Մամիկոնեան	57

ԶՈՐՈՐԴԻ ՇՐՋԱՆ

Արաբաց արշաւանքները և Բաղրամունիք	60
Բաղրամունիք, Աշոտ Ա., թագաւոր	64
Սմբատ Ա.	65
Աշոտ երկաթ	66
Աբաս, Աշոտ Գ. Ողորմած, Սմբատ Բ. Գագիկ Ա.	67
Անի	69
Յովհաննէս Սմբատ և Աշոտ	72

ՀԻՆԳԵՐՈՐԴԻ ՇՐՋԱՆ

Թուբինեան իշխանութիւն	75
Թորոս Ա.	77
Թորոս Բ.	78
Մլէհ	80
Լեռն Բ. թագաւոր	82
Զապէլ և Փիլիպպոս. Հեթում Ա.	85
Լեռն Գ.	87
Հեթում Բ. Լեռն Գ.	88
Օշին	90
Լուսինեան թագաւորներ	92
Լեռն Զ.	93
Հայաստանի գրութիւնը բագր. անկու- մից յետոյ.	94
Թաթարաց արշաւանքը	95
Լէնկթեմուր	97
Օսմանցիք և պարսիկները Հայաստանում	98
Շահ Աբասի արշաւանքները	99
Էջմիածինը վերստին հայրապետանոց	102
Ղարաբաղի մէլիքները և Քափիթ բէկ	103

Հայերի գաղթը	106
Լեհաստանի հայերը	108
Հնդկաստանի հայերը	111
Ռուսաստանի հայերը	113
Պարսից նոր յարձակումները	115
Պօլօժենիէ, դպրոցներ, մամուլ	117
Հայերը Թիւրքիայում	121
Կաթոլիկ հայերի խնդիրը	122
Բողոքական հայերի խնդիրը	124
Ազգային սահմանադրութիւն	126
Հայոց հարցը	128
Սասունի ջարդը և բննիչ յանձնաժողովը	132
Զէյթունի անցքերը	133
Կովկասեան անցքեր	134
Հայոց թիւը և պարապմունքը ներկայումս Մամուլի կարծիքը Պատմ. քերականու- թեան և Հայ հեղինակների մասին	136
	138



15635

